

NATIONAL ASSEMBLY OF SEYCHELLES

Tuesday 30th November, 2021

The Assembly met at 9.01 am

National Anthem

Moment of Reflection

Mr Speaker in the Chair

MINISTRY OF LAND USE AND HOUSING

MR SPEAKER

Mersi. Bonzour tou Manm Onorab. Bonzour nou staff. Nou piblik ki swiv nou fidelman.

Bon nou reprenan travay lo *Appropriation Bill, Committee Stage*. Sargeant i a pas nou dan Staz Komite, e madanm rapporter i ava apel delegasyon pou *Land Use and Housing, Land Use Housing and Infrastructure*.

Bonzour e byenveni Vis-Prezidan Ahmed Afif, ki pe reprezant Minis Billy Rangasamy. *Minister for Land Use and Housing*.

E mon osi swet labyenveni avek Minis, Mr Denis Barbe, *Principal Secretary* pou

Housing. Ms Murielle Morgan, *Principal Secretary* pou *Lands*. E Ms June Loveday, *Financial Controller* dan sa Minister.

E lo kote Minister Finans ozordi nou annan Ms Irene Croisee, *Comptroller General*. Mr Jude Commettant, *Director Public Investment and Asset Management*.

Byenveni zot tou e mersi davans pou zot partisipasyon.

Nou komans avek Bidze pou *Ministry of Land Use and Planning*. Lo paz 337 ziskan 345, pou en total R95milyon 48 mil.

Vis-Prezidan mon evit ou fer lentrodiksyon.

THE VICE-PRESIDENT MR AHMED AFIF

Mersi bokou Mr Chairman. Bonzour Mr Chairman. Bonzour Leader Biznes Gouvernman. E tou bann Manm Lasanble. E tou dimoun ki pe swiv Lasanble Nasyonal bomaten.

Mr Chair, mon pe reprezant Minister Later ek Lakaz, prensipalman akoz Minis Rangasamy, Minis pou Later ek Lakaz i pa kapab malerezman avek nou ozordi, pou bann rezon medikal son zanfan.

Briyevman, sa Bidze 2022 i R95 milyon. E par konparezon

pou 2021, Bidze ti R80milyon. Sa diferans R15milyon logmantasyon i prensipalman *comme swivan*.

Pou 2022, R2.4milyon i reprezant en logmantasyon dan *wages and salaries*. R360mil ki en pti logmantasyon anba *goods and services*.

E pli gro parti sa logmantasyon se 12milyon, anba sa ki nou apel *non-financial assets*. Ki dan lepase nou ti konn li koman *capital projects*. E mon ava eksplike dan en pti moman.

Alor sa R2.4milyon logmantasyon dan *wages and salaries* i prensipalman, annefe lanmwatye, i akoz 10 *staff* ki ti abitye ek Minister Finans pou *accounting*, preznan i ganny transfer anba Minister.

Alor i plito en sonm ki ganny tire dan Minister Finans pou anvoy dan Minister Later ek Lakaz. I R2.1milyon dan sa R2.4milyon.

Larestan se bann provizyon pou en *senior legal officer* pou portfolyo Lakaz ek Later. E answit nou annan bann *staff* ki an 2021 zot ti pe ganny anploye kot *President's Office*. Me selman preznan zot saler pe ganny transfer direkteman kot *Land and Housing*.

E sa i pou en *information officer*, nou annan 2 post aktyelman. En *post senior information communications officer*. En *post office assistant*, avek en drayver.

Alors sa i reprezant sa logmantasyon dan *wages*.

Goods and services, en pti logmantasyon 360mil. R241mil ladan i *wages in kind*. E sa i plito lakaz pou bann *expatriate housing* pou Minister.

Office expenses ki'n mont par R317mil. Transportasyon li in redwir par R6mil. *Material and supply* R25mil logmantasyon.

Apre *other uses of goods and services*. Li ni redwir par R737mil. E *minor capital* sa i bann pti lekipman *IT* ki nou pe rode enkli bann *printer*. Li in mont par R521mil.

Ki fer ki *goods and services* an gro avek sa bann ki'n monte ek desann. I fer en pti logmantasyon R360mil.

Dernyen *item* se *non-financial assets*. Parey sa ki nou dir sa lontan *capital projects*. I en logmantasyon R12 milyon.

Kwa sa? I senpleman transfer ki ti oparavan anba SSI. En sonm, en provizyon R12 milyon ki ganny fer pou re-pey later ki SSI ti bezwen, ti annan en komitman pou re peye. Ki ti R1milyon apepre par mwan.

Alor sa prezan vi ki *SSI* in nepli. Tou son bann obligasyon in transfer anba *Ministry of Lands and Housing*. E sa i reprezant sa logmantasyon R12 milyon.

Alor vwala an gro Mr Chairman, sa logmantasyon R15milyon dan Bidze oparavan. Parey zot a war napa naryen vreman ki en logmantasyon. I plito bann transfer sorti dan lezot Bidze, ki prezant in met anba responsabilite *Land and Housing*.

Mersi bokou Mr Chairman.

MR SPEAKER

Mersi *VP*. Nou a pas lo kestyon bann Manm. Mon annan en *full lalis* Manm deza. So ankor enn fwa mon a rapel zot pou gard zot kestyon kourt e *to the point*.

Silvouple reste lo 2 pwen. E mon pa anvi enteronp zot ler zot pe demann zot kestyon, so aplik disiplin zot menm. Mersi.

Nou ava konmanse. Mon pa'n tro sezi lord Manm ki'n lev lanmen, eksepte pou Onorab Sandy Arissol. E mon a komans avek li.

HON SANDY ARISSOL

Mersi Mr Chair. Bonzour *VP* avek ou delegasyon. Tou Manm Lasanble Nasyonal. E tou dimoun ki pe ekoute.

Mr Speaker, mon ti ava kontan kekfwa avan mon komanse, letan *VP* in mansyonn Minis ki pa la pou rezon lasante son zanfan. Kekfwa nou ti a bon letan nou pe fer sa travay pou nou mazin li. Parske enn de fwa i pa'n dan Lasanble pou rezon medikal pou son zanfan. E nou mazin dan nou lapriyer an relasyon e sa.

Mr Speaker, savedir la sa sesyon nou pe demann kestyon lo Lakaz avek Later?

MR SPEAKER

Wi nou pe pran, lo Minister nou pe pran tou lede ansanm. Me apre nou pou annan *Town and Country Planning*. E *Infrastructure Agency*.

HON SANDY ARISSOL

*Ok, very good. Ok Mr Chair. So, mon ava annan mon kestyon pou Lakaz avek Later. Mon ti ava kontan premyerman demann zot. Demann *VP*, oubyen *PS* ki la.*

Parey Minis Finans in dir dan son ladres, pou napa kantite proze lakaz pou lannen ki pe vini, depandan lo finansman ki ava annan.

Me selman an vi Bel Ombre, ki nou, nou annan en proze ki pe fer la ki preski fini. E mon ti a kontan zisteman

demann zot, kan nou pou espekte nou proze Bel Ombre i fini? Pou ki nou bann dimoun Bel Ombre i benefisyé avek nou lakaz ki nou annan la. Mon premye kestyon.

Mon dezyenm kestyon ki mon ti ava kontan demann ek zot. Se kan ki Lotorite Distrik nou ganny sans zwenn avek zisteman Minister Lakaz pou nou kapab fer sa travay pou nou gete lekel priyorite lo nou lalis?

Parske mon aprann i annan en vizit ki pe ganny fer dan Distrik Bel Ombre. Zisteman pou get bann dimoun ki dan bezwen. E mwan mon pa'n ganny enkli ladan. Mon pa ankor ganny enformen.

Parske mon santi mon osi i annan plizyer dimoun ki lo lalis ki en priyorite. Sa i mon dezyenm kestyon.

Mon trwazyenm kestyon e mon final se, pou later.

MR SPEAKER

Trwa. Ale.

HON SANDY ARISSOL

Pou later. Mon ti ava kontan demann avek PS Later, kan eski an vi ki Bel Ombre nou annan en proze *landbank* Dan Gala ki'n ganny donnen preski 1an pe al lo 2an. Kan eski zot Minister i lyez avek *PUC* pou ki

bann lenfrastriktir delo avek elektrisite i ganny mete an vi ki i annan konstriksyon ki pe komanse lo sa bann *landbank State Land* ki zot, zot in donnent?

Mersi bokou Mr Chair.

MR SPEAKER

Mersi. VP wi ou ava diriz ou delegasyon.

THE VICE-PRESIDENT MR AHMED AFIF

Mersi bokou Mr Chairman. E mersi Onorab. Mr Chair petet zis pou gidans, mon ti ava kontan zis enform bann Manm ki sa Bidze ki devan nou la, i plito en Bidze pou *Management*.

Savedir i pe kouver kou *wages* bann travayer Minister. Son bann kou *rental*, son kou telefond, elektrisite.

Sa Bidze R95milyon i pa Bidze pou fer lakaz oubyen later, oubyen lenfrastriktir. Sa i pou tonm anba *Department of Infrastructure*, son Bidze pe vini taler.

Alors mon pe zis rod en gidans avek ou Mr Speaker. Eski nou pou koz lo sa bann proze spesifik la? Oubyen, mon pa santi nou dan en pozisyon la akoz bann dimoun Lenfrastriktir pa la.

I ti ava pli meyer ler zot la. Anba sa *budget heading* ki bokou pli gro. Ki la nou kapab petet donn en pe detay lo sa ki Onorab pe demande. Parske in demann lo proze Bel Ombre. Kan pou annan *meeting*, e kan pou met lenfrastruktir avek bann proze.

So sa i plito pou *Infrastructure*. Mersi Mr Chair.

MR SPEAKER

Wi VP sertennman. Si sa bann kestyon i aplik plis pou *Infrastructure Agency*, nou a pas li taler.

Wi si i annan sa *panel* pou bezwen deside. *Panel* ler i arriv kestyon zot kapab zis dir, "mon a reponn sa enn, nou a pran lot pli tar."

VP, yes.

THE VICE-PRESIDENT MR AHMED AFIF

Mersi Mr Chair. Mon ava permet *PS* pou *Housing* petet reponn enn ki relevan avek sa ki mon'n demande. Mersi.

MR SPEAKER

Wi. *PS.*

PS HOUSING DENIS BARBE

Mersi Mr Chair. Bonzour tou dimoun. Onorab bann vizit ki nou pe fer la, i an preparasyon pou alokasyon. Lefe ki Departman Lenfrastruktir in dir

nou poudir possibleman dan premye kar lannen prosenn proze pou konplete.

So sa i travay preparasyon ki nou pe fer, pou nou kapab *at least* met tou dosye nou bann dimoun ki aktivman pe kontribye dan distrik Bel Ombre pou en lakaz, a zour.

I pou annan bann travay teknik ki nou pou fer avek Lotorite Distrik *once* ki nou'n fini fer tou nou bann vizit. Pou nou kapab verifye sa bann lenformasyon. E sa i ava deklans nou premye *meeting* ofisyel pou an preparasyon pou alokasyon.

So nou pe prezimen nou pou kapab fer sa baze lo programm travay dan tar Zanvye, pou nou kapab enterakte avek distrik. *Thank you.*

MR SPEAKER

Mersi. E Onorab Arissol mon'n fini donn ou en *tick* lo *Infrastructure Agency*.

Bon nou a swiv, mon a pran Onorab Gabriel. Akoz yer mon ti koup son kestyon. So mon ava donn li loner al boner.

Onorab Gabriel.

HON CONRAD GABRIEL

Mersi Mr Speaker. Bonzour *VP*, ou *panel*. Bonzour tou dimoun a lekout. Zabitan Point Larue.

Premyerman mon ti ava kontan petet vi ki *VP* in dir pli ou mwen *Management wise* en pti pe. I plis *policymaking*, bann *decision making*.

Vi ki Point Larue i annan en proze *landbank* ti'n komanse anler *Anse Dejeuner*. Zis petet *VP* ou ti ava kapab zis *enlighten* nou en pti git. Mon krwar son semen pres pou konstri pe fini.

So ki zistans? Kan ki zot krwar petet pou ouver pou finalman dimoun ganny sa bann *plot* later, pou zot kapab komans zot devlopman? Se sa en pti pe.

Apre pou annan lezot kestyon ki pou vin dan Lenfrastruktir. Sa i pou konsern lakaz li menm an zeneral pou Point Larue. Ti annan bann proze *beacon*, bann *demarcation*, bann *boundaries*. Sa i ankor en pe *issues*.

So ti annan en legzersis ki zot ti fer. Mon ti ava kontan konnen petet ki zistans sa lannen ki'n pase, ki zistans zot in arive ek sa bann prosesis? Mersi.

MR SPEAKER

Mersi. Wi *VP*.

THE VICE-PRESIDENT MR AHMED AFIF

Mersi Mr Chair. Mersi Onorab. Onorab malerezman mon napa sa lenformasyon la, akoz sa i pou avek *PS Infrastructure*. Li ki responsab tou bann proze Lenfrastruktir. E li i pou dan en meyer pozisyon pou reponn zisteman kot zot ete, ki *status*. Ki mannyer zot pe planifye.

So avek ou permisyon Mr Chair, si nou ti kapab atann, nou ava reponn sa kestyon, me selman koman *infrastructure* i monte.

MR SPEAKER

Bon.

HON CONRAD GABRIEL

Petet *VP*. Lo later *landbank* ou napa okenn.... *PS* Later i la mon krwar....

MR SPEAKER

Wi *VP*. Yes *VP*.

THE VICE-PRESIDENT MR AHMED AFIF

Mersi Mr Chair. Ankor enn fwa, wi *PS* Later i la li. Me selman son devlopman e son konponan lenfrastruktir i tonm anba *Infrastructure* menm.

Alor petet laplipar sa bann kestyon pou mont ler *Infrastructure* i vini. Mersi Mr Chair.

MR SPEAKER

Ok. Bann Manm silvouple reviz zot kestyon e anmas bann ki lo proze lakaz dan zot distrik. Kan pou ganny fer ensidswit, pou *Infrastructure Agency*.

Bon nou ava kontinyen. Mon ava regarde, mon a pran Onorab Esparon.

HON REGINA ESPARON

Mersi Mr Chairman. Bonzour Minis ek ou delegasyon. Mr Chairman mon ava seye, me selman mon panse kekfwa mon kestyon i pou al pou PS Later.

Mon ti ava kontan konnen ki kalite negosyasyon ki ankor pe ganny fer, pou kapab ganny *wayleave* pou ariv lo sa later *ex-SACOS* ki Gouvernman in *purchase* pou proze 24/24 dan distrik Glacis?

Mersi.

MR SPEAKER

Mersi. PS. VP, PS ava reponn?
Yes, PS si ou kapab reponn.

PS LANDS MURIEL MORGAN

Bonzour Onorab. Mersi pou ou kestyon. Nou pe annan nou en bon pe retar lo sa negosyasyon pou ariv lo sa kare later. Senpleman akoz sa propriyeter sa later ki, parey ou konnen i enn prive. I en pti pe rezistan, dapre bann diferan lof ki nou,

nou pe sey met devan sa madanm.

Me selman nou pe sey nou mye pou nou kapab ganny en debousman dan sa negosyasyon o pli vit ki posib. Akoz nou konsyan ki sa i pe retar sa proze dan distrik. Mersi.

MR SPEAKER

Mersi. Mon a pran Onorab Sophola.

HON NOLINE SOPHOLA

Mersi Mr Chair. Bonzour Mr Chair. Bonzour Minis ek ou delegasyon. Tou Manm Onorab e tou dimoun ki a lekout.

VP mon ti ava kontan konnen lo kote taso. Ler bann dimoun i aste later ki Polisi i ete? E si i annan keksoz ki'n ganny mete dan Bidze, pou ki zot annan plis zofisyel pa pran en ta letan pou dimoun konnen kote son balizaz i ete pou zot kapab fer zot travay?

E dezyenmman mon pe regarde lo kote zofisyel pou Later ek Lakaz lo La Digue, ki vin lo La Digue sorti Praslin. An *ment* fwa mon'n demande si nou kapab ganny en zofisyel permanan pou fasilit lavi Digwa?

Akoz ler ki dimoun i bezwen lenformasyon zot pa pe gannyen. Ler zofisyel i vini zot pa

konnen. E mon pe sey demande si dan sa Bidze zot pe fer provizyon pou ganny en zofisyen plis? Si non si nou kapab donnent dan le fitir?

Mersi Mr Speaker.

MR SPEAKER

Mersi. VP wi.

THE VICE-PRESIDENT MR AHMED AFIF

Mersi Mr Chair. Mon ava permet PS Morgan lo kote Later pou reponn avek ou permision.

MR SPEAKER

Yes.

PS LANDS MURIEL MORGAN

Mersi VP. Mersi Mr Chair. Mersi Onorab pou ou kestyon. So lo kote *survey* nou pe fer nou mye ki nou kapab. Dan lesans ki ler en dimoun i ganny vann en kare later, i ganny montre kot tou son taso i ete.

Parey nou konnen i ilegal pou retire taso. E nou war ki i annan en bon pe lofans ki pe ganny fer kot bann taso i ganny retire. Me i enportan pou gard antet osi ki si sa later pa pou Gouvernman i pa vin otomatikman responsabilite Gouvernman pou met e montre taso.

Nou ankouraze ki si dimoun zot later i prive zot ti

ava kontan ganny sa servis pli vit. Ki zot al *towards* bann *surveyors* prive, ki apre i tourn kot nou pou dernyen sertifikasyon lo zot *boundaries* ki pe ganny fer.

Lo kote staff mon a les PS Barbe.

MR SPEAKER

Wi PS.

PS HOUSING DENIS BARBE

Lo kote *staffing* Onorab. Nou annan en lofis Praslin. Ti annan en sel travay ki nou ti pe fer avek lofis Praslin pou reorganize en pti pe mannyer zot fonksyonnen.

Sirtou avek bann sanzman entern dan Minister, avek separasyon Departman Lenfrastriktir avek *Infrastructure Agency*. Nou'n bezwen rekalibre en pti pe sa lafors ki nou ti pe fer. Kot i pou annan zofisyen spesifik ki pou fer fonksyonnalite later ek lakaz lo Praslin.

Pou Lakaz i deza annan en zofisyen. So i zis *matter of organization* en pti pe son *emploi du temps* pou kouver La Digue en pti pe pli souvan.

Tandis ki pou Later nou pe finaliz bann pti detay ki annan pou fer avek aziste en pti pe *job description* sa zofisyen, pou li kapab pran son full

responsabilite pou Departman Later lo Praslin avek La Digue.

So sa i anmars. Nou pe konfortab ki *by Zanvye* nou pou'n ok pou nou kapab *at least* deklanse. *Thank you.*

MR SPEAKER

Mersi. Onorab Romain.

HON GEORGE ROMAIN

Mersi Mr Speaker. Bonzour Mr Speaker. Bonzour VP avek panel.

Mr Chair mon kestyon i en pti pe menm laliny avek Onorab sorti La Digue. Mon kestyon mon ti anvi demann avek PS, mon krwar nou'n deza koz avek PS Barbe *in the past* VP, *regarding* travayer menm. Akoz mon santi ennler i mank en pe plis teknisyen pou kapab fer bann vizit dan distrik. Akoz sa mon'n deza met devan PS Barbe, ki toulstan nou war PS menm ennler ki bezwen vini. Nou konnen PS i en pe *busy*.

Me alors mon pe regarde dan sa Bidze, mon'n tann VP fer mansyon ki annan detrwa travayer pe ganny *recruit*. Mon pe regarde si pou annan sa bann pozisyon bann teknisyen ki pou kapab fer bann vizit?

Apre mon annan en lot pti kestyon mon ti a voudre, an vi ki lannen prosenn nou pe antre dan proze kot later pou ganny

idantifye dan distrik. E sa bann later nou pou kapab *purchase* bann dimoun ki'n fer aplikasyon avan 2017, mon konnen sa i pou en *process* ki pou bezwen bokou plis travayer. Alors mon ti ava kontan si i annan ase mendev ki pou kapab asiste sa bann process pou kapab deroul byen?

Mersi Mr Chair.

MR SPEAKER

Mersi Onorab. PS Barbe pou reponn?

PS HOUSING DENIS BARBE

Mersi Mr Chair. Onorab travay ki nou'n fer sa lannen i pe reflekte egzakteman sa swe ki ou pe met devan nou la.

Menm si provizyon Bidze pou 2021 pa'n posib pou nou *recruit staff* adisyonnelle baze lo sityasyon pei.

Nou'n get bann lezot alternativ e pou sa ki nou war nou nou'n ganny sa bann *staff* ganny redeplwaye. Pou nou kapab tir en pti pe nou bann dimoun teknik koman bann *front-end* anvoy zot deryer dan *back-end* pou kapab fer bann travay koman bann *housing officers*.

E atraver sa *move* nou pe santi nou kapab ganny *at least* ankor 2 *staff* ki pou zwenn sa 5

housing officers ki nou ti annan ki ti pe kouver Mahe, Praslin ek La Digue antye.

Ki pou anmenn nou en pti pe pli pre avek Lotorite Distrik an term travay.

Bann *transfer* in ganny finalize dan trwazyenm kar lannen. Ki vedir poudir la nou dan faz planifikasyon travay pou lannen prosenn. Pou enkorpor en pti pe sa travay en pti pe pli pre avek distrik. Sirtou lo en baz bann lenformasyon ki nou bezwen lo nou bann aplikan.

Sa osi i kouver en pti pe Biro Later. Akoz laplipar nou bann *recruitment* ki nou'n fer pou 2021 in *focus* en pti pe plis resours ki Biro Later i bezwen pou zot fonksyonnen.

So bann *recruitment* ki nou'n fer, sa mon a les *PS* fer en pti komanter lo la. *Thank you.*

MR SPEAKER

I annan lot komanter? *PS* Later wi annou ale silvouple.

PS LANDS MURIEL MORGAN

Mersi Mr Chair. So Onorab lo kote sa *Scheme* pou idantifikasiyon later. Rezon ki nou'n ekrir kot bann Manm Lasanble Nasyonal se pou asiste nou zisteman avek sa *scheme*.

Nou realize ki *no matter* ki kantite travayer ki nou annan, nou pa pou kapab idantifye tou later dan distrik ki pou Gouvernman. So ankor mon pou demann zot ozordi, silvouple si i annan okenn later Gouvernman dan zot distrik, fer nou konnen o pli vit ki posib.

E parey mon ti anonse. Nou restriktirasyon i sipoze *fair*. Ki nou pou kapab deservi bann aplikan bokou pli vit. Me i fodre nou annan sa stok later pou nou deservi bann aplikan pli vit. Mersi.

MR SPEAKER

Mersi. Onorab Uranie.

HON ROCKY URANIE

Mersi Mr Speaker. Bonzour VP avek delegasyon, tou koleg Onorab e zabitan Zil Pros a lekout.

Mr Chair mon kestyon i al en pe dan laliny parey Onorab Romain in demande. Akoz mon osi ler mon ti vwar sa *email* sorti kot *PS* Morgan pou idantifye bann *plot* later dan distrik. Pou mwan mon ti war sa en keksoz difisil. kantmenm travay ek DA.

Ki kantmenm mon pou marse mon pou war en bout later, pou mon ti vin en zafer difisil. Pran bokou mon letan preznan ou bezwen al rode lo *GIS*, gete apre pou bann *phone*

call pou gete si later i pou Gouvernman oubyen non.

So mwan mon ti ava kontan konnen si zot pe fer en pti provizyon *at least* zot annan en pti *database*. Par egzamp La Digue *LD*. Annan en pti *database* kot zot annan tou bann *LD* lo La Digue, e anvoy kot nou, petet nou, nou ava sey travay lo la.

Akoz i vreman difisil sa pou mwan asize, pase oubyen rode oli later. Kan mon war en bout later i vid al lo *GIS* rod en *LD number*. Apre fer bann *call* pou gete si pou Gouvernman e non.

Mon'n deza anvoy en bout en fwa kot Mr Barbe. Mon ti vwar en *plot* later, en dimoun ti anvi. Mon ti anvoy kot li, e i ti dir mwan later i pa demarke. So ti vreman difisil konnen si pou en prive oubyen i pa pou Gouvernman.

So mon ti ava kontan petet dan Bidze, zot sey fer en pti provizyon pou *at least* sa pou kapab rezourd en pe sa problemm. Pou fer nou lavi en pti pe pli fasil. Mersi.

MR SPEAKER

Mersi Onorab. *PS Morgan* ou pou donn en pti soz lo la?

PS LANDS MURIEL MORGAN

Mersi Onorab. Lakantite dimoun ki ekrir kot nou ki donn nou lakantite later Gouvernman, i fer nou vvar ki nou kapab travay an kominote pou nou trouv bann later Gouvernman.

Si se Minister ki pou antreprann sa lo li menm, nou pa pou zanmen fini sa legzersis. I pou trwa fwa pli difisil. Akoz nou bezwen sorti dan lofis e osi deservi bann manm publik ki annan diferan reket later kot nou.

Nou pe zis demann sa konman en led. E nou'n osi dir ki zot kapab zis idantifye bann kare e anvoy kot nou. Nou, nou a fer le neseser pou nou verifye si sa later i pou Gouvernman ouswa non. Mersi.

MR SPEAKER

Mersi *PS. Onorab Samynadin*. Wi fer li vit silvouple.

HON ROCKY URANIE

Wi mon ti le zis met *PS Okouran* ki petet bann later La Digue i lo vye rezis. Petet nou bezwen get vye reziz akoz i *still* difisil pou nou kapab fer sa legzersis. Mersi.

MR SPEAKER

Mersi. *Ok. Mon krwar* sa pwen i a ganny note. Onorab *Samynadin*.

HON KELLY SAMYNADIN

Mersi Mr Chair. Bonzour VP avek ou delegasyon. E tou dimoun a lekout.

Dan zot *current challenges* zot in sertifye ki i annan en mankman fon ek later soutenab pou bann fitir proze *landbank*, pou kapab adres demann ek *supply* later pou rezon rezidansyel pou tou bann ki kalifye anba *lands point system*.

Mon kestyon i pou bann ki annan lannen ki zot bann laplikasyon i ankor anba *due diligence*. Mon ti a kontan konnen kwa ki pe ganny fer pou kapab *sort out* pou rezourd sa sityasyon? Akoz sa bann dimoun i ankor pe espere pou en bon pe letan. Mersi.

MR SPEAKER

Mersi. PS Morgan.

PS LANDS MURIEL MORGAN

Mersi Onorab pou ou kestyon. Nou *currently* anba en lanmwatye fermtir lazournen pou ziska lafen lannen, zisteman pou nou adres sa pwen ki ou'n met devan.

Nou realize ki i annan bokou dimoun ki pe esper bokou lannen. Me selman nou pe osi ankouraz bann dimoun ki pe esper bokou lannen.

Parey mon pe dir si zot idantifye kare i bokou pli fasil pou nou asiste zot. Mersi.

MR SPEAKER

Mersi. Onorab Gill.

HON CHURCHILL GILL

Mersi Mr Chair. Bonzour VP ek ou delegasyon. Bonzour tou Manm. E tou dimoun pe ekoute.

Mon kestyon i lo *land point system*. Nou tou nou konnen ki lalis kantite aplikan lo *land point system*, trwa kar distrik pa pou *materialized*. Akoz i napa sa kantite later.

Me mon la mon pe koz pou spesifikman Baie Ste Anne. I annan dimoun ki bokou letan pe espere. Apre la kantite laplikasyon i napa sa bann later Baie Ste Anne.

Eski Minister pe fer en travay pou kapab fer dimoun konnen egzakteman ki kantite later i annan? Si i annan 10 bout, 15 bout. Dan plas nou kit sa lalis ki annan plis ki 60 dimoun, sa bann dimoun i kontinyen espere.

Eski Minister pe deside enn fwa pou tou dir dimoun, "be ok mon annan zis 10 alors sa kantite laplikasyon nou pa pou kapab *entertain*." Sa i premye.

Apre mon dezyenm kestyon. I annan paran Marie-

Jeanne Estate ki annan later. Zot in fer zot lakaz, i reste bout later ankor ki zot kapab donn zot zanfan pou fer lakaz. E sa i a ede tir presyon lo Gouvernman.

Me selman sa bann dimoun pe ganny bokou difikilte, pou zot kapab ganny permisyon pou kapab fer sa *2nd house*.

Eski Minister i kapab antre an konversasyon avek *Planning* pou tom lo en Lagreman *at least* sa group dimoun ava kapab siport zot fanmir. E Gouvernman sa ki i annan en lot fanmir ki napa ava kapab benefisy? Mersi.

MR SPEAKER

Mersi. Wi VP.

THE VICE-PRESIDENT MR AHMED AFIF

Mersi Mr Chair. Avek ou permisyon mon ava permet *PS Morgan* reponn premye bout. E dezyenm *PS Barbe*.

MR SPEAKER

Yes PS.

PS LANDS MURIEL MORGAN

Mersi. Mersi Onorab pou kestyon. So wi nou tou nou deza konnen. Lakantite later ki Gouvernman i annan lo son lenvanter aktyel, i pa pou ase

pou lakantite aplikant ki nou annan. *It is common knowledge.*

Sanmenm sa rezon ki nou pe fer sa legzersis, pou nou esey fer monte lenvanter later ki nou, nou annan. Oubyen lenvanter later ki nou konnen nou annan.

An paralel ek sa legzersis ki nou pe fer an deor, a entern osi nou annan en *state land inventory project* ki pe ganny fer ansanm avek Biro Rezistrar pou ede zisteman menm *aim*.

Identifye bann later Gouvernman pou nou kapab asiste bann aplikant.

Me selman zis pou mon en pti pe realistik Onorab, i annan bokou aplikant menm si nou pou fer zot konnen konmkwa poudir nou annan zis 10 plot e i annan 20 zot, zot persiste ki fodre zot pe ganny zot later.

So sanmenm sa rezon ki nou pe sey fer nou mye pou nou kapab trouv o *maximum plot*. E nou osi an negosyasyon avek serten dimoun prive ki zot, zot annan later. Ki pou zot kapab vann nou pou nou kapab asiste Seselwa osi avek later. Mersi.

MR SPEAKER

Mersi. E *PS Barbe* ti pou adres lot kestyon?

PS HOUSING DENIS BARBE

Mersi Mr Chair. Onorab wi i posib ki nou Minister i kapab fer serten dyalog avek Lotorite Plan. Me selman nou, nou bezwen zis kapab fer sa dyalog. Zot, zot bezwen fer sa travay teknik pou gete si i posib or i pa posib.

Parey ou konnen Marie-Jeanne i annan en serten *issue* sirtou avek lapli pou sistenm desarz. So *Planning* li i a fer son travay pou osi gete egzakteman ki mannyer zot kapab pran sa an konsiderasyon.

Si zanmen zot pou, lo kote dansite *allow* en pti pe plis lakaz. So nou ava fer sa pti dyalog. *Thank you.*

MR SPEAKER

Silvouple Onorab Gill Vitman.

HON CHURCHILL GILL

Zis en konsern. Mersi PS pou ou larepons. Mon sel konsern ek sa se sa legzersis pe ganny fer nasyonalman.

E prezan diferan distrik son sityasyon i diferan. Si nou pran sa lapros koumsa, i pou pran en kantite letan avan ler nou kapab ganny en solisyon pou sa.

Petet ti ava bon nou fer li par distrik. Baze lo si nou konnen poudir sa distrik li tou mannyer i napa sa kantite. Nou kapab *tackle* sa. Dan plas ler

nou fini sa legzersis nasyonal ki pou pran nou bokou letan. Mersi.

MR SPEAKER

Mersi. PS in note. Byen nou kapab bouze. Mon ava al kot Onorab Adelaide.

HON FRANCOIS ADELAIDE

Mersi Mr Chairman. Bonzour VP avek ou delegasyon. Bonzour tou dimoun ki a lekout.

VP petet eski dan Bidze la, vi ki i annan bann dimoun ki annan later oubyen zot annan difikilte pou zot fer zot lakaz. E vi ki nou ti tande poudir i annan *GICC* i kapab antre e ede pou fer bann lakaz abordab.

Eski nou annan en programm la nou annan larzan ki dimoun i kapab tap ladan, pou zot kapab ganny akse e pou zot fer zot lakaz? Byensir avek en lakonpannyen konstriksyon ki son pri i en pe anba.

E dezyenmman lo kote ou, ler mon pe get ou programm 2 dan *state land management*. Ou konnen mon annan soz avek sa akse lo lans.

E bokou letan ki sa bann akse i ti la. Be solman neglizans Gouvernman avan in fer ki sa bann akse in bouse e tou dimoun in pran sakenn son bout.

Eski i annan larzan dan sa Bidze la pou Minister Later pou kapab ale al re fer sa bann *survey*, e gete kot sa bann lespas ti ete? Pou ki nou ava kapab travay lo la e ouver sa bann akse lo lans? Mersi.

MR SPEAKER

Mersi. *Panel, VP.*

THE VICE-PRESIDENT MR AHMED AFIF

Mersi Mr Chair. Mr Chair zis pou reponn premye parti kestyon lo kote finansman pou lakaz. Parey mon ti dir, dan sa Bidze i napa en provizyon *as such* pou konstriksyon lakaz. Sa i pou dan Lenfrastriktir.

Zeneralman Polisi Gouvernman an ski konsern finansman, se otan ki nou kapab nou met en provizyon anba Lenfrastriktir pou serten lakaz. Me Gouvernman i plito zwe en rol avek bann lenstitisyon finansyel.

Pou ki zot, tel ki *HFC* ek lezot Labank Komersyal. Ki zot, zot kapab met an plas bann provizyon pou permet dimoun kapab prete a bann tarif ki abordab. E avek bann peryod pou re peye ki dimoun i kapab fer li byen.

Pou ki konstriksyon lakaz e lozman pou bann dimoun i vin abordab. Nou sey fer sa.

I annan lezot proze. E i annan serten dan Sekter Prive ki pe propoze ozordi. Kot zot osi zot donn en koudmen. Savedir zot pran sa, zot partisip dan devlopman proze lakaz.

E an fezan sa zot kapab annan petet en pti pe parey proze ki'n ganny fer bann *condo*, *condominium* lo Perseverance. Kot en kontrakter, en developer i ganny en morso later. En bout i devlope pou bann sa ki nou apel *medium oubyen high income*, ki li i kapab vann en pri ki fleksib lo la.

Me de lot kote petet de tyer sa later i ganny rezerve pou serten kategori dimoun, ki Gouvernman ki aprouv sa lalis dimoun. Parske Gouvernman i konnen poudir zot napa. Pa'n deza annan later zanmen. Zot pou napa akse avek en later ozordi. E alor se zis zot ki kapab aste.

Nou'n fer en proze ki ti spesifik pou bann profesyonnel. In mars byen. Nou krwar poudir i annan posibilite fer bann tel proze avek sekter prive pou lezot kous popilasyon.

E sa i en keksoz ki nou krwar i kapab marse.

Ou dezyenm kestyon an ski konsern akse avek lans. E si dan Bidze i annan provizyon pou sa?

Dan sa Bidze li menm, non, sa i pa en Bidze Lenfrastriktir. Me selman plitar dan Bidze Lenfrastriktir, petet nou kapab vwar ki bann proze dan ou distrik spesifik.

Mon napa larepons la. Selman mon kapab dir avek ou se sertennman otan ki nou kapab, met lenfrastriktir e sipor atraver par egzanp negosyasyon ek bann sekter prive pou donn *wayleave*. Pou permet ki dimoun i ganny akse avek lans. Nou pou fer li.

E dan ka spesifik kot ou ete parey ou konnen nou pe travay pres avek zot. Nou anvi fer sir ki tou bann facilite. Sirtou lans ki dimoun i bezwen ganny akse avek. Nou pou met presyon pou fer sir ki sa i arive.

Mersi Mr Chair.

MR SPEAKER

Mersi VP. Onorab Vidot.

HON AUDREY VIDOT

Mersi Mr Chair. Bonzour VP ek ou delegasyon. Tou Manm Onorab. Tou manm piblik ki a lekout. En bonzour spesyal pou bann zabitan Roche Caiman.

Minis, apre sa 1an dan Gouvernman, kan ki nou bann distrik pou resevwar en kopi nouvo Polisi Gouvernman kot i konsern lakaz ek later? Prenon kont ki nou ti ganny

lenformasyon avek Minis boner lannen pase, ki zot annan travay ki zot in fini komans fer lo revwar Polisi.

Eski bann distrik i kapab ganny en kopi bann lalis a zour *throughout* lannen 2022? An mezir ki Gouvernman pe finaliz, letan zot pe fer bann alokasyon ki swa later ek lakaz ki deza la dan zot plan ki'n komanse, donn bann distrik a zour pou nou konnen.

E i fasilit nou osi lo nivo distrik, MNA, ek lofis DA, an-term konsiltasyon ki nou fer ek nou bann kliyan ki vin kot nou. Petet an-term pou regard zot pozisyon lo sistenm pwen.

E ki distrik i osi annan en *updated list*. Anmezir a sak fwa ki zot pe fer bann alokasyon. Akoz nou konnen lo baz rezyonal i annan si en distrik pe ganny en, i deza annan en proze lakaz, i pe al fer son alokasyon, nou konnen lo nivo Minister zot *pullout* en *pool* dan sa rezyon. Ki zot asiste bann dimoun.

So sa i ede an-term fasilit lenformasyon ki zot kapab ed zot dan zot konsiltasyon.

E dernyerman, mon'n deza met sa a latansyon PS an referans avek spesifikman mon distrik Roche Caiman.

Nou annan lakaz ki i annan dimoun ki swa i pe reste dan sa lakaz avek en

kondisyon. Ki swa i ti sipoze en peryod letan bouze pou li fer son lakaz, apre rann sa lakaz avek Gouvernman, pou ki Gouvernman i kapab renouvle li e *allocate* avek en lot dimoun ki dan bezwen ki dan sa distrik respektif.

Me parkont mon santi i annan. I pe pran en pe letan pou annan sa relasyon travay ant *Housing* avek distrik pou ki nou vvar sa bann dimoun i bouze avek zot proze. E ki i pa bar sans pou en lot dimoun ki lontan i pe espere lo *waiting list*.

E bokou fwa i annan sa bann lakaz nou konnen i annan 3 lasanm, e pa neseserman en fanmir oubyen en koup ki annan li zanfan oubyen plis ki 2 zanfan, ki bar sans pou en dimoun ki pe espere.

E osi presyon ki merit ganny annan ant *PMC*, relasyon ant *Housing* ek *PMC*. Pou asire ki letan bann dimoun i sorti dan bann *one unit*, dan bann *one-bedroom unit*, sa bann landrwa i ganny repare e *allocate* avek bann dimoun ki dan bezwen, ki lo lalis pe espere. Mersi.

MR SPEAKER

Mersi. VP ou ava kapab adrese.

THE VICE-PRESIDENT MR AHMED AFIF

Mersi Mr Chairman. Mr Chairman an ki konsern premye kestyon, Polisi. E kan zot kapab ganny akse avek. Mon kapab dir ek ou sa Polisi ti pe ganny revize par Minister.

E sa semenn apre bokou konsiltasyon, zot pe sirkil en papye kot Konsey de Minis. E mon mazinen petet mwan prosen. Oubyen petet boner lannen prosenn, nou ava kapab partaz sa avek bann, tou bann lezot *stakeholders* ki konsernen dan lakaz. Tel ki *MNA*. Tel ki *DA* dan distrik e Gouvernman Lokal.

Kot i konsern *networking* e fer li zot ganny lenformasyon a tan. I deza annan bann mekanizm ozordi. Par egzanpler i fer alokasyon, mon konnen *DA* i vini, *MNA* i vini. E ansanm avek bann zofisyen *Housing*, zot diskite. Zot regard merit eksetera.

Me petet sa ki ou pe demande se en pti pe lo kote planifikasyon a long term. E konnen ki direksyon nou pe ale.

Mon mazinen dan sa Polisi i pou osi adres en pe sa. Me sa ki mon kapab asir ou se ki i nou lentansyon pou fer sir ki nenport ki Polisi ki nou vin avek, nenport ki sistem ki nou met an plas, i bezwen mars avek sa bann Lotorite dan distrik. enkli *MNA*.

Alor nou, nou pou fer sa koman nou priyорite. Parske sel fason ki ou kapab fer sir poudir ou bann proze e ou lide i akseptab avek kominote. Alor nou pou travay tre pres avek ou.

An ski konsern bann kondisyon pou sa bann dimoun ki deza dan en lakaz, ganny kondisyon pou zot sorti eksatera. Mon pa konnen si avek ou permision nou ava les PS Barbe adres sa.

MR SPEAKER

Wi PS.

PS HOUSING DENIS BARBE

Mersi Mr Chair. Onorab mersi pou ou kestyon. Wi Onorab i annan bokou travay ki nou'n fer an menm tan avek distrik. E parkour i kontinyen. Parey ou konnen i annan bann ka ki en pti pe *tricky*, baze lo zot sirkonstans.

I annan serten travay ki nou, nou pe fer. Ki ler pou ariv son moman apropriye nou pou apres distrik baze lo sa. So annan en pti pe pasyans avek nou *please. Thank you.*

MR SPEAKER

Byen mersi. Onorab Andre.

HON CLIFFORD ANDRE

Mersi Mr Chair. Mr Chair mon annan en kestyon lo *Housing*. Letan nou get *Housing* in sorti 370 in mont 622 dan SP2. *Secretariat, HR, Admin, Finance and Procurement*. Mon ti ava kontan ganny en pti lesplikasyon lo la.

Apre letan nou pe get bann reveni ki'n ganny fer. menm si in separ *Planning Authority* avek *Ministry of Land and Housing*, nou war ki menm si ou fer sa adisyon, i still mwens ki lannen pase.

E akoz sa? Lo zot *receipt* en. Akoz sa *receipt*? Mersi. Sa i dan *Budget Book part 2*. Mersi Mr Chair.

MR SPEAKER

Mersi. VP wi.

THE VICE-PRESIDENT MR AHMED AFIF

Mr Chairman. Mon pa'n tro sezi ki paz i ti lo la, e sa bann sif. Akoz in al en pe vit, mon pa'n sezi li ditou. Si i kapab zis repet ki paz, ki latab. So nou kapab swiv. Mersi.

HON CLIFFORD ANDRE

I anba *Alfresco Programme* ki nou, nou'n gannyen - *Ministry of Lands and Housing*. E lo sa i pou vin lo,(en pti moman mon a get li. I vin lo paz limero, i vin lo paz limero 1 lo sa, anba sa)

E i lo, i annan en *Code*. I en pti pe difisil pou mon war, selman i kot i konsern *Housing*, anba programm SP2. I met *PS secretariat, HR, Admin, Finance and Procurement*.

MR SPEAKER

Nou a sey pran sa enn premye. Wi *PS*.

PS HOUSING DENIS BARBE

Thank you, Mr Chair. Sa i tonm anba wages and salaries in kind sa. Savedir bann expatriate housing ki nou pe peye.

Laplipar i lo *private rental*. Baze lo bann rediksyon ki Gouvernman ti pe demann avek bann *landlords* pou aplik avek Gouvernman plis ki 25poursan boner sa lannen. Baze lo sirkonstans.

I annan bann serten lazistaz ki nou nou'n fer. An menm tan nou bezwen *factor in*, akoz i annan bann ki nou'n fer bann *over payments*. Savedir nou war poudir Bidze ki nou ti annan pa pe kapab *cater* pou bann komitman ki nou ti annan.

So sanmenm sa pti lazistaz ki ou pe war li 152 *over and above* dan *budget of last year*.

MR SPEAKER

Mersi. Apre i annan son dezyenm pwen lo *receipt*.....

PS HOUSING DENIS BARBE

Repet sa kestyon lo *receipt please?*

MR SPEAKER

Panel in kler lo la?

HON CLIFFORD ANDRE

Mr Chair, *PS* in dir nou i annan 152 *increase* lo sa ki in dir mwan. Me i sorti 370 in mont 622. I pa 152, so i pou an plis ki sa.

Apre lo sa *receipts*, i dan *Budget Book, part 2*. ‘*Budget estimate revenue and expenditure for the fiscal year ending 31st December 2022*’.

I lo paz 22 ki pou Minister. So i pe koz lo pou Minister, *Land and Housing*. E li menm si nou azout, mon war poudir *planning fees* in ganny met anba *Planning Authority* ki avan ti anba Minister.

Mon konpran sa. Be menm si nou azout sa, sa ki pou sa lannen, son *receipt*, avek sa ki pou *Planning Authority* ki tonm anba *planning fees*. I still pa ariv 16 milyon 845mil.

E akoz zot pe espekte ki pou annan en bes ladan? Akoz i pou tonm 15 milyon *roughly*. Mersi.

MR SPEAKER

Mersi. Wi *panel*. VP lekel ki pou adres sa? PS Barbe.

PS HOUSING DENIS BARBE

Lo sa bann, parey *you rightly pointed out MNA*, lo nou Bidze pou *Housing* i ti 370, en. Sa i ti pou *cater* pou *existing* komitman ki nou ti annan.

I annan bann transfer *staff* ki'n antre sirtou lo bann *staff* ki Departman Lenfrastriktir pe *take up*. So zot bezwen osi vin avek zot provizyon pou nou pa, onor bann lobligasyon ki zot annan, bann *rents*. Ki sa bann *expat* si ou le zot deza dan bann lakaz lwe.

So sa i pe *take up part of this element*. E an menm tan nou pe *factor in bann increase in terms of bann komitman* ki nou ti annan. Whilst ki nou pe sey nou mye pou nou kapab tir sa bann *expat* dan *private rent* lo sa.

In terms of planning fees, mon pa pou kapab donn ou en lesplikasyon. Menm si Minister ki pe kolekte. Me prozeksyon i tou depan lo *Planning* ki mannyer zot pe, si i annan bann *schedule* ki pe sanze an-term of *increase of planning fees* ki pou *kick in next year*.

So sa kekfwa avek permisyon Mr Chair ou ava

kapab poz sa kestyon CEO *Planning* taler ler i vini. Thank you.

MR SPEAKER

Mersi. Mersi PS. Onorab Aglae.

HON EGBERT AGLAE

Mersi Mr Speaker. Bonzour VP avek PS. VP mon'n ekout ou dan ou serten larepons. Premyerman mon anvi petet demann prosedir Minister. Premyerman kot i konsern *service delivery*.

Premyerman ou'n koz en pti gin lo sityasyon later. Mon ti ava kontan petet demann ou, an vi ki sa gran demann e lafason prosedir ki zot, zot pe antisipe pou kapab annan en *database later* kredib li menm li, pou donn bann aplikant ki pe deza espere.

Enn, eski zot pe mazin dan sa legzersis ki zot pe dir distrik fer, atas en zofisyen later parey ti annan o paravan ki a konstaman pe fer bann *review neseser*. An menm tan ki distrik li menm li i fer serten travay. Ki mannyer ki keksoz zot ava annan en lenformasyon ki kredib lo tou lede kote? Sa i enn.

Dezyenm, mon prezimen ki Biro Later dan lepase i deza annan *existing database*. Eski zot ti kapab osi, si i nesesite

ouswa si zot santi i bezwen ganny fer, sey partaz ek distrik osi pou nou konnen.

Pa al dan en *witch hunt* tou later ki annan dan tou distrik, dan nou distrik. E ki nou ava *focus* kot i neseser. Sa i a ede.

E dernyen Mr Speaker. Kot i konsern bann *reply*. Ki ler en dimoun i anvoy let. Eski zot ti kapab petet dir nou en dele letan rezonnab ki en aplikian i anvoy en let pou en *request* kot Minister, ki parfwa i pran en ta letan.

E si zot gannyen i dir pou re *get back* ek zot *in due course of time*. Ki sa *due course of time* i napa en *timeframe* li menm. So ki mannyer zot pe mazin en pti gin pou kapab ogmant sa *service delivery* li menm? Mersi.

MR SPEAKER

Mersi. VP wi.

THE VICE-PRESIDENT MR AHMED AFIF

Mersi Mr Chairman. Mersi Onorab. Onorab sa kestyon ki ou pe demande se pou annan meyer relasyon avek piblik zeneralman.

Nou, nou pe fer tou sa ki nou kapab pou nou fer sir ki otan ki posib piblik ki pe rod lenformasyon oubyen pe rod led avek Minister swa pou ganny en

lakaz, swa pou ganny en later, i kapab ganny sa pli vit posib. Nou pe fer nou mye.

Annefe sa zefor la ozordi kot zot pe met plis resours, sirtou dan apre midi. Alor zot pe *operate* 50poursan kapasite zis pou en pti peryod letan ziskan Desanm. Se zisteman pou fer sir ki otan ki zot kapab, zot lenformasyon i a zour.

E avek led ki zot gannyen ek bann distrik ek piblik, pou konn en pti pe plis dan sak distrik, mon krwar sa pou ed nou boner lannen prosenn pou nou kapab ofer en meyer servis.

Ou sizesyon pou met en dimoun avek nou, mon krwar i en sizesyon ki rezonnab, valab. E nou ava regard otan ki nou kapab akoz nou annan bann dimoun ki donn lenformasyon.

Annefe dan sa Bidze in fer provizyon pou bann dimoun ki donn lenformasyon. E menm nou *PR* ki nou kapab fer en travay pou alez en pe bann dimoun ki pe rod sa kalite lenformasyon.

Anterm larepons, konbyen letan, kwa norm ozordi? Petet mon ava, avek ou permisyon Mr Speaker mon ava permet. Mon krwar laplipar bann *enquiries* i plito lo later. Me sa 2 PS petet zot kapab ed en pe lo ki zot pe fer ozordi pou amelyor servis.

Mersi Mr Chair.

MR SPEAKER

Wi bann *PS* zis donn Onorab en lendikasyon.

PS LANDS MURIEL MORGAN

Tou let ki ganny anvoy kot nou i ganny reponn imedyatman avek en *acknowledgement*. Depandan lo ki kalite tranzaksyon, en dimoun i kapab ganny lenformasyon swa pli vit ouswa mwen vit.

Me selman nou demande ki bann aplikan zot anvoy nou *email* osi. Zot menm kapab *call*. E mon kapab reasir ou ki nou bokou pli *responsive* konmela ki i ti ete avan lo bann *email* ek lo bann *call* pou piblik. Mersi.

MR SPEAKER

PS Barbe ou le azout keksoz ou?
Non. Byen.

Wi vitman silvouple
Onorab.

HON EGBERT AGLAE

Wi Mr Speaker mersi. Mersi *VP*, *PS*. Le 2 *PS*. Mon anvi zis ganny en keksoz kler. An vi ki dan lepase in annan bann *issue* en pti pe politik kot i konsern sa 2 size lakaz ek later. Kot i konsern alokasyon, kot zot in-Silvouple les mwan koze!

(*Interruption*)

MR SPEAKER

Order! Wi ale terminen.

HON EGBERT AGLAE

Lot kote osi in konplent sa. So ki mon ti ape demande *VP*, an vi ki Ladministrasyon Distrik li i sa *linkage* ant Gouvernman, *ok* avek distrik, e Lofis *MNA* li i annan serten travay osi ki ganny fer.

So sa ki mwan mon pe demande se petet ki lapros travay zot pou pran a lavenir kot i konsern sa 2 lofis li menm li pou travay kolaboratman avek ou Minister, san ganny gete ki i annan okenn politik ki pe ganny zwe.

Akoz souvandfwa bann zofisyen Minister ler en kliyan i vin kot zot, zot dir al kot *MNA*. Me selman ler Gouvernman li i pronons son lekor, parfwa i koz ou atraver *DA*.

So nou bezwen kler lo en menm nivo, ki si nou pou travay ansanm tou lede parti i ganny enformen lo bann desizyon, e nou pran desizyon ansanm. Mersi.

MR SPEAKER

Nou'n konpran ou pwen Onorab. *VP* ou annan en lasirans pou donne? Wi.

THE VICE-PRESIDENT MR AHMED AFIF

Wi Mr Chair. Mon kontan Onorab in konfirmen poudir ti egziste sa bann zafer politik. Me sa ki mon kapab konfirm avek ou se ki ozordi, ozordi napa okenn politik ki pe met dan zwe.

Ozordi nou konsilte depi DA, depi MNA. Nou tret zot koman egal. Byensir DA i plito dan en rol egzekitiv dan son kapasite kot i ete.

me nou krwar dan konsiltasyon e ansanm avek MNA mon pe krwar nou devret zwe enn kont lot. Mon krwar si nou partaz lenformasyon, nou partaz li avek responsabilite. So sa ki ganny sa ki ganny sa lenformasyon i tret li avek responsabilite.

E nou pou travay tou bann DA, tou bann MNA ki zot afilyasyon politik pa enportan pou nou. Nou, nou la pou nou delivre en servis avek pep Seselwa.

E atraver bann lenstitisyon ki la nou pou fer sir poudir sa i marse. E sa bann zwe politik ki'n deza egziste dan lepase, i pa pou egziste anba sa Gouvernman.

MR SPEAKER

Mersi VP. Lo kote Onorab Mondon laba, lekel ki ti'n lev lanmen? Ou oubyen...? Non,

non, pa lezot. wi Onorab Mondon alors. Ok.

HON TERENCE MONDON

Mersi Mr Chair. Bonzour Vis-Prezidan avek ou delegasyon. Zis en pti kestyon klarifikasiyon. Mon vwar en logmantasyon 152 pou *Housing*. An menm tan ki zot *basic pay* in ogmante par 55 poursan. Mon pa'n tro kler kantite nouveau *post* zot pou annan lannen prosenn.

E sa provizyon pou *Housing*, eski zot pe mazin anploy etranze osi lannen prosenn? Mersi Mr Chairman.

MR SPEAKER

Mersi. VP wi.

THE VICE-PRESIDENT MR AHMED AFIF

Mersi Mr Chairman. Mr Chairman anba *wages and salaries* pou sa Bidze ki an total i 95milyon, son *wages* i reprezent en logmantasyon R2.4milyon.

In sorti 32milyon an 2021 pou vin 34.7milyon an 2022. Logmantasyon lanmwatye ladan, 2.1milyon.

I senpleman pou pran 10 *accounting staff* ki sorti Minister Finans pou enkorpor li anba *Ministry of Land Use*. So zis en transfer sa. Bann *staff* i parey.

Me selman nou annan osi bann *staff* ki prezan zot *payroll* pe vin anba Minister Later. Zot ti deza la zot. Selman par egzanp ti annan detrwa *post* ki ti anba Biro Prezidan avan. *Information officer, senior information communications officer, office assistant* ek en drayver. Prezan zis nou pe tir li anba sa bann Bidze lezot Minister, remet li la.

I pa vreman logmantasyon an-term *post* dan Minister li menm. E sa i pe reste 2. - zis en pti logmantasyon 2.4, be i plito en *internal transfer*.

Mersi Mr Chair.

MR SPEAKER

Mersi VP. Onorab Lemiel.

HON SYLVANNE LEMIEL

Mersi Mr Chair. Bonzour VP avek ou delegasyon. Bonzour tou dimoun a lekout. Mr Chair mon kestyon lo kote *Lands*.

Mon ti ava kontan konnen an traver sa Bidze ki nou'n donnен pou travayer. Ki kantite *surveyors* Seksyon *Lands* i annan? konbyen Seselwa? Konbyen etranze zot annan?

Enn zot bann *challenges*. Enn zot bann *challenges*, se ki zot in fer resorti ki zot annan en '*weak customer service and inefficient telephone system*'.

Atraver sa Bidze mon ti a kontan konnen ki Departman Minister Later avek *Housing* pe fer pou zot amelyor sa? Akoz *service delivery* nou tou nou konnen i vreman enportan. Sirtou kot i konsern later ek lakaz.

VP mon ti a kontan konnen osi, ler nou'n koz lo *Policy*. Sa ti en pwen ki mon ti anvi fer sorti. Nou annan pa mal dimoun ki annan en bon pe letan pe esper konpansasyon pou bann later ki parey i annan bann *access road* ki'n ganny fer lo la.

Letan ou pe koz lo sa *Policy* Later ek Lakaz ki pe al ganny met devan *Cabinet*, mon ti ganny dir avek Minister ki zot pe fer en nouveau *Policy*, an sa ki konsern bann dimoun ki pe demann konpansasyon pou zot later ki en *access road* in ganny pas lo la pou deservi lezot dimoun.

Eski sa osi pe al ganny pran kont kot *Cabinet*? Si non, petet kan nou pe mazinen ki sa *Policy* pou *compensation for land* pou pare? Pou ki bann dimoun i ava kapab komans ganny zot bann konpansasyon.

Dernyerman, mon war dan tou seksyon i annan en pe bokou bann lekipman. Nou war *IT equipment*, nou annan, i annan en gran ogmantasyon

dan zot bann Bidze. *Be it kot Lands avek kot Later.*

Mon ti ava kontan ganny en pti pe lenformasyon ki sa bann lekipman ki zot pe mazin al aste. Parey kot *GIS* nou war *IT equipment* sorti 43mil pou vin 318. Apre i tonm - non i vin 43 mil zis pou sa lannen, lannen pase ti napa.

Other equipment, other machinery and equipment i 318 mil, lannen pase ti napa, sa lannen i annan. So nou ti ava kontan ganny en pti pe plis detay lo kote bann lekipman ki Minister pe mazin rode pou zot amelyor sa servis dan zot landrwa? Mersi.

MR SPEAKER

Mersi Onorab. VP.

THE VICE-PRESIDENT MR AHMED AFIF

Mersi Mr Chairman. Mr Chairman an ski konsern *survey e expatriate staff* kot sa ki mon'n ganny dir par *PS Morgan*. So i annan 5 ekspatriye parmi bann *survey staff* ki zot annan.

Lo kote telefon, wi nou annan Minister Later ek Lakaz in annan en gro problem telefon. E mon ganny dir poudir en gran parti sa problem ti vin akoz *procurement*. E en *dispute* ki ti

egziste. Ki zot pe rezourd. E nou pou fer sir 2022 sa i ganny rezourd enn fwa pour tou.

E si fodre fer en *direct biddings*, si fodre fer sir. I annan en sistem ki marse, nou pou fer sa. So, mon espekte ki sa problem i ganny rezourd.

Ou'n osi demann lo kote *access road* ek *Policy*, e ki pou met devan *Cabinet*. Petet mon ava permet *PS Morgan* reponn sa sennla.

Me zis avan *minor capital* osi. petet ant sa 2 *PS* zot ava donn en pti pe lesplikasyon. Sa ki mon konnen se pou sa Minister son Bidze in ogmant par 520mil an tou anba *minor capital*.

I annan en pe ki *include furniture* en pe. Be selman an gro i plito pou bann lekipman. Mon a les sa 2 *PS* petet reponn sa 2. *PS Morgan* petet en pti pe lo *Policy*. Apre lo bann lekipman.

PS LANDS MURIEL MORGAN

Mersi VP. Mersi Onorab. I, non, i pa pou dan sa *current Policy* ki pou pe regarde. Pou la senp rezon ki i annan bokou konplikasyon. I annan bokou dimoun ki'n *actually* siny *wayleave* ki'n dir ki zot pa oule konpansasyon, pou semen ki pas kot zot. Me selman aprezan zot pe sanz zot nide.

So nou bezwen fer sir ki nou *capture* tou bann diferan kalite senaryo ki i annan, avan ki nou met devan en Polisi standar. Mersi.

MR SPEAKER

Lo kote *equipment* ou annan en mo dan ou kote? Oubyen *PS Barbe* ki pou? Yes, Barbe wi.

PS HOUSING DENIS BARBE

Thank you, Mr Chair. Parey ou pe konstate Onorab lo sak sa bann diferan programm zot annan zot bann pti *minor capitals* ki vin avek. Sa i akoz sa bann Departman i plito bann departman teknik. E zot annan bann lekipman spesyalize ki zot, zot santi zot bezwen.

E lo kote kot Minister nou'n donn zot sa fleksibilite pou kapab *at least* fer zot bann demann an term lekipman spesyalize zot anvi. Spesyalman kote kot *GIS* kot *Survey*.

E bann logmantasyon i zwenn sa bann bezwen teknik ki zot, zot anvi. Si zot anvi aste en *plot*, ouswa en *high spec computers* pou zot fer zot travay. Eksetera. *Thank you.*

MR SPEAKER

Mersi. Wi klarifikasiyon Onorab Lemiel. Fer li vit.

HON SYLVANNE LEMIEL

Mersi Mr Chair. Klarifikasiyon i an term kantite *surveyors*. Mersi *VP* pou dir mwan i annan 5 sak bann etranze. Me ki kantite i annan an tou pou sa Bidze ki zot pe gannyen la? Mersi.

MR SPEAKER

Mersi. Wi *VP*.

THE VICE-PRESIDENT MR AHMED AFIF

Mr Chair mon napa sa sif selman mon ava demann sa, ant sa 2 *PS* si zot annan. Mon ti napa sa sif spesifik. Mersi.

MR SPEAKER

PS Barbe ou annan en mo?

PS HOUSING DENIS BARBE

An ki konsern Bidze la, i pa pe fer provizyon pou staff adisyonnell dan Minister. Me selman i fer... '(mon pe vin lo la Onorab)'.

Selman i pe fer provizyon pou nou kapab *at least recruit 2 survey adisyonnell* pou proze *Land Registration Project* pou Praslin ek La Digue spesifikman. Sa i sa proze *LRP* Ki Minister pe deklanse pou enplimante.

I napa novo larzan pou novo *recruitment* pou *surveyors* dan Minister li menm li.

MR SPEAKER

Mersi. An tou, ou annan en sif?

PS HOUSING DENIS BARBE

An tou savedir Onorab. Si mon pou donn ou en *breakdown from memory*. Nou annan *surveyor* Seselwa dan Minister. nou annan 2 enkli Direkter Survey.

Enkli Direkter Survey, 2 *surveyor*.

Expat nou annan 3 ki lo *payroll* Minister. Avek enn la ki'n antre pou *oversee* sa proze *Land Registration Project*. Yes.

Sa i pa enkli bann lezot dimoun ki en *surveyor*, be selman ki pe fer bann lezot fonksyonnalite par egzanp mwan avek bann lezot.

MR SPEAKER

Mersi PS. Onorab Henrie.

HON GERVAIS HENRIE

Mersi Mr Chair. Mersi tou dimoun. Mr Chair mon kestyon i tourn otour konsep latransparans e rann kont. Si i annan en Minister ki piblik i kont lo la bokou, pou ganny en keksoz avek apard Minister Lasante, se byensir *Lands and Housing*.

Me mon anvi konnen alor ki sa Bidze pe annan ladan, pou asire ki piblik i ganny

lenformasyon a zour ki i bezwen avek sa Minister. Ki serten Manm, parey Onorab Vidot in deza koz lo la. Onorab Aglae osi.

Par egzanp si mon pe get zot *website* ozordi, i en *website* ki ankor pe koz Minis Lionnet lo la.

So mon anvi konnen kwa dan sa Bidze, ki pou met sa Minister a zour avek lenformasyon ki i dwatet donn piblik Seselwa. Mersi.

MR SPEAKER

Mersi. PS Barbe pou reponn?

PS HOUSING DENIS BARBE

Thank you, Mr Chair. Onorab mersi pou ou kestyon. I annan serten travay ki nou'n komans fer dan Bidze 2021, be selman ki pa ankor arriv lo son nivo pou nou kapab *roll it out*. Par egzanp son *website*.

Nou deza annan lobligasyon Kontra avek en devloper ki pe devlope. Nou ti pe antisipe ki sa i ava sorti *before the end of the year*. Me zot in donn nou en prototype. Savedir by boner lannen prosenn nou pou kapab *at least rollout* nou *website*.

E dan sa Bidze i annan kontinyasyon pou nou kapab onor nou lobligasyon kontra aktyel pou nou kapab pey sa *service provider*.

Osi dan Bidze nou annan parey *VP* in dir. Nou annan serten *investment* ki nou pe fer pou nou sanz sa *PABX* ki lo son faz *tender* la. Nou ti annan en provizyon 250mil lannen pase pou, ler mon dir lannen pase pou dir 2021 pou *cater* pou sa.

Sa osi pe ganny prolonge *for next year*. Lefe ki *the procurement of it* aktyelman la pe ganny, *bid* pe ganny evalye pou sa la.

So i sa bann pti zefor adisyonnell *on top* ki nou pe fer, pou nou kapab pas lenformasyon avek nou bann kliyan.

An menm tan pou annan sa sistemt telefonni ki nou santi i pou ed nou si ou le meyer deservi nou bann kliyan pou zot ler zot fer en *phone call* zot ganny en dimoun ki resevwar telefonni. Ouswa si *call i drop* en dimoun i kapab *call zot back*. *Thank you.*

MR SPEAKER

Mersi. Bann Manm ki pa ankor ganny soz pasyante silvouple. Mon annan en gran lalis. Mon pa kapab demann tou ansanm. Onorab Bistoquet.

HON ROSIE BISTOQUET

Mersi Mr Speaker. Bonzour Mr Speaker, Mr Chair. Bonzour tou

Onorab. Bonzour *VP* avek ou delegasyon.

Mon pe regard anba *the SPI*, sirtou kot i konsern pou, i annan enn anba *other use and, goods and services* - anba *Lands Management and Administration*, mon war i annan *Board Members fee* ki 132mil. Petet nou kapab lesplikasyon. Apre konbyen *Board Members* zot annan.

Apre anba menm portfolyo i annan '*land acquisition and SSI land repayment*', ki sa enn avan i tonm apepre en 20milyon. E lot i tonm apepre en 12milyon.

Sa ki mon ti pou demande *VP* se ki mon pe remarke anba zot *strategic objectives* par zot pe promot la transparans, sirtou kot pou fer desizyon, ki a lafen di zour ki zot a kapab anmenn plis performans.

Letan mon pe regard anba sa, li osi i tonm anba *SP2*, ki nou'n koz lo *land acquisition*.

Apre en kestyon mon ti anvi demande se ki i annan zabitan ki pe reste kot France Joseph Estate Point Larue, zot in pey zot lakaz en bon pe letan, i annan plis ki 13an ,14an zot pe reste la.

Akoz zot pe demande, zot in anvoy en *text* zot pe demande. Akoz ziska prezant zot pa ankor ganny zot lavant

later? Ki i paret konmsi depi toultan zot pe demande personn pa ankor gannyen?
Mersi Mr Speaker.

MR SPEAKER

Mersi. VP ou a diriz ou delegasyon. Yes VP.

THE VICE-PRESIDENT MR AHMED AFIF

Mersi Mr Chair. Mr Chair premyerman an se ki konsern *Board Fees*, mon a demann petet *PS Housing* si ou annan okenn lendikasyon, lekel *Board* ki nou annan an se moman ki sa i kouver? Mersi.

MR SPEAKER

PS.

PS HOUSING DENIS BARBE

Pou *Board fees* nou annan ... *Boards* ki kot Minister anba Departman Later. *And then we have the Land Savers Board* osi ki kot Minister pou Departman Later. *Thank you.*

MR SPEAKER

VP ou a kontinyen.

THE VICE-PRESIDENT MR AHMED AFIF

Mersi Mr Chair. An ski konsern later. Sa kestyion ki annan pou fer avek later. Petet mon ava

demann *PS Morgan* si i annan lenformasyon.

MR SPEAKER

Yes *PS Morgan*.

PS LANDS MURIEL MORGAN

Mersi. I annan pou fer avek transfer later. sa *title deed* sa dimoun sa non? Onorab si mon'n byen konpran?

Si ou kapab fer mwan ganny bann *specific silvouple*. Nou ava adres sa *case* spesifikman zis apre. Mersi.

MR SPEAKER

Wi.

HON ROSIE BISTOQUET

I pa en *case* spesifik. I annan en group dimoun ki pe reste dan sa *flat*. Apepre en bon 15, 14 zot ki pe reste dan sa lakaz.

Apre mon ti demande konbyen Manm *Board*, mon pa'n ganny dir. Mersi.

MR SPEAKER

PS Barbe i ava kapab adrese wi.

PS HOUSING DENIS BARBE

Thank you, Mr Chair. Sa i relate avek bann travay ki *PMC* an menm tan avek Departman Lakaz i bezwen fer. Savedir fil an mezir bann dimoun i fini fer zot bann repeyman, *PMC* i fer bann formalite neseser.

So an term *timeframe* sa i pou depan lo volim louvraz ki *PMC* i annan Onorab. Mon pa pou kapab dir ou egzakteman kan ki zot pou ganny zot lavant.

Be selman ou kapab lyez avek *PMC* pou zot kapab dir zot programm travay. En fason ki i ava donn ou bann zouti neseser pou *counsel* ou bann dimoun. *Thank you.*

MR SPEAKER

Mersi. Onorab Pillay.

HON SEBASTIEN PILLAY

Mersi Mr Chairman. Bonzour *VP*. Bonzour tou dimoun ki a lekout. Mr Chairman osi mon zwenn avek mon koleg pou swet lafanmir Minis Rangasamy tou le meyer, e ki nou *hope* ki avek lagras Bondye tou keksoz i ava sorti byen.

Ozordi nou pe diskit Bidze son Minister. E mon krwar petet nou bezwen fer zistik bann eleman ki'n ganny mete dan son Bidze.

Avek sa Mr Chairman mon ti ava kontan demann Vis-Prezidan, mon le retourne lo sa pwen ki Onorab Lemiel in *raise regarding survey*. E *regarding* Bidze pou *survey*.

Enn bann travay enportan ki Minister i bezwen fer, se zisteman fer bann *surveys*. E apre ki par egzanp bann

dimoun Pou'n idantifye bann later e ki zot pou'n vin kot Minister. *The next step* se survey ki pou bezwen al dil avek.

Sa ki mon ti ava kontan konpran *VP*, se ki en novo Polisi pe anmenn plis presyon lo sa Departman. Me mon pa vwar en logmantasyon dan Bidze sa Departman *per se*.

Akoz si nou get byen Bidze *survey* annefe in *actually* desann. So baze sa presyon ki nou pou al mete lo *survey* akoz *already* i deza annan en presyon.

Par egzanp bann later ki sipoze ganny demarke an relasyon ek bann *zone* endistriyel, se Departman *Survey* ki pe fer. E sa pe met en presyon lo zot.

Relocation of beacons dan bann distrik kot i annan problem, se Departman *Survey* ki al fer. Sa bann travayer ki anbark dan sa *pick-up*.

E zot bann kondisyon travay in toulstan en kestyon akoz lafason ki zot bezwen travay.

So, *VP*, eski Minister in pran kont, oubyen eski zot in mazinen ki prenon kont sa novo Polisi ki zot pe vin avek, i pou annan en presyon adisyonnal ki zot pou mete lo en

lot konponan resours e ki napa resours pou kapab delivre lo la?

So kote eski pou annan sa resours adisyonnal ki ganny provided pou *survey*? E eski nou'n ogmant Bidze pou fer *outsourcing*, pou donn bann *surveyors* prive pou fer sa travay? sa i mon premye kestyon.

Mon dezyenm kestyon. *Regarding* bann travay *survey* ankor. Travay *survey* i enportan pou sa migrasyon leter sorti lo vye rezis pou al lo novo rezis. E sirtou an ski konsern Praslin ek La Digue.

Avek presyon ki pe ganny mete pou dimoun war later, kan eski Gouvernman i annan lentansyon ki zot pou konplent sa travay? Oubyen eski zot annan lentansyon kontiny sa travay ki'n konmanse vizavi sa migrasyon.

Migrasyon tir later lo vye rezis pou met lo novo rezis. Akoz se sa ki pe met retar en kantite proze oubyen bann kantite sityasyon lo sa nou bann zil prensipal Praslin avek La Digue?

Pou lemoman mon ava *VP* reponn sa 2 kestyon. Mersi Mr Chairman.

MR SPEAKER

Mersi Onorab Pillay. Ti ava bon nou aret la. Wi. Onorab, *sorry* *VP* wi. Ou le adrese?

THE VICE-PRESIDENT MR AHMED AFIF

Mersi Mr Chairman. Mr Chairman mon ti ava kontan asir Onorab ki lenportans *survey* pa'n ganny oubliye an term nou priyrite pou Minister.

E sertennman nou krwar poudir parey nou'n striktire byensir nou annan kontrent la ozordi. Selman nou pe osi mazinen ki dan sekter prive osi i annan *survey*. Kan nou fodre *outsource* sa bann servis nou fer li.

Mon ava petet permet avek ou permision *PS Morgan* adres en pti pe plis spesifikman lo *migration of* sa bann lenformasyon *survey*. E ki zot pe fer zisteman pou kapab donn en meyer servis an ski konsern *survey*.

Mersi Mr Chair.

MR SPEAKER

Mersi. Wi *PS Morgan*.

PS LANDS MURIEL MORGAN

Mersi *VP*. Mersi Mr Chair. So kote *survey* osi mon ti ava kontan azoute nou pe sey nou mye. Nou annan nou en gro

eleman kot nou pe sey *recruit surveyors* dan Minister.

I pa en keksoz ki nou war li i fasil. Napa bokou lentere dan sa *field unfortunately*. Me selman nou pe sey nou mye lo sa kote pou nou anmenn plis dimoun *in*. Menm si sa bann *post* pa imedyatman *available for recruitment*.

Lo kote sanzman lo vye rezis pou novo rezis, nou annan sa proze *Land Registration Project* ki nou Ministri koz bokou lo la. E ki i tou, sin Bidze i la *within* nou Bidze ki nou pe demande pou nou gannyen pou lannen prosenn. Pou nou kapab al in *full force* lo sa proze.

I pa pou afekte nou Departman *Survey internally as such*. Akoz nou pe met nou provizyon, pou ki nou kapab pran bann dimoun spesifikman pou sa louvraz ki pe ganny fer.

Nou'n prozekte ki *within* prosen 5an *maximum*, nou pou'n nobou kapab konplet sa proze *LRP*. E i pou komans lo Praslin. E nou pou osi enkli en eleman La Digue osi ladan. Mersi.

MR SPEAKER

Mersi. Yes. Ok Onorab annan al en pe vit wi.

HON SEBASTIEN PILLAY

Ok. Mersi Mr Chairman. Mr Chairman en pwen tre, tre vit. Mon le alert VP ki ou Bidze pou *special data infrastructure*. E mon konnen ou en dimoun ki pou apresye lenportans sa, *which it includes web GIS*.

E *surveying* in desann par R2milyon. E sa konponan i vreman enportan akoz ler bann *MNA* ek zot bann kliyan pou'n idantifye later, landrwa ki zot pou ale se lo *web GIS* pou zot tyek sa later, pou ganny sa *parcel number*, pou call Minister dir li la, la *parcel number*. eksetera.

Pou fer verifikasiyon *against* Rezistrar. Problem se ki si ou pa pe met larzan pou kontinyen *update* sa *system GIS*, e *update* ou *system survey*, pou ou annan lenformasyon ki ganny antre dan sistem, i pou vin *garbage in, garbage out*. E finalman personn pa pou ganny ede avek sa novo Polisi.

So eski VP i kapab eksplike kote ki larzan i kapab ganny mete, pou ki sa travay i kapab ganny fer? Akoz menm ou Bidze anba *goods and services* pou fer *outsourcing* osi in desann. Mersi Mr Chairman.

MR SPEAKER

Mersi. Wi VP.

THE VICE-PRESIDENT MR AHMED AFIF

Mersi Mr Chair. Mr Chair avek ou permisyon mon ava permet *PS Morgan* reponn. Me selman i napa en rediksyon i annan *transfers of Budget* ki'n sorti 12 in vin 10.

Me solman sa 2 ek sa enn transfer dan en lot *subhead* solman mon ava les *PS* donn detay. Mersi.

MR SPEAKER

PS Morgan.

PS LANDS MURIEL MORGAN

Mersi *VP*. Onorab i annan pou fer avek *Land Registration Projects* sa. I annan serten eleman ki'n sorti anba *survey* an zeneral e in antre spesifikman anba *Land Registration Project*. Sanmenm sa rezon. Mersi.

MR SPEAKER

Mersi. Wi Onorab Roucou.

HON MICHEL ROUCOU

Bonzour Mr Chair. Bonzour tou dimoun a lekout. Bonzour *VP* avek ou lekip.

VP, si *PS* i kapab dir ek nou koumsa, mon pa pe war *part rental* dan zot Bidze la. Si i kapab dir nou kote i ete? E konbyen, ki sonm ki zot pe gannyen pou zot kapab asiste

bann dimoun ki pe bezwen lasistans ek Gouvernman, pou zot kapab met en bout pou lwe zot lakaz?

Apre lo kote, mon konnen poudir lo kote later zot ti annan sa problem avek *PUC*. An term pou ganny bann *utilities* lo bann nouvo bout later. Si ou kapab dir nou *PS* kote sa i ete? e si zot in kapab tonm en Lagreman lo la?

E *PS* si ou kapab *advice* mwan, eski i annan en prosedir an-term bann dimoun ki anvi *exchange* zot later ek Gouvernman pou ed - konmsi zot fer en *exchange* swa lo kote nivo finans ouswa lo nivo en bout later? Mersi.

MR SPEAKER

Wi. *VP*.

THE VICE-PRESIDENT MR AHMED AFIF

Mersi Mr Chair. Avek ou permisyon *PS Barbe* i ava reponn premye kestyion.

MR SPEAKER

Yes. *PS Barbe* i kapab. Wi. *PS*.

PS HOUSING DENIS BARBE

Thank you, Mr Chair. Onorab mersi pou ou kestyion. Pou part rental larzan i tonm dan programm P3 for Housing Management.

Sa i vin anba *other goods and services*. I annan 12 milyon ki *was*, i dan Bidze sa lannen, e sa pou ganny repepe pou lannen e sa pou ganny prete pou lannen prosenn.

MR SPEAKER

PS Morgan ki pou pran? Wi.

PS LANDS MURIEL MORGAN

Onorab Mersi pou kestyon. Lo kote *PUC* koneksyon. Nou ti annan nou en gro problem lo kote konekte later avek *utilities* parey ou konnen. Nou'n antre an negosyasyon avek *PUC* pou nou kapab regard en *Staggered Payment plan*, baze lo sityasyon ekonomik aktyel.

Nou pe atann zis *Board PUC to come back to us*. Si zot kapab agree avek sa *payment plan* nou kapab donn bann later ki lo *landbank* ki pa ankor konekte avek *utilities* o pli vit ki posib. Me nou pe atann zot.

Lo kote lesanz later avek Gouvernman, wi i posib. *In fact*, nou annan nou bokou ka kot dimoun i fer sa lesanz, pou zot kapab swa benefisyé avek larzan *or well sorry*, en lot kare later ouswa en lakaz. I posib pou ganny fer. Mersi.

MR SPEAKER

Mersi. Onorab Hoareau.

HON JOHN HOAREAU

Mersi Mr Speaker. Mr Speaker, mon kestyon i baze lo *Programme 2, subprogramme 4*. Kot i annan en propozisyon 3.4 milyon pou *GIS*.

Mon le demande akoz an vi ki mon'n vwar ki lannen pase avek sa lannen, *GIS* in ganny preski menm kantite larzan.

Eski sa lannen i annan en programm konkret pou fer ki *GIS* i vin pli *accurate*, i vin osi *updated*?

Dezyenmman Mr Speaker, lo *subprogramme 1* lo *Policy and Legislation*, mon ti ava kontan konnen si lannen prosenn nou pou vwar en nouveau *point system* lo kote *land point* avek *housing point*?

Apre en sistem ki pou kapab *improve due diligence* lo kote alokasyon later ek lakaz? Akoz sa in en problem mazer kot nou'n vwar ki souvandfwa dimoun - i annan dimoun ki'n ganny 2 fwa asiste avek Gouvernman.

I annan ki deza annan later, me selman i reganny ankor later oubyen lakaz. So ki fason nou pou kapab *tidy up* sa bann sityasyon ki pa donn nou okenn lanbarasman? Mersi.

MR SPEAKER

Mersi VP wi.

THE VICE-PRESIDENT MR AHMED AFIF

Mersi Mr Chairman. Avek permisyon mon a demann PS Morgan pou reponn.

MR SPEAKER

PS Morgan.

PS LANDS MURIEL MORGAN

Mersi VP. Mersi Onorab. Lo kote *GIS* nou pe travay bokou pli pros avek bann lezot antite pou nou kapab *enrich* nou *GIS*.

Nou ti fek annan *GIS* 2, nou'n lans en pti programm avek bann distrik pou ed nou idantifye kot i annan bann diferan eleman dan distrik pou nou *enhance*.

Lo kote *technically itself*, nou annan nou bann dimoun ki vreman annan kapasite pou kapab delivre en *GIS*, ki bokou pli *updated*.

Me i sa lesanz lenformasyon ant bann diferan Minister pou *update* nou *GIS*, ki fer ki i pran nou en pti pe plis letan ki nou ti ava kontan pou nou fer sa *update*. Mersi.

MR SPEAKER

Mersi. Onorab Cosgrow.

HON WALLACE COSGROW

Mersi Mr Chairman. Bonzour tou dimoun. Mr Chairman mon vin en kou parey Onorab

Loizeau la. Mon ti annan 5 kestyon, tou dimoun in pran preski tou. Mon krwar i reste mwan 2 kestyon.

MR SPEAKER

I bon menm. Kestyon in ganny reponn Onorab.

HON WALLACE COSGROW

Mon annan 2 kestyon Mr Chairman. Mon premye kestyon i en pe dan menm laliny avek Onorab Hoareau. Mon anvi koz en pti pe lo *GIS* akoz nou pa koz ase lo *GIS*.

Annefe mon lo *web GIS* la Mr Chairman. Ziska ozordi 2021 nou annan nou 73mil 370 visitors count lo *web GIS*. I montre ou kantite enportan *GIS* i en zouti pou nou piblik. Me solman pou zot osi koman bann travayer Minister.

Now, nou piblik nou pe get *web GIS*, e petet bokou pa realize portre ki nou pe gete si mon pa tronpe, i portre 2012 - Si mon pa tronpe, pou serten landrwa Mahe, Praslin, La Digue.

Now, eski, akoz mon konnen avan COVID ti annan en provizyon pou met en larzan pou update portre *GIS*. Eski dan Bidze zot in fer provizyon pou sa, ouswa nou pou bezwen esper ankor en pe letan pou

nou kapab ganny en *update GIS* zimaz?

Mon dezyenm kestyon Mr Chairman, i konsern sa legzersis pou demann dimoun pou idantifye later. Bokou konplent dan lepase in vin an traver sa zafer en dimoun idantifye later. Apre i pa neseserman en dimoun ki'n la an priyorite ki pe espere, ki pe esper Minister.

E li sa bann, souvandfwa sa bann ki pe espere li, i pa konn idantifye li. I pa konn servi *web GIS*. Me solman li osi i annan en bezwen.

Lepase nou'n war kot in annan dimoun i vini i idantifye, i dir mon war en bout *ex* dan tel distrik, i ale, i ganny *allocate*. E i ale li, i pas par lao en lot dimoun.

So i tir en pe sa *fairness* dan alokasyon later. So eski sa pou form parti Polisi, novo Polisi Gouvernman? Ouswa nou pou retourn lo sa baz merit? Or nou pou tenir lo sa baz merit kot Minister i fer *the bulk of the work*.

Akoz zot ki bezwen fer sa louvraz. Pou mwan mon pa krwar dimoun i, nou'n fini kite sa zafer kot dimoun i idantifye later apre i ale i dir mon'n war en bout later la e mon anvi sa bout later.

So pou mwan mon krwar nou bezwen kontinyen lo en sistenm merit. Kot en dimoun i pas atraver sistenm Gouvernman, later Gouvernman, sistenm Gouvernman, e i ganny *allocate* en bout later. I peye byensir. E i fer son konstriksyon.

So eski sa novo sistem pou dan zot Polisi? Akoz si i dan zot Polisi mon war en problem Mr Speaker. Mersi.

MR SPEAKER

Mersi Onorab. VP ou a reponn.

THE VICE-PRESIDENT MR AHMED AFIF

Mersi Mr Chair. Mr Chair lo kote *GIS* e *orthophoto*, avek ou permisyon permet PS Barbe pou reponn sa.

E lo kote alokasyon e Polisi pou fer sir dimoun i ganny en bout later ase vit san ki nou pe bezwen neseserman depan lo dimoun pou al idantifye later, petet sa PS Morgan i kapab adres sa *issue*. Mersi.

MR SPEAKER

Yes PS Barbe.

PS HOUSING DENIS BARBE

*Thank you, Mr Chair. Lo kote zimaz ki zot pe war lo sa *web GIS*, i zimaz 2011 *orthophoto*.*

Me selman i annan bann zimaz ki Departman *GIS* in fer bokou zefor pou ganny bann *drone image* ki date 2018.

Non, dan Bidze nou napa en konponan sa lannen ki devan nou pou nou *update* sa zimaz *orthophoto*. Akoz i kout *quite* en pti pe larzan.

E wi nou ti annan en konponan bidzeter lannen pase pou enkorpor sa, be i pa ti ase. Baze lo *tender* ki nou ti pe anvizaze fer.

So i pou en travay ki nou pou bezwen planifye byen. Anliny avek nou *ceiling* Bidze pou nou gete kan ki nou kapab enplimant li.

MR SPEAKER

Mersi. PS Morgan.

PS LANDS MURIEL MORGAN

Mersi. Mersi Onorab. Sa legzersis idantifikasiyon later son pli gran *aim* se pou nou increase lenvanter later ki nou annan.

I enportan ki i pa dimoun zis pou vini zis pou idantifye, i pou gannyen. Nou annan en sistem, en dimoun i bezwen kalifye. *Even now* dan sa legzersis nou pe kouver bann dimoun ki'n kalifye anba sistem pwen, ki nou pa pe kapab deservi akoz nou napa later.

I pa pou vin en kestyon of mon vini mon vwar mon ki pou gannyen par lao lezot dimoun. I en kestyon of increased inventory pou nou asiste dimoun pli vit. Mersi.

MR SPEAKER

Mersi. Onorab Woodcock.

HON WAVEL WOODCOCK

Mersi Mr Speaker. Bonzour VP ek ou delegasyon. Mr Speaker mon kestyon en pti pe lo laliny ki Onorab Gill in demande pli boner.

Sa zafer resansman la, *survey* pou transfer later from old land registry. Sirtou en konsern lo Praslin, La Digue apre mon krwar serten rezyon dan sid Mahe.

I pa en zafer ki nouvo sa. Nou ti ganny dir dan lepase, mon rapel dan 2018 dan sizyem Lasanble, ki en travay konpreansib pou ganny fer pou transfer sa bann later lo old land registry lo nouvo land registry.

I pa en keksoz ki fek vini ozordi pou demen. E pli gro problem, defayans ki mon konnen Minister pe fer fas avek se lo kote surveyors.

Me ler ou pe get Polisi, National Human Resource Development Priority, ou war poudir pou surveyors i pa

priyорите ло лалис дevelopman resours imen.

E mwan mon santi poudir sa dan le fitir, i pa ti lo nou *watch* ki sa in arive. Be mwan mon santi poudir la i merit en priyорите pou nou *recruit, train plis surveyors* pou ed nou avek sa legzersis ki nou bezwen fer.

Akoz si nou pa fer sa nou pou war nou ankor pe gaspiy bokou lannen ankor, pou nou kapab vreman fer sa transfer. Sirtou akoz mon konn li en gro travay pou transfer later sorti lo *the old land registry* pou al lo nouvo *land registry*.

Mon lot kestyон Mr Speaker, i kot i konsern *major achievement*. En *issue* ki mon war, en defayans petet dan Gouvernman lepase kot i konsern *condominium* pou bann *return graduate*.

Dapre *major achievement* an 2020 ziska 2021 i annan 18 *1-bedroom*, e 24 *2-bedroom* ki'n ganny alokasyon.

Me ler ou gete pandan sa bann dernyen lannen, e mwan mon pa pou mazinen dan fitir pros e menm dan plizyer lannen pase, Konbyen *condominium* ki'n ganny fer lo *Inner Island? I mean* pou *return graduate?*

Tou bann *condominium* ki ganny fer, Polisi Gouvernman toultan in toultan zot in fer li lo Mahe. Me Praslin, la Digue

Onorab Uranie i kapab konfirm sa, napa *condominium* ki'n ganny fer lo zil.

MR SPEAKER

Ok annan permet *PS* reponn.

HON WAVEL WOODCOCK

Alor petet si dan nouvo Polisi Gouvernman zot pou konsider *allocate* petet en pti, pti bout lo Praslin ouswa La Digue pou nou kapab fer sa bann *Condominium*.

Mon lot finalman Mr Speaker kot i konsern proze *landbank* Saint Sauveur. Onorab, *PS Barbe* i konn sa tre byen. I still en *issue*. akoz ler zot ti fer *sub-division* en alokasyon later, later ti ganny *allocate*.

Sub-division ler ti ganny fer, ti ganny fer lo en later ki ti deza annan dimoun ki pe reste lo la. E in kre en gro konfli, en *issue* ozordi, ki bezwen ganny *sort out*. E mon'n koz ek *PS Barbe* a plizyer repriz. E sa bann dimoun i fristre.

Mon ti ava kontan ki dan lefitir pros ki sa *issue* i ganny *sort out* silvouple. Mersi bokou.

MR SPEAKER

Mersi. VP wi.

THE VICE-PRESIDENT MR AHMED AFIF

Mersi Mr Chair. Mr Chair mon ti a kontan dir avek Onorab ki mon partaz avek li sa konsern an se ki konsern *survey*.

I kler poudir *survey* i en konponan enportan dan travay ki nou pe fer. E annefe dan Bidze i annan en konponan 1.2 milyon dan en SP3 pou *outsourcing* pou bann travay *survey*.

Annefe Minister nou anvi fer otan *survey* ki nou kapab. Me selman ou pa pe gannyen *surveyor*. Se sa problem.

E annefe an ski konsern lonterm, nou pe lans en konpanny ase agresiv, sirtou avek bann marmay dan lekol segonder e ki pe al ver zot bann letid. Pou ankouraz zot pou al dan domenn *survey*. Parske i pou en domenn ki tre enportan Sesel.

Be selman pou lemoman nou pe fer sa ki nou kapab avek bann resours ki nou annan.

An se ki konsern ou dezyenm konponan kestyon. Mon mazinen PS Barbe petet i a kapab reponn avek ou permision Mr Chair.

MR SPEAKER

PS Barbe wi.

PS HOUSING DENIS BARBE

Thank you. An realite Onorab. Nenport alokasyon when it

comes to condominium avek self-finance nou pa tro gete an realite ki bor distrik sa bann dimoun i sorti. Nou plito get lo abilite finansyel pou ou kapab finans sa unit.

So i annan bann dimoun ki sorti Praslin ek La Digue, ki'n benefisyen avek bann alokasyon ki nou'n fer. E i pou kontinyelman leka *going forward*.

Mon pa konnen si ou Mazin byen, ti annan en pti lantervansyon ki Minis ti fer an relasyon avek demann *condo* avek bann *graduates* ki lo Praslin, La Digue. So nou annan en proze. nou annan later ki'n ganny idantifye pou sa.

E i pou tou depan lo kot demann lo sa zil ek bann dimoun ki tonm dan sa bann *bracket* avek sa bann abilite finansyel. E ki kantite zot nou annan pou nou kapab deklans en proze parey. *Thank you.*

Lo kote Saint Sauveur Onorab. I annan en dyalog ki nou'n fer e nou pou kontinyelman fer. Parey ou konnen i en ka en pti pe partikilye avek son bann konpleksite.

E i pou depan lo tou lede kote. Ler mon dir kote Minister, konsern Departman Lakaz ek Later, e avek Lotorite Distrik

pou nou kapab rod en solisyon
ansanm. *Thank you.*

MR SPEAKER

Mersi PS. Onorab Loizeau.

HON NORBERT LOIZEAU

Mersi Mr Speaker. A lafen-de-
fen, mon'n ganny en sans.

(laughter)

MR SPEAKER

Ou ti lev ou lannen dernyen
Onorab Loizeau, parey labitid.

HON NORBERT LOIZEAU

Wi Mr Speaker. Dan mon 5
kestyon i reste mwan enn.

MR SPEAKER

Ale *proceed* avek ou kestyon.

HON NORBERT LOIZEAU

Mr Speaker, vi ki nou
Gouvernman i novo, nou'n dir
i annan novo fason fer.
Selman *still* mon war i annan
retar ki pe kontinyen annan
sirtou kot *Land*.

E bann aplikan kalifye i
ankor *still* pe vir an ron, pa
konnen ki pou fer.

An 2018, Oktob 2018 ti
annan en group aplikan kalifye
ti ganny zot let konmkwa zot
pou ganny *allocate* later dan 3
land bank project.

Ziska prezan i fer 3an,
personn pa ankor ganny
allocate. An 2019 zot ti dir ant
Zanye a Me pou ganny
allocate, pa'n fer.

2020 menm zafer.
Eleksyon in vini. La nou 2021,
nou Novanm 2021. Ki'n fer 3an.
E sa bann proze parey, La
Gogue, Machabee, Nouvelle
Vallee.

Alors mon anvi demann
avek VP, eski apre tou sa bann
retar ki'n annan la, eski dan sa
Bidze ki la, la, la, pou *land* la,
eski i annan alokasyon pou zot
adres sa sityasyon ki pe anpes
zot *allocate* later? Pou ki enn
fwa pou tou sa bann aplikan
ava kapab konstri?

I fer 3an la Mr Speaker.
3an-

MR SPEAKER

Wi, wi ou'n dir.

HON NORBERT LOIZEAU

En aplikan i sipoze fini fer son
lakaz, me i ankor pe espere.

MR SPEAKER

Ok. Mersi.

HON NORBERT LOIZEAU

E osi Minis dernyen, VP, parmi
sa bann ki mon'n nonmen la.
Eski i annan menm si zot in
promet, zot in dir dimoun. PS
ou pa ti la sa letan ou fek vini.

Selman i annan 1an depi ler ou la, apepre 6 mwan.

Si i annan parmi sa bann *land bank project* la ki alokasyon pa konmela pou fer. Dapre mon konpran i annan serten *land bank project* parey Machabee. Menm si i annan in ganny dir, ganny let pou gannyen, dapre konpran pa konmela ki pou *allocate*.

Mon pa konnen si ankor dan 5an, 6an. Eski zot kapab dir nou sa? Mersi.

MR SPEAKER

Mersi. *VP* ou kapab reponn *please*.

THE VICE-PRESIDENT MR AHMED AFIF

Mersi Mr Chair. Mr Chair sa ki mon kapab asir ou se alokasyon later i souvandfwa son pli gran kontrent ki i fer fas avek se lenfrastruktir.

Lenfrastruktir i en kestyon bidzeter. E dan sa Bidze ki la nou pa pe get lenfrastruktir, dan sa lot Bidze.

Me selman mon kapab asir ou Onorab ki nou fer otan ki nou kapab. E sirtou dan sa dernyen 12 mwan ki nou, nou'n la, nou pe fer otan ki nou kapab pou fer sir ki nou kapab delivre selon lekspektasyon tou bann dimoun ki'n ganny dir zot pe ganny en later.

I annan serten landrwa i pli difisil i annan serten landrwa i pli aksesib. Akoz i deza annan en semen. Me mon ava permet, si ou permet mwan mon ava les *PS Morgan* adres en pti pe plis lo kestyon spesifik, ki ou ti pe leve dan sa kestyon sa dimoun, sa bann ki'n esper 3an. Mersi.

MR SPEAKER

Mersi. *PS Morgan* ou kapab azoute.

PS LANDS MURIEL MORGAN

Mersi Mr Chair. Mersi Onorab. Wi i vre ki i annan bokou aplikan ki ankor pe espere pou zot ganny bann later, parey *VP* in dir, i annan pou fer avek lenfrastruktir.

Mazorite letan i annan pou fer konnekson litilite ek kou konekson litilite, pou bann kare later.

Sanmenm sa rezon ki nou atraver sa legzersis ki nou pe fer, nou pe ankouraz bann aplikan, si ou trouv en kare later ki pou Gouvernman e ou'n fini kalifye - *had it been* 2018 ou menm 2020, ouswa ou ti annan en laplikasyon avan 2017, fer nou konnen.

Si ou en *qualifier*, toudswit nou fer le neseser, nou *assign* ou ek sa kare later. Si ou annan en laplikasyon me ou

pa'n zanmen pas dan sistem pwen, nou fer sa abilite finansyel.

E once nou'n fini kapab idantifye konmkwa poudir ou annan sa abilite finansyel, nou pe fer alokasyon. Mersi.

MR SPEAKER

Mersi. Onorab Arissol, Phillip, mon war ou ou'n sinyen konmsi mon'n mank ou. I korek sa? Bon be mon napa lot swa mon a permet ou demann ou kestyon.

HON PHILLIP ARISSOL

Mersi Mr Chair. Bonzour tou dimoun. Mon kestyon i koumsa. Minis *sub-division* 11 kare later dan *land bank* Gran Bwa Montagne Posée in konplete. Zis problem ki i annan se semen ki pa ankor ganny sifas. E sa i fer ki alokasyon i retarde.

Eski Minis i kapab dir nou si sa propozisyon *land exchange* pou permet *wayleave* i ankor an progre?

E osi si i annan okenn lezot plan ki Gouvernman i kapab propoze pou ki semen i kapab ganny fer? A lafen ki alokasyon sa bann kare later i kapab materyalize. Mersi.

MR SPEAKER

Mersi. VP.

THE VICE-PRESIDENT MR AHMED AFIF

Mersi Mr Chair. Avek ou permision permet PS Morgan reponn.

MR SPEAKER

PS Morgan.

PS LANDS MURIEL MORGAN

Mersi Onorab. Mon pou adres zis sa *issue land exchange* akoz konstriksyon avek *surfacing* i annan pou fer avek Lenfra striktir.

Wi pou vi ki sa *exchange* i enn ki rezonnab. Nou annan dimoun ki nou pe demann zot en, pa ni menm 100 met kare, zot pe rod en lot kare later in *exchange*.

We have to admit i en pti pe pa rezonnab sa. Mersi.

MR SPEAKER

Mersi. Onorab terminen silvouple.

HON PHILLIP ARISSOL

Wi Mr Speaker. Mon ti ava kontan konnen si Gouvernman i annan okenn lezot propozisyon pou ki semen i kapab ganny fer? Par egzanp si zot pou demann bann dimoun pou fer semen, apre Gouvernman i ava antre ladan swa en keksoz koumsa? Mersi.

MR SPEAKER

Mersi. PS Morgan ou kapab azoute.

PS LANDS MURIEL MORGAN

Sa kestyon pou ganny adresé par Lenfrastriktir. Mersi.

MR SPEAKER

Mersi. Nou ava pran vot lo Bidze lo *Ministry of Land Use and Housing*, ki lo paz 337 ziskan 345, pou en total R95 milyon 48mil. Manm ki an faver lev lanmen silvouple? Mersi. Okenn Manm, ki vot kont?

Mersi. Bon vot pou *Ministry of Land Use and Housing*, lo paz 337 ziskan 345, pou total R95milyon 48 mil, 31 Manm in vot pour, 0 kont, e 1 abstansyon. Donk sa Bidze in aprouve par Lasanble.

Bon nou seryezman an retar. Me selman mon napa swa letan 28 dimoun, 27 dimoun in lev lanmen. I pa fasil pou li met letan. Fotespere nou ava kapab ratrape dan bann peryod ki swiv.

Nou ava pran *break* la. E nou a koup *break* osi en pti pe kourt. Nou ava repran travay 11er 05. Mersi.

(BREAK)

SEYCHELLES PLANNING AUTHORITY**MR SPEAKER**

Alor bonzour e byenveni zofisyé *Seychelles Planning Authority*, Mr Cyril Bonnelame, son *Chairman*. E Ms Angela Servina son *CEO*.

Bidze Seychelles, sorry town. Is that the right name Town and Country Planning Authority?

Town and Country Planning Authority lo paz 356 ziska 363, pou en total R16 milyon 500mil.

Avek sa VP nou ava ekout ou lentrodiksyon.

THE VICE-PRESIDENT MR AHMED AFIF

Mersi bokou Mr Chairman. Bonzour ankor tou bann Manm Onorab. Mr Chair zis pou komanse mon ti ava kontan port ou latansyon ki mon'n ganny enformen ki sa tit i devret *Planning Authority*.

E i posib pou annan en *minor amendment* ki ganny propoze zis pou amann sa tit. Olye *Town and Country Planning*, i pou vin *Planning Authority*. Pou fer li lir korekteman dan Bidze.

So, mon pa konnen si zot le pas sa pti amannman la. oubyen nou ava kontinyen.

MR SPEAKER

Annefe wi sanmenm ki'n konfiz mwan. Mon krwar nou'n pase sa amannman. Korek?

Nou pa ti ankor pase?
Ok.

HON JOHN HOAREAU

Mr Speaker, sa lamannman i lo paz 4 dizneyenm laliny. I devret lir '*Planning Authority*' olye '*Town and Country Planning Authority*'.

Parey labitid ler nou pas sa bann lamannman la, si *panel* i dakor alor nou pa bezwen vote.
So-

MR SPEAKER

Wi si *panel* i dakor e napa obzeksyon dan lasal napa soz.
Panel.

Onorab Pillay wi ki oule dir?

HON SEBASTIEN PILLAY

Mersi Mr Chairman. Ou konnen dan *Standing Orders* ler ou, ou lir sa *Head*. Ou bezwen lir sa *Head* ki pe ganny aprouve.

Sa lamannman i kapab ganny fer a 2 repriz. I kapab ganny fer avan ki ou lir sa *Head*. Akoz ou, ou bezwen dir sa *Head* apre ou bezwen dir son Bidze. Prezan ki form par sa *schedule*. Ou konpran?

So i napa en gran *issue regarding* en lamannman tipografi. Me selman kan i ganny fer i enportan.

So i kapab ganny fer avan la or i kapab ganny fer apre ki ou pe, avan, ler ou fini propoz vot, i kapab ganny fer apre vot. Akoz i pa en lamannman sibstansyel ki pe amann sa *Head*.

MR SPEAKER

Nou ava pas sa lamannman. *Panel* in dakor. Napa lot soz dan lasal.

HON SEBASTIEN PILLAY

Non, Mr Chairman mon krwar petet nou bezwen apresye en keksoz. Malgre *panel* i dakor, se Lasanble ki bezwen aprouve.

MR SPEAKER

Wi-wi. Be Lasanble mon dir. Lasanble pa'n *raise* okenn lot obzeksyon. So nou aksepte sa.

HON SEBASTIEN PILLAY

Chairman ou bezwen *still met li to a vote of the House*.

MR SPEAKER

Non, zanmen nou'n fer sa.

HON SEBASTIEN PILLAY

Nou bezwen fer. Akoz *that is what the Standing Orders* i dir ou Mr Chairman.

MR SPEAKER

Zanmen nou'n fer lo tou sa bann...

HON SEBASTIEN PILLAY

Nou'n fer dernyen fwa. Nou'n fer.

MR SPEAKER

Lo tou sa bann amannman koreksyon, nou'n prosede san vot. E nou a kontinyen koumsa. Mersi.

HON SEBASTIEN PILLAY

Avek ou permision Chairman avan ou kontinyen, zis en dernyen pwen.

Mon le alert o latansyon lo sa *Order* ki dil avek lafason ki nou *tackle* Bidze. E bann lamannman lo Bidze i ganny fer - lo *schedule* Bidze i ganny fer en pti pe diferaman.

Vis-Prezidan i korek dan sa ki i pe dir avan ki nou komanse. Akoz ler ou, ou lir sa *Head*, ou bezwen lir li *as amended*.

So nou pa kapab zis pe konsider li amande si i pa'n ganny amande.

MR SPEAKER

Mon pou relir sa *Head*. Mersi.

Onorab Hoareau ou annan en lot pwen? Wi.

HON JOHN HOAREAU

Mr Speaker, mon le fer kler poudir i annan en presedans lafason ki nou fer li. Se ki nou met avek *panel*. Si *panel* i dakor, napa vot ki nou pran.

Si *panel* pa dakor *then we take a vote*. And mon ti'n lev lanmen depi o komansman petet ou pa ti'n vwar mwan pou mwan sinaly ou.

MR SPEAKER

Non, mon pa'n remarke. Mersi.

Be bon. Mon ava relir sa *Head* avek amannman *as amended*.

Vot pou *Planning Authority* lo paz 356 ziskan 363 pou en total 16milyon 500mil.

VP prezan ou kapab prosede avek lantrodiksyon.

THE VICE-PRESIDENT MR AHMED AFIF

Mersi bokou Mr Chair.

HON SEBASTIEN PILLAY

(Off-Mic)

MR SPEAKER

Wi. Eskiz mwan VP. Wi, ki *point of order*?

HON SEBASTIEN PILLAY

Mon le alert ou latansyon lo *Order 81(6)*. Ok.

MR SPEAKER

Wi ale.

HON SEBASTIEN PILLAY

Ok. Although 81(6) i dir ou “on consideration of the schedule of the Bill, the Chairperson shall call, number, and title of each head of expenditure in turn and shall propose a question. That the sum of,” ki sa sonm pou Planning Authority, “stand part of the schedule”.

Ok. That is how nou fer li. Now ler sa lamannman ki'n ganny propoze par Onorab Hoareau, ki en lamannman senp, ki'n ganny propoze, Lasanble i still bezwen vot an faver sa lamannman pou ki ou, ou kapab enakte sa provizyon lo Standing Orders.

Otherwise Mr Chairman, ou pou bezwen esper ler nou arriv Order 81 (14) pou ou fer li. E sa se ler nou'n fini dispose of tou bann Heads. Bann lamannman tipografi i kapab ganny fer. E la i ganny fer without debate.

Akoz i pa bann lamannman ki pe amann bann sonm dan Bidze. So mon pou demann ou avek, pou swiv sa ki Standing Orders i dir.

Malgre ki panel i eksprim son acquiesce pou son lakseptans pou en lamannman, me pou bann Heads dan Bidze, rezon akoz Standing Orders i fer

provizyon pou sa se zisteman akoz nou tret li diferaman.

So Onorab in propoz amann sa *title of the Head. The amendment is seconded.* Nou zis fer en vot and then nou move on to konsiderasyon son Bidze. Silvouple Mr Chairman.

MR SPEAKER

Onorab mon pa dakor avek ou, akoz mon persyade ki nou'n fer sa prosedir avan.

HON SEBASTIEN PILLAY

Non nou ti vote lo la.

MR SPEAKER

E nou'n pas li koumsa.

HON SEBASTIEN PILLAY

Nou ti vote Mr Chairman.

MR SPEAKER

Nou a kontinyen. E nou a konsidere. Si i annan nesesite pou regard Order 81, mon a regarde apre.

VP silvouple fer ou lentrodiksyon.

THE VICE-PRESIDENT MR AHMED AFIF

Mersi Mr Chair. Mr Chair 2021 Planning Authority ti annan en Bidze R16.4 milyon. E 2022 son Bidze R16.5 milyon. Apenn R91 mil diferans.

Sa diferans i vin en logmantasyon anba *wages and salaries* ki'n mont par R125 mil.

Me *goods and services* li, in redwir par R33mil. E alors son lenpak i vin R91mil. Ki en pti sonm vreman 2022 pa'n sanze an konparezon avek 2021.

Anba *wages* in mont par R125mil. Sa se bann, se bann *savings* ki ti'n ganny idantifye oli boner. E zot in fer provizyon pou *other allowances* ek *PSE allowances*. Ki'n ganny mete dan sa bann, dan sa sonm dan sa 125mil.

Goods and Services zot ava vwar en *breakdown goods and services* ki'n redwir par 33 mil efektivman.

Office expenses li in mont par R9mil.

Transportasyon in mont par 54. Me *maintenance and repairs* in tonm par 17mil.

E *other uses of goods and services* in tonm par R81 mil.

Minor capital in mont par R2mil. Alor petet pli gro ladan se *other uses and services* ki'n redwir par R81mil. E sa se esansyelman akoz ti annan en *service agreement* pou 2 staff ki ti anba en kontra *Maintenance of Archives*.

Me apartir Zanvye zis enn ki ganny peye. E alor bann fon i ganny redwir.

Apre ti annan pti logmantasyon dan *local consultancy* R10mil.

En rediksyon R68mil dan bann *training fees*. Ki baze lo *training plan* pou 2022.

E R10mil lo lezot *allowances*. En logmantasyon 25mil dan bann fasilite pou *cost* bann *meeting* konsiltativ an 2022.

Me selman an gro, *goods and services* li i tonm par R81 mil.

E pou *Planning Authority* i napa sa ki nou apel *non-financial asset* oubyen proze kapital.

Vwala an gro Mr Chair. I pa en gran sanzman. Zis R91 mil ekstra pou 2022. Mersi.

MR SPEAKER

Mersi. Mon ava pran kestyon bann Manm. Onorab Vidot i kapab komanse. Tenir lanmen pou en pti moman ziska ler pran bann non.

Tre byen. Onorab Vidot.

HON AUDREY VIDOT

Mersi Mr Chair. Mr Chair mon kestyon i relye avek dan liv Bidze, lo sa bout ki *major achievement* ki *Planning* in mete.

Kot i dir ‘produce the following development plans. ‘ Mon vwar zot in konfirmen ki zot in konplet en nouvo plan pou *disposable vegetable market?*

Eski zot pe fer referans avek sa enn vizavi avek *Fresh Cut?* E si sa, kan ki Lotorite Plan mon mazinen boner 2022 zot anvizaze entrodwir sa avek kominote Roche Caiman?

Eski zot in finaliz sa plan ki baze zisteman la vizavi *Fresh Cut* oubyen si i annan en lot alternativ osi ki zot in *design* dan plan? Mersi.

MR SPEAKER

Mersi. VP wi.

THE VICE-PRESIDENT MR AHMED AFIF

Mr Chair mersi. Avek ou permisyon mon ava demann CEO pou reponn silvouple.

MR SPEAKER

CEO wi.

CEO ANGELA SERVINA

Bonzour Mr Chair. Bonzour Onorab. Mersi pou ou kestyon. Wi sa plan devlopman i pou Roche Caiman Market. I sa *market* ki currently i obor Lekol Plaisance Primer mon krwar.

Me selman nou ti deza annan en plan devlopman ki

nou ti'n fer la, en konsep depi oparavan. Me letan nou'n asize nou'n revwar, nou'n vwar poudir avek lakantite vander ki pe vin dan sa landrwa, sa landrwa pe vin tro konzeste. E i pa pou kapab accommodate tou sa bann vander.

So nou'n rod en *alternate location* pou *Roche Caiman Market*. Ki pa lwen, i dan sa bout ver ki *opposite Petrol Station Roche Caiman*.

E wi nou'n devlop en *guidelines* pou bann *kiosk*. E wi nou pou prezant avek distrik *early next year*. Mersi.

MR SPEAKER

Mersi. CEO. Yes Onorab, vitman *please*.

HON AUDREY VIDOT

Just en pti leklersisman. Prenon kont desizyon pou revwar li pou poz laba, eski in annan osi diskisyon avek *DA's Office?*

Akoz mon rapel ansyen CEO ki ozordi Minis kot Lanvironnman ti dir poudir zot le kit laba ver, son verdir. So mon pe mazinen si in osi donn son *input* pou revwar son desizyon a sa letan?

MR SPEAKER

Mersi. Wi CEO.

CEO ANGELA SERVINA

Wi nou'n, pou nou *relocate* sa *market*, wi in annan en diskisyon. I pa en desizyon ki *Planning* tousel ki'n pran. Nou'n diskit avek bann Minister konsernen. So wi nou annan diskisyon.

E pou al lo kote distrik parey mon pe dir *early* an Zanvye, *next year* nou pou al lo bann konsiltasyon. Mersi.

MR SPEAKER

Mersi CEO. Onorab Arissol. Sandy.

HON SANDY ARISSOL

Mersi Mr Chair. Bonzour VP avek ou delegasyon. Mr Speaker, anba zot *strategic priorities 2022/2024*, *Planning* i dir ek nou '*deliver high standards of service which meet the clients expectation*'.

Mon ti ava kontan zisteman demann *Planning*, letan zabitan dan distrik par egzanp, i ganny serten difikilte an relasyon avek konstriksyon ki arive o-bor li, swa par lao li. Sirtou letan en vwazen i reste pli ba e ou annan konstriksyon par lao kot tou delo desarz, tou delo lapli.

Kote zabitan ki nou pe vot zot Bidze i ale, pou li kapab rezourd, ganny en konklizyon dan son difikilte ki i pas atraver

letan i annan en konstriksyon ki arive?

Menm i get zofisyen *Planning*, i al kot *MNA*, i al kot *DA*, still i santi i pa satisfe. Kote dan sa Bidze ki nou pe donn zot ki sa kliyan i kapab ale pou rezourd son problem oubyen pou li santi li i an sekirite? Premyerman.

Dezyenmman mon ti a kontan demann zot. Bel Ombre sel 2 lans ki nou annan. Nou annan Anse Sima avek Marie-Laure.

Marie Laure la pou lemoman i annan en konstriksyon ki pe arive. Tou dimoun pe demann kestyon. E mon'n koz ek propriyeter in eksplik mwan.

Be nou annan Anse Sima. Zis vizavi avek Legliz Saint Luc pou bann ki pe rode kot i ete, i annan en ranze tol i annan en bann lannen pase.

Eski *Planning Authority* zot in ganny soumet en plan pou Anse Sima la, en devlopman pou Distrik Bel Ombre, an vi ki la nou annan en kantite devlopman dan leker Bel Ombre an relasyon avek sa?

E mon dernyen kestyon ki mon ti ava kontan demann zot. Semen Carpin, ki'n egziste pou 21an dan distrik Bel Ombre. Ti annan en demarkasyon fer, mon mazinen par Lotorite

Planning osi zot in ganny notifye. E zot in aprouve.

En demarkasyon pou Semen Carpin, eski i annan dan *Planning Authority* sa? I egziste sa demarkasyon? Zot in ganny, zot ti ganny laprouvason *Planning* sa? Parske bann dimoun in ganny let avan eleksyon pou zot ganny zot konpansasyon. Parske zot in donn zot propriyete.

Letan in fini fer bann demarkasyon in met taso tou be naryen pa'n ganny ziskan prezan. Mon ti ava kontan konnen? Ganny sa bann pti leklersisman Mr Speaker avan mon vot zot Bidze pou lannen prosenn. Mersi bokou.

MR SPEAKER

Wi VP.

THE VICE-PRESIDENT MR AHMED AFIF

Mersi Mr Chair. Mr Chair mon avek ou permisyon CEO Servina i ava reponn lo bann kestyon spesifik. Mersi.

MR SPEAKER

Yes CEO.

CEO ANGELA SERVINA

Mesi Onorab pou ou bann kestyon. Konstriksyon ki *ongoing*. Normalman nou annan nou bann zofisyen ki

monitor tou konstriksyon ki *ongoing*.

Me i kapab annan lenstans ki zot pa lo site. Toulezour zot pa pou kapab al lo menm sit. So si i annan okenn *issue* ki pe arive dan vwazinaz ki pe afekte bann lezot *neighbors*, si i annan konstriksyon ki pe arive, bann dimoun i konnen ki zot kapab *call* nou lofis, anvoy nou *email*, ekrir nou. Menm vin vwar nou pou rapporte zot annan okenn *issue*. E nou bann zofisyen i *follow-up* lo la.

Nou *follow-up* lo la, i pou tou depan lo ki kalite *issue* ki i annan. So si i en *issue* ki direkteman *relate* avek sa konstriksyon, nou koz avek sa devloper, sa kontrakter. Nou pou rod tou bann fason pou.

Akoz nou osi letan en devlopman pe *ongoing* nou bezwen fer sir ki i pe ganny fer byen soutenab. I pa pe afekte bann lezot dimoun dan zanmerant. So sa i enn.

Me depandan lo, parey mon pe dir ou mon pa konn sa konplent detaye. Petet apre ou ava donn mwan detay lo la, sa i prosedir.

Anse Sima *Development* mon pa tro asire egzakteman ki *plot* later. Petet si ou kapab fer nou ganny sa nimero later, apre

nou ava verifye pou donn ou lenformasyon.

Si nou'n aprouv plan or si nou annan plan ki nou pe konsidere *right now*.

Carpin Road, si i annan en *right of-*, ler ou pe dir demarkasyon, mon mazinen ou pe koz lo en *right of way?* Ok.

Normalman bann later letan i ganny *sub-divide*, *right of way* i ganny *inserted as part as the sub-division*.

Mon pa konnen *how old* sa semen i date. Me selman i bezwen in annan son *approval* si i annan en *right of way*.

E once ki nou ganny landrwa konsernen, Minister konsernen, lenfrastriktir *submit plan* pou sa semen, *Planning* i ava konsidere. Mersi.

MR SPEAKER

Mersi CEO. Onorab Lemiel.

HON SYLVANNE LEMIEL

Mersi Mr Chair. Bonzour ankor VP avek CEO. *Welcome. Chairman Board* osi. Enn dan zot bann *challenges* mon kapab dir ki zot pe gannyen.

E en *issue* ki mon toultan koz lo la letan *Planning* i vini se *land use plan*. La mon pe koz spesifikman pou mon distrik Anse Royale.

Mon ti ava kontan konnen dan sa Bidze ki pe vini sa

lannen, Zot pe dir ki zot pe ganny problem pou zot kapab finaliz li. So eski sa Bidze lannen prosenn ki nou pe donn *Planning Authority*, i pou permet zot pou zot kapab rezourd problem sa bann *land use plan* ki zot pa ankor kapab aprouve, pou zot kapab finalize.

Eski i annan larzan dan sa Bidze pou zot kapab fer sa, nou finaliz li nou fini? E an menm tan nou komans travay lo son *development plan*. Mersi.

MR SPEAKER

Mersi. VP ou pas ek CEO? CEO wi.

CEO ANGELA SERVINA

Mersi Onorab pou ou kestyon. letan nou pe koz lo *land use plan* an term Bidze *Planning*, wi Bidze pe donn nou provizyon pou fer bann travay neseser pou nou kapab *enact* nou bann *land use plan*.

Me en keksoz ki nou bezwen port latansyon lo la se ki travay pou finaliz *land use plan* i depan an gran kantite lo bann lezot Lazans. Avek bann lezot Minister.

So bann keksoz, si ou pe get lo kote travay ki nou menm nou *internally* nou'n fer, ouswa nou annan pou fer, Laplipar i *up-to-date*. Nou'n finalize.

I bann lezot lenformasyon ekstra ki nou pe espere avek bann lezot Minister. Par egzanp Departman Lanvironnman, PUC, Minister Lagrikiltir, tourism. Konmsi i bann lezot data ki nou pe espere pou nou enkli dan nou *land use plan*.

E tousala i ganny kordinen atraver *Land Use Planning Committee*.

Pou Anse Royale, *Land Use Plan* i preski mon pou dir ou 95poursan pare. I zis ki i annan sanzman ki'n ganny fer, ki'n ganny diskite, lo sa bout *development plan*.

E nou bezwen enkorpor li ansanm dan nou *land use plan*. So nou swete ki *by early next year* nou ava'n finaliz li. pou nou kapab prezant ek *Cabinet*. Mersi.

MR SPEAKER

Bann Onorab zot a permet mon ferm mon lalis kestyon la. Pou nou kapab dil avek sa bann, dan letan ki nou annan.

Kot mon'n arive la?
Onorab Woodcock.

HON WAVEL WOODCOCK

Mersi Mr Speaker. Bonn apre midi CEO. Anr nou ankor bomaten CEO. Ek ou lekip.

Minis, VP mon kestyon i kot i konsern. Well plito mon

kestyon i adrese pou CEO menm.

I annan sa *National Land Use Plan* ki en pe letan pe ganny travay lo la. Me selman problemm ki nou'n war dan lepase, se ki sa *land use plan* pa'n neseserman vreman ganny servi.

Mon konnen legzersis ki ti pe ganny fer dan tou bann distrik Mahe, Praslin, La Digue pou reviz sa *land use plan* an konplet.

Me still dan lepase nou'n war bann *issues* kot *land use plan* pa'n zanmen ganny swiv. Mwan mon ti ava kontan si ou pou donn nou langazman ki dan le fitir, *land use plan* ki zot pou vin avek i pou ganny servi dapre i merit ganny servi.

Nou'n war plizyer bann *issue* kontrent dan lepase kot dan bann landrwa ki ti'n ganny *earmark* pou *let's say* aktivite lagrikiltir, nou'n war lotel in ganny fer. Konmsi i pa neseserman vreman ganny servi.

E mon bezwen soulev sa kestyon ozordi, mon pa konnen si ou'n ganny koze avek, si Minister Lagrikiltir in ganny koze avek ou.

Nou annan en problemm kot i konsern *land use plan* lo kote Amitie. Later ki ti'n ganny *earmark* pou lagrikiltir ozordi i

annan plizer bann devlopman ki'n ganny fer.

E bokou bann fermye ki pe vin kot *Planning Authority* pe rod permision pou fer elevaz zannimo, pou fer laferm, bann keksoz koumsa, zot pa pe ganny permision, pourtan sa later dan lepase ti'n ganny *earmark* pou lagrikiltir.

La osi pe ganny bokou defi, bokou difikilte. Mon pa konnen si i annan en diskisyon ki'n komanse, akoz i pe vreman afekte sa sekter lo Praslin. Mersi.

MR SPEAKER

Mersi. CEO wi.

CEO ANGELA SERVINA

Mersi pou ou kestyion Onorab. *In regards to approval* ki nou donnen si i anlisy avek *land use plan* oubyen nou, ki mon pou dir ou, nou ti deza annan en *land use plan* pou Praslin ki ti'n gazete tou. Savedir i ti Lalwa.

Me a en serten pwen, *land use plan* ti ganny *challenge* Ankour legalman. E Ziz sa letan CG ti rezet sa *land use plan*.

So, an tout tan ki nou annan *land use plan* ki pa gazete, ki pa Lalwa, *then* nou pa pou zanmen kapab swiv li dapre sa klasifikasyon ki nou pe donnen.

Sanmenm sa ki la nou Lalwa in aprouve, Prezidan in *assent*, Lasanble ti aprouve. Nou travay preznan i pou gazet tou sa bann *land use plan* ki nou prepare.

Lenportans akoz nou bezwen gazet *land use plans*? I akoz personn pa kapab zwe avek li. Nou'n war dan lepase letan ki *Planning Authority* in refiz bann plan ki pa an akor avek *land use classifications*, apre in gannyen lo *appeal*. So otomatikman ou fer bann presedans ki pa zoli.

Mon pou al lo ou dezyenm pwen. Letan ou pe koz lo Amitie, ozordi nou annan *tourism establishment* Amitie, ki *Planning Authority* ti refize dan lepase akoz i pa ti anlisy avek *land use plan* sa landrwa.

En presedans in deza ganny kree, preznan nou'n, nou louvraz, nou bezwen rode ki mannyer nou pou al *fit* lagrikiltir toultour *tourism*.

So nou louvraz i pa fasil ditou nou. An tan ki nou ganny bann lenterferans politik ladan.

So avek Lalwa ki'n aprouve la, nou lanmen in larg en pe. Si nou kapab fer nou louvraz ki mon asire nou pou ganny sipor neseser pou nou kapab fer li, *then* keksoz i devret vin pli meyer. Mersi.

MR SPEAKER

Mersi CEO. Onorab Gill.

HON CHURCHILL GILL

Mersi Mr Chair. Mon premye kestyon dan *major achievement*, zot in mete konmkwa zot *initiate extension of guidelines* pou La Digue, Marie-Jeanne Estate apre Coco Rouge Estate.

Mon ti anvi konnen kan eski zot espekte konplet sa legzersis?

Dezyenm kestyon, Zil Eve ti annan en *land use plan* ki ti pe ganny prepare pou li. Eski ou kapab donn nou en lendikasyon ki zistans i ete, oubyen kan ki zot espekte konplet sa legzersis?

Mon dernyen kestyon se bomaten ler Minister ti la, mon ti fer sorti konmkwa nou annan en pe konsern Marie-Jeanne Estate, kot bann dimoun ki annan later ki ti kapab ed zot zanfan. Zot ganny difikilte pou ganny permisyon.

E Minister i dir mon wi zot pou kapab fer konversasyon ek *Planning*. Me selman tou bann laspe teknik i pou depan lo *Planning*. Alors mon pe met devan ki ler sa legzersis i ganny fer, mon krwar si i ganny fer byen i a menm ed Gouvernman tir en pe presyon.

Akoz later i limite parey nou tou nou konnen. E si sa

bann dimoun ti ganny sa loportinite pou ed zot zanfan vi ki i annan later, mon krwar i ti pou ed sosyete an zeneral. Mersi.

MR SPEAKER

Mersi Onorab. Wi CEO kestyon in pas lo ou.

CEO ANGELA SERVINA

Mersi pou ou kestyon Onorab. Marie-Jeanne Estate, Coco Rouge nou deza annan *guidelines already in place*. Ki nou pe fer akoz *guidelines* i en pe letan. Nou pe *review* osi. Akoz apre en serten letan ou bezwen revwar ki mannyer sityasyon i ete. So sa legzersis i *on going* la.

Nou espere ki *by mid next year* nou pou'n fini. *Already* nou pe aprouv, nou'n aprouve, e nou pe aprouv bann extension Marie-Jeanne Estate. Dan bann estate kot nou annan *guidelines*, an swivan *guidelines*.

I annan osi bann devlopman, bann propozisyon ki vin devan nou ki pa anlony avek *guidelines*.

Ki nou fer nou assess lo nou menm, nou gete. Si nou war i fezab. *Then* nou enkli li dan *guidelines*.

Me en *issue* avek Marie-Jeanne Estate ki mon krwar ou

bezwen konnen. Se ki i en landrwa ki *low lying e water table i high.*

So problem sewage i en *major concern.* Letan ki nou ti pe *design guideline* nou'n ganny, nou'n konsilte parey nou fer. E Minister Lasante sirtou sa Seksyon Sanniter in *advice* nou en pe pou pa tro entansifye developman *extension*, tan ki nou pa kapab ganny en sistenm sewage ki pou deservi estate antye.

So nou osi nou annan sa bann kontrent lo nou kote nou. Si sa bout sewage, central sewage connection i antre, nou kapab les zot build plis. Ou konpran? So sa i en pe nou bann kontrent.

Eve Island wi, i annan en *land use plan* ki'n preski fini *in fact.* I annan enn, de pti diskisyon ki nou ankor pe fer. Me selman wi, i pe finalize. E nou pe fer li an etrwatman avek IEA. Mersi.

MR SPEAKER

VP wi.

THE VICE-PRESIDENT **AHMED AFIF**

Mr Chair avek ou permision Chairman Planning ti ava kontan zis azout en pti bout ladan.

MR SPEAKER

Yes Chairman.

CHAIRMAN PLANNING CYRIL BONNELAME

Bonzour Chair and bonzour bann Manm Onorab. Zis mon le fer sorti 2 pwen. Mon krwar i annan en issues ki pe *raise kekfwa* ki i annan en tandans ki kot *Planning Authority may be* nou en pe tro strik avek bann guidelines. Avek bann aplikasyon ki vin lo nou kote.

On behalf of Planning mon le remersye tou lede side isi dan Lasanble, Pou zot aprouv nou Lalwa. Akoz i pou ed nou en kantite, sirtou lo kote appeals.

Akoz dan lepase nou'n vvar ki desizyon ki mwan personnelman mon'n travay avek sa tim dan *Planning.* Nou annan en tim *very* dinamik. Zot konesans i bon.

E nou menm pran konsiderasyon parey Onorab Gill pe dir, kot par ler nou okouran challenges ki bann paran i annan pou donn later zot zanfan pou build lo la.

E nou, nou pran sa an konsiderasyon. Menm parey CEO in dir par ler nou menm *tweak guidelines.* Kantmenm i annan restriksyon nou al par anba restriksyon.

Me selman prenon kont bann *challenges* parey *sewage*. Parey lenpak ki i kapab annan lo *flooding* dan bann *areas*.

Selman *rest assured* ki tousala i ganny pran an konsiderasyon e an bonn fwa. Mersi.

MR SPEAKER

Mersi. Onorab Hoareau.

HON JOHN HOAREAU

Mersi Mr Speaker. Mr Chair, dan mon ladres pou Bidze mon ti fer resorti en propozisyon ki *Planning* i pran li koman en Polisi pou ankouraz, oubyen fer li dan en fason lezislatif, en *Legislature*, ki pou permet dimoun ki pe fer nouvo lakaz annan en *photovoltaic panel*.

Sa parey ou konpran i ava al anliny avek bann zefor ki Gouvernman pe fer, oubyen ki nou pei pe fer pou en *greener Seychelles*.

Pou osi lo kote itiliter elektrik kot lakour, pou fer nou vin *carbon neutral* osi. I annan en kantite lavantaz.

Alor mon ti pe gete si *Planning* i pou kapab konmsi konsider sa seryezman. Ki bann lakaz, bann nouvo lakaz i met en *photovoltaic panel*.

Dezyenmman mon war zot in fer tre byen lo kot *water harvesting*. E i pe marse. E mon

ti ava kontan ki sa i sivre lo menm laliny.

Mon lot kestyon se devlopman ki pe arive Beau Vallon kot sit Bazar Labrin. Ankor mon konnen ki i en keksoz tanporer ki *septic tank* in ganny swazir pou vin sa metod pou dil avek *sewage*.

Me selman mon pe demann mon lekor, menm si in dir tanporer. Pou 3an, 4an nou pa konnen konbyen letan i pou ete tanporer.

Me eski sa pa pou annan en lenpak lo kote sitan i pre obor lans. Eski sa bann *soakaway* pa pou annan en lenpak lo nou lans Beau Vallon? Mersi.

MR SPEAKER

Mersi. CEO.

CEO ANGELA SERVINA

Mersi pou ou kestyon Onorab. Ou sizesyon ki lo sak lakaz nou aprouve, nou *request* ki bann developer i met *solar panel*, i en *move* dan bon direksyon wi.

Nou pe *already* travay lo nou *building regulations* ki nou'n preski finalize - nouvo *Building Regulations*. E nou pe konsilte *Energy Commission* osi.

Akoz i annan bann lezot *energy saving method* ki nou osi nou anvi zot get nou lo la en pe.

Ki nou kapab ankouraz bann devloper, bann kontrakter letan zot pe fer konstriksyon.

Me selman an menm tan i pa en keksoz ki nou kapab fors en dimoun pou fer. Akoz i annan sa kontrent bidzeter ki vin avek. I annan en serten kantite *amount of loans* ki labank i donnen letan pe fer lakaz.

Nou pou ankouraze wi, nou pou edike wi, me *at the end of the day* mon krwar si i pou fer li vin en *requirement*. Sa i pou bezwen en *Policy Gouvernman*.

Me selman lo nou kote *rest assured* ki sa pou bouz ver bann metod *energy saving*, bann devlopman pli soutenab, sa i totalman anliny avek nou direksyon.

Beau Vallon *Regatta site*; ziskan prezan *Planning Authority* pa ankor ganny okenn plan ki'n soumet avek li pou sa *site*.

So ki *once* ki plan i ganny *submit* nou ava war ki kalite sistem desarz ki pe propoze. E an konsiltasyon avek Minister Lasante, avek Departman Lanvironnman, nou ava pran desizyon lo sa ki zot in soumet avek nou. Mersi.

MR SPEAKER

Mersi CEO. Onorab Sophola.

HON NOLINE SOPHOLA

Mersi Mr Chair. Bonn apre midi. Bonzour VP ankor enn fwa avek ou delegasyon.

Mon pe regard *programme 2*, paz 360, kot zot pe koz lo *Policy and Planning* lo nivo *Land Use Associated Policies and constructions* eksetera.

Me mon kestyon i vin dan sa laliny. Sa sistem ki kot *Planning* i pran avan plan i ganny aprouve, ler zot in fini travay kot zot, zot pa ankor met sa *approve*, me selman i anvoy dan distrik kot diferan Lazans i bezwen met en komanter.

Par egzanp i annan Lasante, Lanvironnman, i al kot DA. E souvandfwa ki pe arive? Sa bann plan i vin lo *computer*. E i pa konpatib. Laba dan biro i pa pe ouver. Zot reste trankil, e napa komanter ki ganny mete.

E osi petet sa komanter pe ganny pran par zis en dimoun, Ki i pa konn larealite vreman kot sa konstriksyon pou al fer. Sa teren ki mannyer i ete.

E sa i fer ki apre nou war nou dan plizyer problem, kot sa batiman pa ti devret fer. Sa batiman pa isi pa laba.

E alor mon pe demande VP si dan Bidze i annan en provizyon pou reviz sa lafason

fer? Annan petet plis dimoun. Oubyen anvoy en zofisyen. Par egzanp dan distrik, zofisyen ki konn en pe lo *planing*, anvoy li dan distrik. Ler sa bann keksoz i ganny diskite, I la ki i kapab gid sa bann dimoun.

E mon dezyenm pwen Mr Chair, se ki ankor la mon war lo sa *programme 2*. Zot in met *construction guidelines*. E sa i en keksoz ki mon pe kontinyelman koz lo la. E mon pa pe war pe tro met lanfaz lo la.

Dan bann lakaz *Housing* ki Gouvernman i konstri, tenk delo i dan plafon. I annan bann ki vye, tank delo i dan plafon. E bann dimoun pe kontinyelman ganny problem avek.

Tenk i kase, preznan sa dimoun lo letaz anler, tou son keksoz personnel i abimen. E i pa pe ganny *refund*, zanmen i kapab ganny ranplase.

E pou sa mon pe regarde, eski enn fwa pou tou i annan en larzan dan Bidze kot sa bann lakaz ki'n fer depi avan, annou sey vwar ki mannyer nou kapab ed sa bann *tenants*.

E preznan bann nouveau konstriksyon ki pe ganny fer annou otan ki posib pa met tenk delo dan plafon. Mersi.

MR SPEAKER

Mersi. Wi CEO i kapab adrese. Mon pa konnen dan Bidze, mon sipoze i pa pou dan Bidze *Planning Authority* i ava dan Bidze Lenfrastriktir.

Selman mon pa konnen si CEO i annan en pwennvi lo la. i kapab adrese. Me lo kote larzan i ete sa i en lot zafer. CEO wi.

CEO ANGELA SERVINA

Mersi pou ou kestyon Onorab. Mersi Mr Chair. Mon pou pran ou dernyen kestyon Onorab en. *In regards to water tanks* dan plafon lot, lot, lot, sa mon krwar ou devret pe pran letan *Acting PS* pou Lenfrastriktir i vini taler.

Akoz *Planning Authority* i pa *design* sa bann desen pou lakaz. So sa enn mon pou les trankil.

Online submission of applications. Unfortunately, Onorab mon krwar ou pe viv dan en letan kot petet nou, nou pli avanse ki ou.

Nou pa pe *go back* dan papye. *Planning Authority* pe mars vreman, vreman byen avek son *online submissions*, son bann *online platforms*.

Tou sirkilasyon bann laplikasyon bann plan i ganny fer *online* dan en sistèm. Tou DAs dan tou distrik i annan akse avek. E zot konsilte zot bann MNAs isi avan ler ki zot donn nou en komanter.

Pa zis MNAs. Zot konsilte tou zot bann lezot dimoun dan distrik ki zot, zot war i neseser pou zot konsilte avek. E zot anvoy nou en komanter.

Nou pe ganny byen komanter sorti kot DA Barallon La Digue. I an kontak, *very good contact* avek nou.

Earlier sa lannen nou ti fer en *meeting* avek tou nou bann DAs, ti an kolaborasyon avek Minister *Local Government*. E nou ti donn zot en *training* lo ki mannyer pou servi sistèm. Nou ti ganny en *very good turnout*.

Mon krwar 95pourasan DA ti *attend*. E nou, mon pou dir ou ki nou annan bon korporasyon avek tou DAs konmela. Zot lyez ek nou vreman byen.

E nou osi annan zofisyè ki vizit bann distrik. La Digue i pa'n ganny eparnye. Nou annan zofisyè *Inner Island Office* ki vizit La Digue tou le semenn.

E nou annan zofisyè Mahe kot nou lofis Mahe, ki mont La Digue *at least* 2 fwa par mwan osi. I fer *follow-up* ankor.

So, mon pou dir ou ki lo kote komanter *online*, i pe mars vreman byen. E nou pa pe ganny *issue* avek DA Barallon. Mersi.

MR SPEAKER

Wi terminen silvouple Onorab Sophola.

HON NOLINE SOPHOLA

Mersi Mr Chair. Mersi pou larepons. Me selman teknolozi vre pa ti dan mon letan. Me selman mon byen avanse lo la pou lenformasyon.

(laughter)

HON NOLINE SOPHOLA

Me selman Mr Chair, Mon pou fer resorti ki mon pa'n nonm La Digue. Mon kestyon ti zeneral, mon pa konnen akoz ou pe asosye li avek La Digue! Mersi.

(laughter)

MR SPEAKER

Ok. Pa problem. Mersi. CEO mon krwar nou kapab pas lo la.

Bon mon ti ava kontant-termin kestyon la, pou nou vot lo sa Bidze akoz mon anvi fer letan pou *Infrastructure*, kot mon konnen bann Manm i annan kestyon ki zot pe espere.

So nou ava kapab pran vot lo sa Bidze silvouple. Pou *Planning Authority* lo paz 356 ziskan 363, pou R16milyon 500

mil. Manm ki an faver lev lanmen silvouple?

Byen. Manm ki vot kont?

Mersi. Bon Bidze pou *Planning Authority* paz 356 ziskan 363, pou R16milyon 500 mil, 28 Manm in vot pour, 0 kont. E 3 abstansyon. Mersi.

Sa Bidze in aprouve par Lasanble. Mon a swet bon depar *Chairman e CEO*. E mersi bokou pou zot partisipasyon. E mon leskiz ki nou'n fer zot atann pou antre. Mersi bokou. Bonn apre midi.

Nou ava pran en poz pou *sanitizing* avan nou apel lot lotorite silvouple. En pti poz teknik *please*.

(technical break)

SEYCHELLES INFRASTRUCTURE AGENCY

MR SPEAKER

Nou ava repran. Madanm rapporter ou ava envit delegasyon pou *Seychelles Infrastructure Agency* pou antre.

Bonzour e byenveni Mr Jitesh Shah *Acting Principal Secretary* pou Lenfrastriktir. E Ms June Loveday *Financial Controller*.

Nou pe pran Bidze pou *Seychelles Infrastructure Agency* lo paz 346 ziskan 355

pou en total R480milyon 178 mil.

VP ou lentrodiksyon silvouple.

THE VICE-PRESIDENT AHMED AFIF

Mersi bokou Mr Chair. Bonn apre midi ankor tou dimoun ki a lekout. Bidze *Seychelles Infrastructure Agency* pou 2022 i R474milyon. E i paret en gro Bidze, e an gran parti se R432 milyon in mete pou ganny proze kapital oubyen *non-financial assets*.

Anba *wages and salaries* nou annan R39milyon pou pey saler bann dimoun dan *agency*. E *goods and services* i annan R3.3milyon.

Zot ava vvar poudir i napa en konparezon 2021, akoz dan Bidze laplipar bann kou ti entegre avek Bidze Minister Later avek *Housing* li menm. E anba sa *wages and salaries* ki R39milyon, vreman i annan transfer 11 *quantity surveyor* ki sorti dan anba Minister Finans.

Ki zot saler ti anba Minister Finans, me prezan i ganny transfer anba *Infrastructure Agency* e ki pou ed zot fer sa travay.

An plis parey nou ti eksplike ler sa *Bill* li menm ti pase, lentansyon sete pou annan en sel lazans ki

enplimant proze plizyer Departman.

Alor nou, sa Bidze i fer provizyon pou transfer 67 zofisyen proze ki sorti dan 4 diferan Departman Gouvernman. Tel ki *Health Care*, Gouvernman Lokal, *Agricultural Agency*, ek Minister Ledikasyon.

67 bann zofisyen proze ki vin anba sa Bidze. E pou annan en total pou zot *wages and salaries*, R14.6milyon.

Alors sa i form parti e ansanm avek lezot travayer ki ti deza la dan Minister, ki form parti *Infrastructure Agency* prezan, nou annan sa *wages Bill* ki R39milyon.

Goods and services i minim. I R3.3milyon. E i annan detay *goods and services* ki zot ava trouve poudir i minim. Parske i pe servi bokou bann resours ki deza dan Minister li menm. E alor *office expenses* anba sa R3milyon pou *goods and services*.

Annefe 2 tyer ladan i pou anba *wages in kind*. *Wages and kind* i kouver lakaz pou bann 11 *quantity surveyor* ki zot akomodasyon i tonm prezan anba *goods and services*.

Alor en gran parti ladan se bann kou lakaz pou bann *quantity surveyor* ki ladan.

E lezot se senpleman *office expenses* 139mil. Transportasyon ek *travel* 241 mil. Apre *other uses of goods and services* i annan R776mil ki nou annan pou *Infrastructure Agency*.

Prezan Mr Chair, *non-financial assets*. Pli gro parti sa Bidze i R432milyon. E sa i reprezent en logmantasyon preski double sa ki ti annan pou 2021.

E son rezon prensipal se dan sa lalis proze ki i annan ki total R432milyon. Enn bann konponan ase enportan konsiderab, se konponan ki pou en *Government House*. Ki li menm i R215milyon, ki nou ti'n fer provizyon dan lepase pou fer li.

Me finansman pa ti ankor finalize. Me pou 2022 sa in ganny finalize. E se pou sa rezon ki sa *Government House* i pran lanmwatye dan sa 430. Preski lanmwatye dan sa R431 milyon.

Ki alors ki, e zot a, i annan bann lezot detay ki mon mazinen zot annan pou - koman *breakdown* sa R432 milyon.

Vwala Mr Chair, an gro sa Bidze. Detay sa Bidze R474 milyon pou 2022, pou *Seychelles Infrastructure Agency*. Mersi Mr Chair.

MR SPEAKER

Mersi VP. Nou ava pran kestyon bann Manm. Nou annan en lalis 22 Manm ki'n lev lanmen. Alor annou ekonomik avek letan silvouple. Pa fer en gran, gran *speech*. Pou fer ou pwen demann ou kestyon.

Mon'n met Onorab Arissol ek Gabriel lo la deza depi bomaten. So, ok Onorab Arissol i kapab komanse.

HON SANDY ARISSOL

Mr Chair Mersi. An vi ki mon ti demann li bomaten be i ti ganny dir re fer avek Lenfrastriktir. So, mon ti ava kontan demann mon kestyon bomaten.

E menm enn de kestyon in ganny reponn, mon ti a kontan re demann Lenfrastriktir, an relasyon avek bann later *landbank*.

Nou annan en difikilte dan bann distrik kot later *landbank* bann dimoun in aste zot later *landbank*. I annan plis ki 2an, 2an. Par egzanp Dan Gala ki tonm dan distrik Bel Ombre i annan pe al lo 2an sote.

Be napa lenfrastriktir delo avek elektrisite. E i annan konstriksyon ki pe arive. Nou ti ava kontan konnen ki zistans in arive e ki sa negosyasyon nou'n ganny eksplike bomaten an relasyon ek sa? Premye.

Mon dezyenm e mon dernyen kestyon mon ti ava kontan demann ou se, nou annan en fanmir ki ti arriv en ka dife kot li dan Cameroun deryer *Shell Bel Ombre*.

E zot in ganny *allocate* avek detrwa *blok flat* pou zot servi. E zot, zot lakaz pe ganny konstri i annan en pe letan. Be la pou lemoman ou a krwar in sezi en kou.

Mon ti ava kontan konnen dan zot Bidze, kan kekfwia sa fanmir ki dan Cameroun deryer *Shell Beau Vallon* ki nou apel li Cameroun, zot pou kapab retourne dan zot lakaz ki pe ganny fer? Kan pou fini? Pou ki nou ava kapab ganny sa 2 blok flat pou asiste lezot fanmir?

Mon ava aret la Mr Speaker. Mersi.

MR SPEAKER

Mersi bokou. CEO pou pran kestyon? Panel annou gard li vit silvouple. CEO.

AG PS JITESH SHAH

Mersi Mr Chair. Mersi Onorab. Pou sa 2 kestyon ki ou'n demande; premyerman, pou *landbank plots*. Wi definitivman in annan en retar lo serten bann *landbank projects*. Pa zis sa enn Dan Gala.

Problemm ki nou'n gannyen i sa kou pou

lenfrastriktir delo. I annan ek kantite plis ki ti ganny espekte dan komansman proze.

Sa i akoz ler nou pou get sa *project life cycle*. Sa bann proze dan komansman menm nou kapab dir 3an pase ti napa sa bon komunikasyon sa bann letan ant *PUC* avek pa zis Departman Lenfrastriktir, *Lands as well*.

Ki en keksoz ki aprezan nou pe travay vreman pros avek *PUC*, pou fer sir nou okouran tou bann kou lenfrastriktir ki pou vin avek sa bann proze ler nou pe enplimante.

So i annan detrwa *landbank* mon asire pou annan lezot kestyon ki pou monte dan menm laliny, pou bann *landbank* endividyle.

I annan detrwa *landbank* kot nou'n komans en dyalog avek *PUC*, akoz ti napa ase provizyon dan Bidze pou nou kapab kouver tou sa bann kou.

So parey *PS Lands* in eksplike bomaten, nou'n komans sa konversasyon avek *PUC* pou nou gete si i annan stratezi kot nou'n kapab *spread out* sa bann peyman. Kot nou pa neseserman bezwen pey tou sa lannen oubyen lannen prosenn.

Nou kapab *spread li over even 2 to 3 years*. Kot zot kapab donn nou sa bann

lenfrastriktir, aprezan nou, nou a rod fason pou nou pey zot *over the time*.

E enn fwa ki sa dyalog in fini avek *PUC*. Nou pou annan nou en *timeline* kan sa bann tenk delo pou ganny enstale tou keksoz. And nou ava kapab komunik sa avek sa bann dimoun, sa bann *qualifiers* an traver Biro *Lands*, pou dir zot kan nou pe espekte.

E osi si posib pou nou kapab fer sa lokasyon pou bann serten lezot *landbank* kot nou pa ankor fer. Enn fwa ki nou'n konnen 100poursan *by* sa dat ki la nou pou annan sa lenfrastriktir lo *site*.

Si mon pou al en pti pe lo elektrik. Diskisyon ki nou'n gannyen avek *PUC* pou bann lenfrastriktir elektrik. Zot in fer kler pou nou poudir zot pa pou monte pou zot enstal sa bann lenfrastriktir, ziskan ler dimoun i met en aplikasyon pou kouran.

Swa en aplikasyon pou zot lakaz, oubyen menm konstriksyon - en *temporary supply*. Akoz zot in fer kler poudir i pa fer sans pou zot met resours ki deza limite lo zot kote dan en keksoz ki pa pe ganny servi deswit.

So lo nou kote nou fer sir nou'n fini fer peyman avek *PUC* pou tou sa bann *land bank*. So

sa bann dimoun pa pou bezwen kontribye aprezan, pou sa lenfrastriktir elektrik.

*PUC i deza annan en lalis tou bann ki'n fini ganny peye anba *land bank*. Zour i annan en aplikasyon ki vini lo enn sa bann kare later pou dir swa en devlopman ki pe komanse, or whatever zot bezwen en *supply* kouran, PUC pou monte pou met lenfrastriktir neseser pou ariv kot sa *plot*.*

Epi si enn pli dan fon i demande, zot pou met ankor pou ariv laba. zot in eksplik nou poudir sa i sel fason ki zot kapab travay avek resours ki zot annan.

So lo nou kote zis nou pe fer sir ki nou pe *clear* tou peyman. Ler dimoun i pare pou zot met zot *request* pou *supply* zot a ganny zot kouran.

Epi dezyenm kestyon lo kote dan Cameroun parey ou'n mansyonnen, sa nou'n ganny, pa mal problemm avek sa kontrakter. Nou'n bezwen *terminate* son kontra.

E nou'n osi *retender* aprezan balans louvraz. Si mon mazin byen nou fek anvoy rekomandasyon kot *National Tender Board as well*, pou sa nouvo kontrakter ki pou vin fini sa louvraz.

So nou pe espekte pandan mwan Desanm nou ava kapab

rekomans sa louvraz. Pou nou kapab fini li boner lannen prosenn.

MR SPEAKER

Mersi. Wi Onorab Gabriel nou ava ekout ou kestyon.

HON CONRAD GABRIEL

Mersi Mr Chair. *Welcome* ankor enn fwa VP ek ou *panel*. E mon dir ankor enn fwa bonzour spesyal dimoun Point Larue.

Mon kestyon bomaten ti en pti pe dan sa laliny. Ti annan sa proze *landbank* Anse Dejeuner, Jitesh, partikilye ki nou pe gete, ki son staz progresyon? E kan zot pou kapab konplet li? Pou bann dimoun finalman kapab ganny zot *plot landbank*.

Mon dezyenm pwen. Mon'n war zot in met en pe larzan pou Nageon Estate *Redevelopment phase 1*. R5.7 milyon. *Phase 2*, R2.5milyon pou lannen 2022. E 7.3milyon pou 2023.

So mon ti ava kontan konnen petet, zabitant ti ava kontan konnen ki egzakteman zot pe al fer? Eski zot pe al *renovate* lakaz? Zot pe al fer lakaz nef? Zis donn nou en pti kontrandi.

Apre mon lot pwen, ti annan sa proze *ex Salezia* ki avek bokou demann ki annan

dan distrik. Dimoun ti pe *look forward* pou sa proze. Zis donn nou en pti mo, *en d'autres mots* ki'n arive avek sa proze egzakteman? Mersi.

MR SPEAKER

Mersi Onorab. Wi mersi VP. CEO ou ava kontinyen.

AG PS JITESH SHAH

Mersi Mr Chair. Mersi Onorab. Pou premye kestyon lo kote *landbank ex Melon*. Lo kote konstriksyon semen avek drenaz in konplete. I en pti pe dan menm laliny avek sa ki Onorab Arissol in demande lo kote delo.

Nou pe ganny en pe difikilte lo kote finansman pou lenfrastriktir delo. So li osi i tonm dan sanmenm sa diskisyon ki mon pe koz lo la avek *PUC*. Sa i en keksoz ki nou pe sey nou mye pou nou rezourd o pli vot posib. Si posib avan lafen lannen.

So that apartir Zanyye nou kapab donn en bon update tou bann qualifiers lo la.

Si mon pou al lo Nageon Estate. Mon ava reponn sa 2 kestyon ansanm pou Salezia avek Nageon Estate.

Annefe sa Nageon Estate faz 1 ki ou pe koz lo la 5.7 milyon. I sa proze *ex Salezia 4 unit* ki nou pe gete. Li nou ti

ganny en pti pe retar lo kote son desen. Nou ti ganny pa mal difikilte avek *Planning*.

Akoz parey ou konnen i annan en problem kot i annan en bon pti pe delo dan sa landrwa. So nou ti pe fer sir poudir enn fwa ki proze i komanse, nou pa ganny bann konplikasyon ki nou pa ti pe espekte.

Solman en pti keksoz Onorab lo la, i annan en posibilite kekfwa nou'n kapab petet idantifye en lot *site* ki nou kapab met sa. Ki pou fer keksoz en pti pe pli fasil.

Selman tou dokimantasyon i la. Tou desen i la, tou, son *BQ* in fini pare. Zis nou pe esper pou lannen prosenn, pou nou kapab enplimat sa proze o pli vit posib. Sa *4 unit*.

Si pou annan en sanzman dan *site* i pou en keksoz ki vreman fasil pou nou kapab regle.

Epi pou faz 2. Faz 2 parey kekfwa ou okouran i annan en legzersis ki fek fini avek bann zabitan kot *Housing* avek Departman Lenfrastriktir in vizite.

Enn bann pwen lo azanda ti pou nou get leta sa bann lakaz ki zot ladan pou lemoman. Eski i annan - avek sityasyon finansyel pou

lemoman dan pei, eski i annan en posibilite kot kekfwa i annan serten ki nou kapab *renovate*, kot nou pa bezwen rekonstri lakaz?

Epi serten *of course* si i annan bann problem striktir. Nou ava bezwen gete pou nou kapab rekonstri. So pou lemoman sa legzersis in fini fer kot nou'n vizit tou.

Aprezan nou pe *compile* sa lalis pou nou gete ki stratezi nou pou vin avek. Si i annan serten nou pou *renovate*, serten nou pou rekonstri.

E pou annan en swivi avek bann zabitan pou nou eksplik zot ki mannyer nou pou enplimant sa proze *moving forward*.

MR SPEAKER

Mersi CEO. Onorab Bastienne.

HON DESHEILA BASTIENNE

Mersi Mr Speaker. Bonzour Mr Speaker. Bonzour VP ek ou delegasyon. Mr Speaker, mon kestyon li, i pou al lo menm laliny ki Onorab Sophola ti pe koz lo la.

E vi ki sa i enportan pou zabitan Perseverance, mon krwar i normal ki mon demande.

Eski dan sa Bidze, zot in pran kont ki pou annan en pti sort of konpansasyon pou bann

dimoun Perseverance, ki ti ganny afekte ek sa zafer basen ki'n ganny mete dan plafon?

E i annan enn de zot ki pe call mon ki'n dir zot bann keksoz in ganny afekte. Zot bann *furnitures*. E ziska preznan zot ankor pe espere.

Akoz zot osi zot in ganny en lakaz ki ler zot in fini sa basen ti dan plafon. E parey Onorab Sophola osi in demande, li osi koman MNA Perseverance mon pou demann menm keksoz, ki a lavenir okenn lakaz ki ganny fer dan distrik ki napa plafon ki ganny met dan plafon. Akoz sa i en gro danze.

E sa i pa zis pou nou, i enkli bann lezot distrik osi. Sans Soucis, Roche Caiman ek lezot. Mersi.

MR SPEAKER

Mersi. VP CEO? CEO wi *carry on*.

AG PS JITESH SHAH

Mersi Mr Chair. Mersi Onorab. Onorab lo kote konpansasyon lo kote sa bann tenk delo dan plafon. Sa mon krwar pou bezwen konversasyon ki ganny fer ant nou avek *PMC as well*. Pou nou gete ki mannyer nou pou bouz devan ek sa.

Nou pou bezwen fer sir poudir nou konpran

egzakteman ki sityasyon. Konbyen lakaz nou pe gete avan nou kapab pronons nou lekor, lo ki mannyer nou pou dil ek sa.

Selman pou sa dezyenm bout kestyon mon kapab donn ou mon - ki mannyer mon kapab dir sa? Mon kapab garanti ou poudir sa pa pou en problemm ki nou pou gannyen ankor dan le fitir.

Tou bann novo lakaz ki nou pe konstri, akoz nou okouran poudir sa in deza en problemm, tou bann novo lakaz ki nou pe konstri, nou pe fer sir poudir, espesyalman dan bann blok flat.

Nou pe fer sir tenk delo i ganny mete dan *staircase*. Par lao *staircase* lo en slab. Sa slab i annan en bin toultour li pou anpes sa delo koul dan sa bann lakaz.

So menm si nou pou, i enposib pou mwan dir tenk pa pou koul ditou. Selman si i pou koule dan le fitir, si i annan okenn problemm. I pa pou afekte sa bann zabitant pou sa delo koul dan zot lakaz.

MR SPEAKER

Mersi CEO. Onorab Sophola petet ou kestyon in ganny devanse. Me selman si ou annan lot, mon ava pas ou laparol la.

HON NOLINE SOPHOLA

Mersi Mr Chair. Mon kontan ki sa problemm i en problemm nasyonal ki tou dimoun pe fer fas avek.

Me selman anliny avek sa *water tank*, i annan lafason ki zot plas bann *septic tanks*. Annandler parfwa koman ou sorti dan lakwizin ou sot lo la i vin koman en peron. E sa i pa bon pou lizyenn. E sa osi a lavenir mon ti a kontan ki zot revwar. Mersi Mr Chair.

MR SPEAKER

Mersi CEO. Ou'n note. So i al dan menm laliny. Mersi bokou. Nou a pran kestyon Onorab Henrie.

HON GERVAIS HENRIE

Mersi Mr Speaker. De kestyon. Premyerman sa Lazans i novo, e i vin son sikse i ava, ouswa son *failure*, i pou souliny *how successful plan* sa ladministrasyon in marse.

Now lefe ki bann proze lenfrastriktir in annan en - Nou bezwen admet, souvandfwa i tarde akoz ou, ou tann Biro AG ti pou fer, depi ki se pa mwan ki lannen.

Prezan mon anvi konnen, avek sa Bidze ki nou pe donn zot pou zot premye lannen ki zot pe al lanse, si zot kapab dir nou Lasanble Nasyonal, ki wi

zot pou kapab delivre bann target, ki zot in mete disi 2022 e ki zot santi zot in met ase, dan zot lasyet. Zot pa'n pran tro bokou ki zot kapab manze. Sa i mon premye kestyon.

Dezyenm kestyon Mr Chair, i annan en seri proze an tou ki mon'n konte, e i annan 5. E ki son sonm total i pou tonm, apepre R247milyon. Sa i enkli *new housing projects, new landbank, social housing project, special housing poverty alleviation, e special housing development projects.*

Now, spesifikman napa nanryen ki'n ekri Mont Buxton, dana sa dokiman. So, mwan mon ti a kontan sa i enn i pa vreman en kestyon. E ki ou fer Lasamble ganny en *breakdown* apepre kote zot pe anvizaze sa bann proze i ganny fer, ki prezan -

Pa ki nou pou vin enterfer politikman dan ou travay. Me nou pou swiv ou, sirtou lo nou kote latab nou konsernen, akoz parey mon'n dir i pou reflekte lo *legacy of this administration.* E nou anvi donn en koudmen pou vwar son reisit.

Donk mon annan zis en kestyon teknikman, se lo *whether* zot ou kapab delivre, bann target avek sa Bidze ki nou pe donn zot. Mersi.

MR SPEAKER

Mersi. CEO wi en kestyon e en pwen pou ou note.

AG PS JITESH SHAH

Mersi Mr Chair. Mersi Onorab. i en kestyon vreman enteresan, definitivman. Ler sa Lazans ti ganny *setup*, i ti ganny setup avek sanmenm sa, sa. Sa target pou nou kapab *meet demann* ki Gouvernman i annan. Ki nou, ki nou pou fer avek sa Lazans, is nou pou fer sir ki resours ki nou annan, pa pou zanmen *idle*.

Pwen pou nou met tou dimoun ansanm i pou fer sir, louvraz i kapab ganny byen distribye. Definitivman i annan en serten *amount of capacity building*, ki nou bezwen fer *as well*.

I annan en ta profesyonnel ki la, zot, zot konn zot louvraz. Selman zot napa sa *training* neseserman, pou zot, zot kapab 100poursan *efficient*. So tousala pou bezwen ganny fer depi lo komansman menm.

E, e ler nou pou get aktyelman sa lalis proze nou pou vwar poudir en ta bann proze i osi bann proze *Grant* ek *loan*. So a lot will also depend lo kan egzakteman sa bann finansman pou vin a nou dispozisyon pou nou kapab enplimant sa bann proze.

Nou ti a swete pli boner posib. E finalman mon ava zis fer en pti pwen, lo kote enn bann stratezi sa novo lazans i pou nou kapab zwenn avek bann lezot MDAs. Akoz sa Lazans pou vin efektivman vin en konsiltan pou Gouvernman.

So nou pe enplimant bann proze ki tou bann lezot Minister ek Departman i bezwen. So nou pou bezwen angaz zot byen boner, pou fer sir, zot si zot pe fer zot par po u zot donn nou lenformasyon ki nou, nou bezwen pou nou kapab enplimant sa bann proze *in a timely manner*.

Pou nou fer sir nou pa ganny sa bann retar, kot Bidze i kapab ganny maksimize, avan al, avan lannen i fini. So i en keksoz kolektiv ki tou dimoun i bezwen donn zot *buy in*, donn zot sipor pou nou kapab realiz sa.

Selman definitivman nou pou sey nou mye, pou delivre lo tousala. And mon pa vwar akoz i pa pou posib si tou dimoun i vin ansanm pou fer li en realite.

MR SPEAKER

Mersi CEO. Onorab Lemiel.

HON SYLVANNE LEMIEL

Mersi Mr Chair. Bonn apre midi CEO. Mr Chair mon kestyon i al en pti pe dan laliny bann

diferan proze, ki nou vvar Departman Lenfrastriktir pe planifye pou li fer an 2022.

Sa i konpri en pti parey in ganny mansyonnen, avan mwan. *Special housing project*; nou vvar R16.8milyon anba la, ki sa lannen ti napa. E nou ti'n ganny dir pa pe fer ankor *special housing*. So, nou vvar 32 unit social housing, li i annan R20.3milyon anba la. Pou li sa enn sa 32 unit, pour sa R20.3milyon, mon ti ava kontan konnen kote zot pe plan pou al fer sa bann *unit*?

Nou vvar en lot *special housing poverty alleviation* R4.6milyon. kot i konsern, *special housing project* 16.8milyon, avek sa lot *special housing poverty alleviation*, mon konnen Departman Lenfrastriktir, zot pe al konstrir zot.

Me selman eski CEO, ou annan en nide ki prosedir? Eski i ankor menm prosedir, avan ki distrik i merit *follow*? Ki mannyer nou, dan distrik nou pou konnen ki prosedir nou merit fer par egzanp, kot i konsern *poverty alleviation*, ki prosedir dezormen? Akoz avan sa ti kot *ASP*.

Apre sa *special housing project*, li osi ki son prosedir? Kot ler nou'n idantifye e lekel ki kalifye pour sa? Dan Bambou

Ex Deltel Anse Royale, R11.7milyon in ganny mete dan Bidze pou zot met bann lenfrastriktir.

Eski sa 11.7milyon, i *for the total project* pou konplet li, or i en faz? Mon ti a kontan ganny sa leksplikasyon.

Dernyerman nou annan detrwa dimoun, ki ankor pe ganny *housed* Grand Anse Mahe, dan *emergency house* ki zot ti sipoze ganny serten lasistans, swa zot lakaz i ganny konstri pou zot return kot zot. E liber sa bann lakaz, pou donn bann dimoun ki vreman *emergency*.

Mon ti a kontan ganny en pti leksplikasyon, la petet letan nou dan Bidze. Eski i annan en serten larzan dan Bidze ki'n ganny mete. Swa ed sa bann sa bann dimoun konplet sa lakaz or ki pou arive la petet 2022 ek sa bann dimoun ki ankor pe espere, kekfwa la i fer 2an depi ler zot dan sa bann lakaz *emergency*? Mersi.

MR SPEAKER
CEO.

AG PS JITESH SHAH

Mersi Mr Chair. Mersi Onorab. mon krwar monn note tou. Ou zis dir man si mon'n mank enn. Mon a komans avek sa *Special Housing Development Fund* pou

16.8milyon. *Development project* pou 16.8milyon. Sa i aktyelman i nou *ongoing project 24/24 actually*.

So i ti deza la sa dernyen detrwa lannen. So sa i *carry forward* bann ki nou ti pa ti ankor konplete. So sa i sa 16.8. Ler nou pou get sa *poverty alleviation*. Parey ou'n dir sa Polisi pa ankor ganny met an plas. Sa larzan ki ladan, *again* i zis pou nou konplet bann ki deza *ongoing*.

Nou nou pa ankor fer provizyon pou bann novo. Akoz nou pa konnen ki direksyon nou pou pran *moving forward* ek sa enn. Pour sa 32 unit, sa 32-unit social housing aktyelman nou pa ti'n met son lokasyon. Akoz nou ti annan de opsyon.

I pou tou depan lo stratezi ki Biro Lakaz i vin avek. Nou ti annan opsyon swa pou nou fer li Anse aux Pins, kot nou annan en sit kot, nou'n fini fer tou plan BQ tou keksoz. Tou dokimantasyon teknik i la.

Oubyen nou ti annan osi posibilite pou nou fer li, Ile Aurore possibleman. Kot nou ti kapab *then*, komans en proze redevlopman dan enn bann lezot distrik. So i pou depan lo Biro Later koman kliyan, nouveau Lazans pou deside ki stratezi zot oule vin avek.

Si alokasyon pou ganny fer aprezan, par rezyon, si pou fer par distrik *and* zot, zot a gid nou ki bor zot ti a kontan nou, nou plas sa proze ki la. In al, nou ti annan Dan Bambou. Dan Bambou sa larzan ki nou'n fer provizyon, sa 11.7milyon. *Well,* efektivman *over* 2022 ek 2023 i annan 14.7milyon, *over the 2 years.*

So sa i sipoze pou, lenfrastriktir semen for the *whole thing.* Sipoze servis *up to 60 plots* anler. So sa i antye proze lo kote son lenfrastriktir. E finalman ou'n koz lo sa bann *emergency* Grand Anse Mahe. Onorab mon ti a, mon ti a prefere kekfwa si ou ti kapab fer nou ganny non sa bann dimoun. Akoz zot bann *case endividyle* mon pa pou kapab reponn zeneralman. Mon pa pou konnen. So sa i en keksoz ki, ki kekfwa nou kapab diskit apre.

MR SPEAKER

Good mersi CEO. Onorab Romain.

HON GEORGE ROMAIN

Mersi Mr Chair. Bonn apre midi Mr Chair. Bonn apre midi *panel.* VP mon ti a kontan demann ou. Anvi ki Anse Etoile, nou tou nou konnen in term *d'habitant* i en gran distrik.

E mon pa pou vwar i drol, lo kote lakaz bokou dimoun pe demande, plis ki 270 aplikan. Ti annan en proze i ti pou fer dan, kot La Gogue, *24 unit* lakaz. E mon pa vwar nanryen in mansyonnen dan sa Bidze.

Alors mon ti a kontan demande si i annan en keksoz, ki pou ganny fer sa lannen, lannen 2022? Apre ti annan en lot proze ki ti ganny met devan mwan. Mon ti ganny sans vwar, son plan ti fini ganny fer, proze lo Ile Aurore, ki li osi i en gro proze. Mon konnen kekfwa sa i en problem finansyel. Si ou ti kapab, eksplik en pti pe Lasanble lo sa enn osi tou si i posib.

Apre mon dernyen Mr Chair, ler en zabitan ki reste North East Point, i annan en proze drenaz kot i annan en gro delo i pas devan son propriete. E sa i Mr Hoareau, mon krwar kekfwa CEO i okouran. Mon ti le zis demande si sa proze i pou ganny fer lannen prosenn? Mersi Mr Chair.

MR SPEAKER

Yes VP.

THE VICE-PRESIDENT MR AHMED AFIF

Mersi Mr Chairman. Zis pou fer en pti koreksyon avan mon donn laparol Mr Jitesh. Son tit

se, i pa *CEO*, i *Acting Principal Secretary* pour *Infrastructure*. *CEO* pa ankor, nou pa ankor ariv laba.

Me avek sa mon a permet li, avek ou permision reponn sa konponan kestyon, Onorab Romain. Mersi.

MR SPEAKER

Mersi VP, pou koriz sa *title*. Wi *Acting PS*.

AG PS JITESH SHAH

Mersi Mr Chair. Mersi Onorab, pou ou kestyon. Sa de premye kestyon, mon a reponn zot ansanm akoz tou lede nou kapab dir i dan membr prosedir. Pour La Gogue avek Ile Aurore, pour tou lede nou'n fini konplet son desen, tou keksouz; nou'n, konplet son *BQ*.

Zis aprezan i pou tou depans lo finansman ki mannyer i pou vini. Parey zot konnen i annan diferan laport ki Gouvernman pe tape, pou sey gete ki mannyer nou kapab finans sa bann proze lakaz.

So enn fwa ki nou'n kapab ganny sa finansman, nou pare pou nou bouze ek sa bann proze *as soon* ki nou ganny finansman pou sa.

E finalman lo sa *case* drenaz. Sa *case* drenaz annefe, i kot *Planning Authority right now*, nou, nou *design*. In pran

en pe letan kontrer, nou fek ganny en pe *feedback* avek *Planning*, kot zot oule nou fer enn de pti lazisteman, ki Departman Transpor avek Departman Lanvironnman, tou lede in demann nou fer en pti pe modifikasyon.

So nou enzenyer aktyelman pou le moman, pe travay lo la, nou ekspekte i pou ganny aprouve avan lafen lannen. E nou pou fer provizyon pou nou kapab fer li deswit lannen prosenn, o pli vit posib.

MR SPEAKER

Mersi Mr Shah. Onorab Esparon.

HON REGINA ESPARON

Mersi Mr Chairman. Mr Chairman, mon vwar anba *PSIP* i annan en alokasyon R14mil 559 pou proze *ex Hodoul* dan distrik Glacis ki 9 *unit*. Mon ti ava kontan demann avek *Acting PS*, si sa proze pou demare sa lannen? Parski en pe letan nou pe espere.

E dezyenmman, lo kote Carana *land bank* avek Machabee *land bank*, mon vwar pou Machabee *land bank* ti annan en alokasyon, i annan en alokasyon R257mil pou lenfrastiktir. Eski sa i ase pou kapab fini sa travay, ki annan pou fer, avan distribisyon bann

landbank i komans fer dan Machabee?

E pou Carana *land bank phase one, extension* la, mon vwar i annan en alokasyon 520mil ki'n ganny mete pou sa lannen. Non, dan *Revised Budget*, pou fini son lenfrastriktir. E mon osi vwar i annan en 48mil osi, ki'n ganny mete pou menm, menm proze *extension phase one*.

Mon pa konnen si i de alokasyon, oubyen si kekfwa en *oversight*. Mon pa konnen mwan, ki la. Be eski sa pou ganny materyalize sa lannen?

Mr Chairman dernyerman, mon ti ava kontan met a latansyon, Vis-Prezidan, ki annan sa problem, sa problem lenfrastriktir lo sa bann flat Seaview North East Point. Kot vizit in ganny fer detrwa fwa, ki pou rod en solisyon, kwa ki pou fer. Ankor i nou tourn *back t*, sa zafer met basen dan plafon. Epi kot ou annan, *shower* anler dan letaz, epi sa delo i soupire, i travers beton.

E nou vwar ki son *base* i tonbe, i tonbe e i tonm anba parske ou annan sa bann letaz la. Ki solisyon, ki Minister pe fer pou ki laranzman ki Minister pe fer pou kapab ganny en solisyon pou sa bann dimoun

dan Seaview North East Point? Mersi.

MR SPEAKER

Mersi. PS.

AG PS JITESH SHAH

Mersi Mr Chair. Mersi Onorab. Onorab *sorry*, pou sa premye kestyon ki ou'n demande, ou'n dir *Ex Hodoul*.

HON REGINA ESPARON

(Off-Mic)

AG PS JITESH SHAH

Ex Ferrari ok, alright zis pou - wi. Pour *ex Ferrari, anyway* parey zot vwar dan Bidze, sa i sipoze ganny finanse par Gouvernman Qatar. So lo nou kote, nou'n ti'n fini anvoy tou dokimantasyon kot Qatar.

Dernyen konversasyon ki nou'n gannyen avek *Foreign Affairs*. Zot in dir nou, nou pou kapab ekspekte en keksoz *very soon* avek Qatar. Akoz ler zot ti isi pe enplimant sa *field hospital*, nou ti vizite avek zot, and zot ti tre satisfe avek site. So nou pa pe ekspekte bokou retar, ladan. *As soon* ki sa i come through nou pare pou nou komanse avek sa proze.

Lo kote Carana avek Machabee *land bank*, sa bann larzan ki ou pe vwar, dan Bidze Onorab. I plito bann *retention* ki

nou dwa bann kontrakter, pou bann louvraz ki'n fini. Bann louvraz I fini sa lannen, so nou bezwen pey zot *retention* lannen prosenn.

E finalman lo kote Seaview Estate, Seaview Estate parey ou'n dir, nou'n fer sa legzersis kot nou'n vizit tou. Nou enzenyer ti'n fini prepar son rapor avek louvraz ki bezwen ganny fer dan sak lakaz. Akoz nou bezwen get li enn par enn. Nou pa kapab get li kolektivman. Sakenn. Menm si problem i en pti pe parey partou.

Solman son severite kekfwa i sanze, so pou le moman nou pe osi travay lo *costing*. Aprezan pou gete konbyen i pou koute pou nou kapab fer reparasyon lo tou sa bann *unit*.

Avek sa sif ki nou gannyen, i pou met nou dan en pli bon pozisyon, pou nou kapab deside ki stratezi nou pou al avek devan. Avek led *PMC of course* lo kote finansman, pou nou gete ki mannyer nou pou *proceed* avek nou stratezi, pou nou aranze.

MR SPEAKER

Yes, Onorab Esparon. Terminen.

HON REGINA ESPARON

Mr Chairman. Zis en pti leklersisman. Pou Carana *land bank*, mon konpran i *retention*. Me selman, pou Machabee *land bank*, louvraz pa ankor konplete li. Mersi.

MR SPEAKER

Mersi. PS?

AG PS JITESH SHAH

Mersi. Pou Machabee, son semen son drenaz in konplete. Li osi i tonm dan menm *batch* kot nou sel problem aprezan, i vin avek provizyon delo.

Sa ki nou'n, *PUC* in fer nou konpran poudir zot napa en sours delo ki kapab donn sa *landbank* delo avek ase presyon. Zot pou bezwen met en novo tenk delo anler lo montanny. Epi zot bezwen met en laponp pou zot kapab ponp delo *from main road*, ziske anler dan sa tenk.

So sa i pou form parti bann diskisyon ki nou pou gannyen avek *PUC*.

MR SPEAKER

Mersi PS. Nou ava al. Onorab Uranie.

HON ROCKY URANIE

Mersi Mr Chair. Mersi. Bonzour VP ankor avek *Acting PS*. Avek sityasyon dife ki nou

vwar plizyer fwa pe arive lo Mahé, ziske prezan nou ankor sanse pa ankor arive lo La Digue.

Me selman parey nou konnen, prevansyon i pli bon ki gerizon. So, nou ti a kontan konnen petet si zot anvizaze fer bann lakaz *emergency* kantmenm *at least* de? Akoz nou napa ditou, arriv en evantyalite la, sirtou mon konnen mwan pou ganny bokou *call*, mon pa pou konnen kote mon pou met sa bann dimoun. Ok, akoz mon'n deza koz ek *DA* lo la.

Nou, nou santi i en lanbara pou nou. Akoz nou'n vwar poudir ti annan 23 ki sipoze ganny fer laba. Petet mon mazinen dan plas fer tou le 23 isi, petet kantmenm fer 2, *at least* La Digue pou nou.

Apre nou pe mazin later *landbank*, sirtou dan rezyon Roche Bois e Grand Anse, kan ki zot pou fer bann demarkasyon petet? Akoz i annan bann zenn ki pe apres mwan, ki anvi. Sirtou bann *graduates*, ki anvi en bout later dan *landbank*. Mersi.

MR SPEAKER

Thank you. PS, yes. Ou a pran?

AG PS JITESH SHAH

Mersi Mr Chair. Mersi Onorab. Lo kote *emergency houses* parey ou konnen Onorab, enn bann pli gran *challenge* pou Gouvernman La Digue se later.

Pou nou kapab idantifye later ki nou pou kapab devlope *moving forward*. Nou pe ganny pa mal problem pou nou idantifye later, later Leta, menm pou lakaz.

So si i posib kot nou kapab rod en bout later, mon pa war akoz sa pa kapab ganny gete *moving forward*.

Epi lo kote *landbank*. Lo kote *landbank* sa annefe pou bezwen Departman *Lands* ki pou bezwen gid nou. Akoz zot ki deside kote bann later pou *landbank* pe ganny idantifye. Ki bor, ki stratezi zot, zot le vin avek lo kote bann *landbank* ki zot ti ava kontan ouver.

So mon krwar kekfwa ti ava pli, mon kapab met sa pwen devan avek *PS Lands*, poudir sa ti en *request* sorti lo ou kote. selman nou pou bezwen esper zot gid nou lo kote zot ti ava kontan nou fer lenfrastriktir pou *landbank*.

MR SPEAKER

Ok. Onorab Uranie. Dernyen.

HON ROCKY URANIE

Wi. Acting PS mon krwar pou fer emergency house, later i annan.

Akoz parey i annan later *ex Sophola*. E apre bomaten *PS* in dir mwan - *PS Morgan* ti dir nou al fer sa legzersis rod later.

Me selman la ou, ou dir mwan poudir ou bezwen esper diskisyon avek *PS* Later pou ou konnen kote zot pou fer. So kan ki zot-? I pa pe tonm byen la pou mwan. So petet ti a bon zot re asize zot regete ki zot kapab vreman fer pou rezoud sa sityasyon.

MR SPEAKER

Wi mersi. Klarifye *PS*.

AG PS JITESH SHAH

Ok. Parey PS in dir ou, definitivman nou bezwen *involve* dan sa diskisyon. Akoz nou bezwen gid zot lo kote son kou lenfrastriktir.

Parey ou konnen avek sityasyon pou lemoman dan pei, nou pe sey nou mye pou nou kapab devlop bann *landbank* ki pou maksimiz kare later ki nou pou gannyen pou sa larzan ki'n annan dan Bidze.

So, selman a lafen di zour fodre zot ki annan *database* tou bann leter ki pou Gouvernman. zot ki konnen kote i annan potansyel lo kote donn kare later dimoun.

So sa pou bezwen en diskisyon ki nou, nou fer ek zot. Ki nou'n deza komanse pou nou

komans gete. Pa pou lannen prosenn, akoz lannen prosenn nou deza annan nou lalis *landbank* anba Bidze.

Selman apartir 2023 onwards, ki bann lezot landrwa ki nou kapab eksplore, pou nou kapab ganny *landbank* ki nou kapab dir poudir son kou i vo pou nou kapab devlop sa bann landrwa. Baze lo kantite later ki nou pou gannyen. Mersi.

MR SPEAKER

Thank you PS. Nou ava al lo Onorab Mondon.

HON TERENCE MONDON

Mersi Mr Chairman. Mr Chairman Minis ti koz lo lakaz meyer marse. Si ou le pou soulaz dimoun ki dan gran bezwen. Ouswa bann dimoun ki napa gran mwayenn finansyel.

Eski sa konsep in fini ganny devlope? E ki Bidze zot annan pou sa kalite konstriksyon? Mersi Mr Chairman.

MR SPEAKER

Mersi Onorab. *PS. VP?* *PS* menm ki kontinyen *right?* Si ou anvi sanze zis lev lanmen silvouple.

AG PS JITESH SHAH

PS Mr Chair. Mersi Onorab. Aktyelman lo kote sa *standard*

plan ki ou pe koz lo la, nou ti'n fini fer li lo kote son desen. E aktyelman nou annan en proze ki nou pe sey eksploravek en-En *pilot project* ki nou pe sey eksploravek *GICC*.

Potansyelman pou nou kapab enplimant enn sa bann blok. Kot nou ava war son prodwir final. Pa zis sa nou pou ganny en bon *understanding of* son kou final *as well*.

Konbyen in kout nou, pou nou konstri. Ki nou kapab al gete eski i ase confortab. Lefe ki i en *pilot project* nou ti ava kontan fer li en fwa en landrwa. Nou fer sir ki sa i en prodwir ki nou anvi kontinyen avek *moving forward*.

So enn fwa ki sa proze in fini, i pou met nou dan en pli bon pozisyon pou nou kapab gete si nou pou enplimant li lo en pli gran lanpler.

MR SPEAKER

Mersi PS. Onorab Andre.

HON CLIFFORD ANDRE

Mersi Mr Chair. Mr Chair, mon ti kontan demann avek *Acting PS*, ki kantite Seselwa, ki kantite etranze zot pou annan dan *agency?* Akoz letan, bomaten letan mon'n demann kestyon avek *PS Lakaz*, ti an referans avek *housing* ki ganny mete dan Bidze. E la pou zot i

annan, (permet mwan mwan a tyek sa en pti kou) *Housing*, i annan de repriz kot *housing* i vini, enn dan programm 1 ek enn dan programm 2.

Pou programm 1, *housing* i aparet R620mil. E taler letan mon ti pe koz ek PS ti 622mil. So, sa 620 *housing* ki anba *P1, which is Governance, Management and Administration*. Apre ou annan ou ankor en *housing* ki vin anba *P2* ki *Infrastructure and Support*. *Housing* li i 2.1milyon. Mon ti kontan kekfwa ou eksplik nou sa.

Apre letan mon pe get anba *PSIP* mon vvar tou distrik aparaman i annan en pti larzan ki i gannyen. Mon pe sey gete, mon pe sey get anba sa bann sou distrik, kekfwa in met anba sou distrik pou Anse Aux Pins. Mon pa vvar ditou, ditou, ditou. Me selman nou annan en 22milyon ki pou met an 2024, pou *housing*.

So, zis eksplik nou en pti pe akoz nou tou nou annan problemm lakaz. Annefe Anse Aux Pins mon krwar i premye lo lalis problemm lakaz, me selman mon pa vvar li ditou ladan. Mersi.

MR SPEAKER

Mersi. Yes PS, ler ou pare.

AG PS JITESH SHAH

En pti kou Mr Chair, mon pe zis rod lenformasyon.

MR SPEAKER

Mon konpran *PS*.

AG PS JITESH SHAH

Mersi Mr Chair. Mersi Onorab. Sorry, mon a zis reponn sa premye kestyon. Epi si zis ou ti kapab repet sa enn dezyenm, akoz mon'n perdi en pti pe dan Bidze.

Pou sa premye kestyon, ou'n demande konbyen *expatriates* nou pou annan. Basically nou *staffing* pour lemoman avek Lazans total tou bann dimoun ki pe vin ansanm, avek bann *current staff* ki nou annan, nou pa pe get bann novo *recruit* ki nou pa ankor ganny sans fer. Nou annan 142 dimoun total e letan i annan 20 *expat*. 20 *expatriate workers*.

Epi ou ti'n dir i annan sa laliny dan Bidze ki annan 2.1 milyon *housing*. Sa annefe i bann *expatriate staff* ki ti ganny anploye par Minister Finans. Zot ti aprezan, boner sa lannen desizyon ti ganny pran poudir zot pou transfer anba nou.

Zot ti kot Minister Finans, kot zot ti pe ganny *seconded to* bann lezot Minister. So, sa konponan 2.1 i spesifikman pou zot, ki Finans in met dan

nou Bidze akoz lefe ki zot pe transfer kot nou, sa pou bezwen transfer kot nou *as well*.

MR SPEAKER

Wi, son dezyenm pwen, i pe rod lakaz pou Anse Aux Pins. Yes, Onorab Andre, vitman silvouple.

HON CLIFFORD ANDRE

Mr Chair, mon annan en klarifikasiyon lo sa ki i pe dir. Sa 2.1 in dir ki poudir sa i bann *staff* ki sorti kot Minister Finans ki pe ganny transfer. Bomaten *PS* Later in dir nou sa R622 mil i pou bann *expatriates staff* ki pe vin kot zot. La dan sa Bidze i annan ankor R620mil ki dir pou *staff* ki kot zot.

So, mon pe rode ki kantite *staff* ki pe vin kot zot, sorti kote? Akoz i ganny *allocate* laba, i pa ganny *allocate* kot zot? Akoz si nou annan transparans se pou nou fer koumsa. Me selman bomaten sa leksplikasyon ki mon'n gannyen, mon dir mon a poz sa la, mon ava demann ou ler ou vini akoz i fer ou fer R1.244 milyon ki ou pe gannyen pou lakaz.

E si ou annan ou 20 dimoun, savedir mon a vin travay kot zot mwan osi. Mersi.

MR SPEAKER

Dezyenm pwen.

HON CLIFFORD ANDRE

Dezyenm pwen, lakaz Anse aux Pins.

MR SPEAKER

PS wi.

AG PS JITESH SHAH

Mersi Onorab. Sa ki PS in eksplike bomaten lo kote sa bann *staff*, sa larzan ki i ti annan. Ler nou ti ankor anba Minister Lakaz ek Later, nou koman Departman Lenfrastriktir nou annan nou 8 *expatriates* ki deza la. Zot ti efektivman tonm anba Minister. So, sa larzan ki pe koze i lo sa bann ki la.

Nou sa ki nou pe get i bann novo *staff* ki pe transfer kot nou, zot Bidze in vin kot nou. Savedir pou sa 8 *staff* ki ti deza kot nou depi lo komansman anba Departman li menm, sa Bidze in reste avek Minister Later ek Lakaz. Annefe tou Bidze pou bann *staff*, lo kote *goods and services*, tou larzan sipor pou bann *staff* pe reste dan sak Minister akoz sa lannen nou pa'n ganny en sans fer sa legzersis kot nou kapab transfer tou sa bann *goods and services* kot nou.

I zis ki akoz pou sa bann *staff* ki kot Minister Finans, sa i ti en konversasyon ki ti komanse menm avan sa Lazans ti ganny formen. Zot ti sipoze vin kot nou *regardless of* sa Lazans oubyen non. So, sa zot in fer provizyon pou zot transfer sa larzan kot nou.

Pou sa bout Anse Aux Pins. Parey mon'n dir ou, mon'n perdi en pti pe dan Bidze. Si ou kapab zis repet sa kestyon, mon ava reponn.

HON CLIFFORD ANDRE

Mersi Mr Chair. Wi, mon pe dir letan nou pe get bann Bidze ki annan e tou bann proze ki annan, napa enn ki mansyonn ni en sou distrik Anse aux Pins. Me selman nou konnen nou annan bezwen.

Prezan odela de sa i annan 22 milyon ki met pou 2024. Eski nou pou kapab ganny tou sa 22 milyon pou nou? Akoz 2an nou pa pou'n gannyen. Nou ava ganny sa pou nou fer fasilite pou nou bann zabitan. Mersi.

MR SPEAKER

Mersi PS.

AG PS JITESH SHAH

Mersi Onorab. Onorab parey mon'n eksplike taler. Premyerman nou annan sa 32

unit ki li in ganny mete la. Nou annan 2 opsyon, swa nou fer li Anse Aux Pins oubyen nou fer li Ile Aurore. Selman sa parey mon'n dir, sa pou bezwen en desizyon stratezik ki biro lakaz pou bezwen fer.

Akoz zot ki konnen ki mannyer zot oule *allocate* bann lakaz, si zot pou komans fer li aprezan par rezyon, oubyen si zot pou kontinyen fer li par distrik.

Sa i en diskisyon ki nou bezwen annan avek zot pou zot gid nou ki mannyer zot pou fer li.

Epi nou annan sa *social housing project* ki tonm anba *Saudi Fund*, li osi i annan en konponan ladan kot pou annan serten distrik ki pou ganny lakaz anba la. Ler nou pou sirkil sa *breakdown* sa *277 million* ki anba sa *Saudi Fund*, zot avwar ki bann proze ki tonm ladan.

MR SPEAKER

Mersi *PS*. Onorab Cosgrow.

HON WALLACE COSGROW

Mersi Mr Chair. Mr Chair, mon annan detrwa pti kestyon pou *acting PS*. Premyerman i lo, nou pa pe vwar konparezon. Petet ti ava bon si ti annan konparezon Departman Lenfrastriktir 2021 avek sa

alokasyon ki annan la, pou nou kapab vwar en pti pe zot bann resours ki zot in gannyen.

Me parkont mon pe gete, sa ki la i zis en Departman Lenfrastriktir. *Sorry*, Lazans Lenfrastriktir. E i plizoumwen bann keksoz ki zot ti pe deza fer. Menm travay ki zot ti pe deza fer ki menm lannen i diferan.

Me i annan osi sa lot eleman travay ki zot bezwen fer avek tou sa bann lezot lorganizasyon ki Lalwa ki nou fek pase, ki Lasamble i fek pase i mandate zot pou fer.

Now, ki kantite resours ekstra ki zot in gannyen konpare avek lannen pase, ki pou fer zot kapab delivre lo tou sa bann proze dan tou sa bann Minister ki pou tonm anba zot? Akoz sa i en ta travay.

Mon krwar ki ou pou dakor avek mwan *acting PS* ki sa i en ta travay. Me mon pa pe neseserman vwar sa kante resours in *term of* resours imen, resours finansyel pou zot kapab delivre.

Se sa ki boner letan nou ti pe diskit lo sa Lalwa nou ti pe sey fer resorti. E la Bidze i konfirmen.

So, garanti nou ki sa Bidze ou pou kapab sey fer serten keksoz avek pou ki Gouvernman parey Onorab

Henrie in dir, atraver ou Mr Speaker, i kapab delivre akoz sa i pou zot *legacy*. Garanti nou ki zot pou kapab annan ase resours pou kapab delivre lo sa bann keksoz?

Dezyenm Mr Speaker, mon vvar 2 keksoz dan *non-financial assets*. I annan pou . Eksplik nou ki si sa *Ile Aurore consultancy* akoz si mon mazin byen, ti deza annan en *concept* pou Ile Aurore ki'n deza ganny fer par *Planning Authority* si mon pa tronpe. Eski sa i dan laliny ouswa i en nouveau *concept* ki zot pe al sey fer ?

Apre, mon osi vvar en *Independence House lease*. Eski sa i konsern *Independence House Annex* oubyen *Independence House, main Independence House* li menm? Eksplik nou en pti pe li menm, 25milyon. Mersi.

MR SPEAKER

Mersi. VP mon vvar Madanm Croise in lev lanmen. Mon pa konnen lekel pwen ki-? Lekel ki kapab komanse?

THE VICE-PRESIDENT MR AHMED AFIF

Mon mazinen Ms Croisee i kapab petet reponn sa morso lo *Independence House*.

MR SPEAKER

Go ahead Madanm Comptroller.

COMPTROLLER GENERAL IRENE CROISEE

Mersi Mr Chair. Onorab pou reponn ou premye kestyon, si ou al dan liv Bidze, nou'n met en *PPBB statement* pou Departman Lenfrastruktir, i trouve lo paz 346 ziska paz 350. So, ou a kapab vvar konparezon Bidze 2021 pou Departman Lenfrastruktir.

MR SPEAKER

Byen. *Ok*, sa in adres ou kestyon. Wi. PS preznan i kapab kontinyen avek lot. Ale PS reponn.

AG PS JITESH SHAH

Mersi Mr Chair. Mersi Onorab. Si mon pou al lo *Ile Aurore consultancy*. *Ile Aurore consultancy* i aktyelman pou nou fer *designed of* lenfrastruktir Ile Aurore. I en *very complex integrated design* ki bezwen ganny fer pou tou sa bann services. Elektrik, delo, sewage, bann semen. Tou keksoz.

Pour lemoman nou napa kapasite *in-house* pou nou fer sa avek resours ki Gouvernman i annan ozordi, bann *MEP engineers* ki nou bezwen pou en louvraz koumsa. So, nou pou fer li atraver *consultancy* pou

sa. Sanmenm sa laliny ki dan Bidze.

Epi dezyenm sa *lease of Independence House* i sanmenm sa *lease Independence House Annex* ki dan *last 3 years* pe aparet dan Bidze.

MR SPEAKER

Mersi. Terminen *please*.

HON WALLACE COSGROW

*Ok, mersi. Mon vwar, 2 pti klarifikasyon. Mon vwar 2 peyman R25milyon, 25milyon. Kan eski sa *lease* i terminen? Mon vwar enn pou lannen prosen avek son lannen answit. Kan eski dernyen peyman i ganny fer, apre konsernan sa *consultancy* pou Ile Aurore. Eski in fini *tender* sa ouswa sa cost ki ladan i en *estimate cost*?*

MR SPEAKER

Mersi. Wi *PS*.

AG PS JITESH SHAH

*Ok, mersi Mr Chairman. Mersi Onorab. Lo kote *lease* Onorab, pou dir ou laverite, *I'm not sure* egzakteman kan i pou fini. Nou a *find out* apre nou a fer ou konnen.*

Pou Ile Aurore nou pa ankor fer en *tender* pou sa. Nou pe aktyelman pour lemoman prepar tou dokimantasyon

tender pour ki koman Bidze i *release* boner lannen prosenn, nou pare pou nou *tender*. Sa i en *estimate* baze lo grander zil avek leksperyans ki nou'n annan lo bann lezot *tender*. similer.

MR SPEAKER

Mersi. Onorab Woodcock. Enn enstan. *Comptroller*, wi. Mon krwar Ms Croise i oule eklersi en pwen.

COMPTROLLER GENERAL IRENE CROISEE

Mersi Mr Chair. Zis pou ou kestyon lo kan *lease GICC* i fini 2024.

MR SPEAKER

Thank you. Onorab Woodcock, ou kestyon.

HON WAVEL WOODCOCK

Mersi Mr Speaker. Zisteman *Acting PS in mansyonn sa Saudi Fund*. Sa *Saudi Fund* ki anba *foreign loan financing*, i en sonm R267milyon. Me pou sa lannen 2022 mon vwar en alokasyon 39.6milyon e pou 2023 mon vwar en lot alokasyon 118 milyon.

E i annan bann lezot konponan dan Bidze, parey ou tande *unit* pou *social housing* pou en sonm en pti pe plis ki 20 milyon. So, mon kestyon i sa

larzan la pou sa *Saudi Fund*, eski i en larzan ki'n fini antre ouswa i pou antre pou plis ki en porsyon?

Akoz mon vwar zis en pti alokasyon pou sa lannen apre mon vwar en pli gro alokasyon pou lannen prosenn. Si ou kapab donn nou en pti pe detay, en pti pe lenformasyon lo la?

Apre mon dezyenm kestyon, eski zot in fer serten travay pou idantifye okenn kare later lo Praslin pou bann proze *social housing project* dan lefitir? Par lefe ki ti annan en later ki ti'n ganny *allocate* dan lepase anler Mont Plezir, mon krwar ti pou fer *8 unit*. Me apre nou'n ganny serten-. Mon ti ganny dir par *MHILT* sa letan ki zot bezwen fer en *retaining wall* ki pou kout en kantite larzan.

Alors mon ti i a kontan konnen si i annan okenn later. Si sa later Mont Plezir ek lezot later in ganny idantifye pou Praslin pou fer okenn proze? Grand Anse Praslin dan lefitir? Mersi.

MR SPEAKER

Mersi. PS.

AG PS JITESH SHAH

Mersi Mr Chair. Mersi Onorab. Sa larzan ki ou pe demande pou *Saudi* i en keksoz ki

Minister Finans i an diskisyon avek Gouvernman *Saudi*. Mon, sa *disbursement* ki mannyer in vini, kot i anmans a pli pti porsyon lannen prosenn ek en pli gran porsyon 2023, i baze lo kekfwa ki kantite letan i pou pran zot, pou zot fini realiz sa.

Enn fwa ki sa in fer nou bezwen al dan en prosedir *tender as wel*. E by the time nou'n aktyelman pare pou nou komans sa proze pou'n arive en staz dan lannen kot nou a pou kapab depans sa kantite.

So, mon krwar sanmenm sa in ganny *disburse* koumsa. Pou laplipar bann louvraz, menm si i pou komanse lannen prosenn, *the bulk of the work* pou ganny fer en 2023.

MR SPEAKER

Lo proze lo later Praslin.

HON WAVEL WOODCOCK

Apre zis Mr Speaker, environ konbyen lakaz ou pe koze la?

AG PS JITESH SHAH

Anba sa *Saudi* i annan *302 unit*, nou pe koze.

Epi pou dezyenm kestyon lo kote Mont Plezir. Mont Plezir aktyelman nou konsep orizinal ti annan *16 unit* ki nou ti pe gete. Selman ler nou ti'n ganny topo *survey* avek *survey*, nou ti'n fer sa legzersis pou nou

gete, nou ti vvar poudir 16 *unit* pa pou vyab.

So, pour lemoman i ankor lo plan pou nou eksplor posibilite pou sa 8 *unit*.

Manrmay i ankor pe travay lo la. Zot pe sey rod meyer fason pou zot kapab enplimant sa proze. Si fodre fer li lo pilye, ki mannyer nou pou fer li pou nou kit son kou pli ba posib.

MR SPEAKER

Mersi. Onorab Samynadin.

HON KELLY SAMYNADIN

Mersi Mr Chair. Bonzour PS. premyerman mon ti a kontan konnen ki sityasyon sa proze *survey* renovasyon pou *block flats* Dolphin Courts, kot en vizit ti ganny fer sa lannen? Eski i annan en plas dan sa Bidze ki devan nou?

Dezyenmman i annan sa proze *on going*, ex Sawa Sawa, mon vvar en alokasyon 1.9 milyon. Mon ti ava kontan konnen si sa larzan in ganny *allocate* pou konplet sa proze an antye ouswa si i pou par faz ?

E dernyen i annan sa proze Le Domain, *phase 2* ki'n fini ganny aprouve. Mon ti ganny dir ki sa proze i anba *India Grant*, me i ti ankor anba negosyasyon an vi sityasyon

COVID. Mon ti kontan ganny en kontrandi lo la osi. Mersi.

MR SPEAKER

Mersi. Wi PS.

AG PS JITESH SHAH

Mersi Mr Chair. Mersi Onorab. Onorab lo kote Dolphin Court, nou ti'n fini fer tou bann vizit. Nou ti'n fini akoz nou ti bezwen re desin sa blok antye pou nou kapab prepar sa *scope*. *Scope* pour lemoman nou pe prepare, parey ou konnen, normalman lafen lannen nou bann QS zot en pti pe anba presyon avek bann zafer peyman. Akoz tou louvraz i ganny fer dernyerman.

Selman i en prosedir ki nou pe espekte fini sa mwan Desanm, kot nou pou ganny en *costing* kot konbyen i pou kout nou pou nou kapab *renovate* sa *block*. I pa pou paret anba sa Bidze akoz sa i pou en keksoz ki pou ganny finanse par *PMC*. I en diskisyon kot nou'n fini annan ek zot, kot zot in dir nou enn fwa ki nou'n fini prepar sa *estimate*, nou ava annan diskisyon avek zot pou gete.

Menm si pa posib pou nou fer tou louvraz lannen prosenn, omwen nou a kapab konn bann keksoz mazer ki nou a kapab *at least* annan en pti keksoz. *And then* nou a kontinyen 2023.

Lo kote *ex Sawa Sawa*. Sorry, mon pe zis sey rod li lo mon lalis ki devan mwan, mon pa pe vwar li. Onorab kekfwa si ou ti kapab zis git mwan aepre kote i ete lo la.

HON KELLY SAMYNADIN

I lo paz 39, *Department of Infrastructure – ‘ ex Sawa Sawa access and utilities ongoing.’*

AG PS JITESH SHAH

Wi, Onorab mon krwar sa ti tonm zis dan 2021. I pa pou 22 dapre sa. Sanmenm sa ki mon pa pe vwar li lo mon lalis.

MR SPEAKER

Byen. Ok. Onorab permet nou *pass on*, kekfwa ou a kapab eklersi sa avek PS a en lot moman. Nou a pas lo Onorab Vidot.

HON AUDREY VIDOT

Thank you, Mr Chair. Mr Chair, mon premye kestyon, *Acting PS* mon krwar ou rapel milye lannen nou ti vizit ansanm avek Minis bann serten blok flat Eden Village. E form parti manda *SIA* se byensir donn servis teknik *PMC*.

Mon swete ki avek Bidze 2022 nou a ganny siport, distrik Roche Caiman, sa Lazans pou ki *PMC* i nobou kapab fer bann renovasyon en

pti pe pli imedyat boner komansman lannen pou bann dimoun santi zot en pti pe pli *secure* e adres sa problemm kot zot bann twatir dan plafon pe koman grennen.

Mon dezyenm. Mon pe regard lo paz 251. Parmi zot *achievement 2022-2021*, Zot in fer resorti ki i annan 21 bann proze ki lo an term konsep *design* ki zot in *achieve*. Mon ti pe regarde eski sa proze pou kot *ex Kazern* ete, lo sa later par deryer *Fresh Cut*, kot i sipoze annan en devlopman pou *house* bann *expatriate* ki Gouvernman pe depans en kantite larzan pou *rent or* pou zot pli byen kapab *manage*. Me an menm tan annan serten limit serten *unit* ki pou bann profesyonnel dan nou rezyon ki ti pou benefisyé.

Mon ti pe regarde si i parmi bann ki zot in *achieve* sa konsep *design* in pare e si pa pou dan devlopman 2022, kan petet *VP* i kapab reponn, si i pou dan enn 2023 oubyen 2024, lekel ki pli pre, zot pe mazin enplimant sa proze?

E dernyerman, en konsern plito, dan bann devlopman *housing project* ki kapab ganny fer le fitir, mon pran en legzanp parey Roche Caiman, i annan sa nouvo blok flat ki'n ganny fer 16 *unit*. Petet pou *avoid* annan bann *issues* ankor lefitir, i

annan sa bann *unit* ki pli o dan letaz, se ki letan lapli i tonbe e i annan gran divan, kouvertir twatir sa bann *unit* i pa ase adekwat pou anpeste, ki i annan en kantite delo ki antre anndan letan bann dimoun i kit zot lafnet en pti pe ouver.

So, nou pe demann ki osi petet regard osi an term konsiderasyon bann proze ki vini, zis pou adres bann pti defayans.

E finalman ler zot pe fer bann *housing estate*. Enn bann konsern ki mon'n realize Roche Caiman - en legzanp, se ki sa *issue* bann lokasyon, bann fasilite ki deservi bann dimoun dan kominate letan zot pe fer zot *planning of* zot bann plan lakaz;

Par egzanp pou *waste management*, nou ganny kritik ki dir lakaz i ganny fer, me i annan sa bann konsiderasyon ki pa ganny konsidere enportante nou ganny bokou piblik i konplent, i dir ou bann *bin site* i tro pre avek lakaz e i vin bann lenkonvenyans pou bann endividé. Mon distrik i enn parmi bann ki'n ganny afekte ek bann sityasyon parey.

So, nou swete ki petet dan *planning*, ankor sa bann pti keksoz i ganny adrese. Mersi.

MR SPEAKER

Mersi. Yes PS, si ou'n pare. Ou annan kestyon apre 2 pwen pou ou note.

AG PS JITESH SHAH

Mersi Mr Chair. Mersi Onorab. Ou premye kestyon ki ou'n mansyonnen ti pou *Eden Village*. Wi, nou ti'n fini fer tou legzersis lo nou kote, nou ti'n fini prepar fini donn *PMC* tou sa lenformasyon. Sel pti legzersis, zot, zot ti pe fer lo zot kote is pou zot get lekel sa bann konplent ki nou'n gannyen avek sa bann dimoun ki nou pou *entertain*, lekel ki nou pa pou *entertain* ?

Akoz ler nou bann manrmay ti al vizite zot ti *pick up* tou bann lenformasyon. Ti annan en ta lezot keksoz apard zis sa *spoiling* ki dimoun ti pe met devan zot. Ti annan dimoun ti pe dir zot robinen pa pe marse. So, sa fodre *PMC* i deside lekel sa bann keksoz ki sa bann dimoun i devret pran lo zot menm pou zot aranze, lekel ki *PMC* pou fer.

Epi, *PMC* in fini konfirmen poudir zot annan plan pou zot fer sa bann reparasyon lannen prosenn. Zot in fini bidzete lo zot kote pou sa bann louvraz kapab komanse lannen prosenn. Kontrer zot in fer en *tender* pou *roofing as wel* ki pour lemoman i kot *National*

Tender Board, e nou pe kekfwa sey rod en fason pou nou kapab group tousala ansanm posibleman.

Lo kot sa *ex Kazern* ki ou'n mansyonnen. Nou deza annan en konsep pou sa *site* li menm. Ti annan en pe diskisyon ki ti pe arive pou eski nou pou kit li pou sanmenm sa *use moving forward*? Menm si i reste pou sa *use*, eski nou pou kapab fer plis *unit* ankor. Me selman *then* nou annan en *problem parking*.

So, i annan serten diskisyon ki pe arive *internally* lo egzakteman ki mannyer nou pou devlop sa *site* enn fwa ki nou vvar sa konsep, nou vvar ki mannyer i ete, ki mannyer nou pou fer sa bann sanzman ladan. So, sa koman nou annan en *update* nou a fer distrik konnen ki nou pe fer.

E finalman ou ti'n dir pou *future housing*. Ou ti'n fer 2 pwen lo kote bann *potential improving* ki nou kapab fer. Sa bout *roof overhang* nou'n fini pran an kont pou nou bann nouvo *design*.

Annefe nou pe osi fer, poudir lo dezyenm letaz nou pe fer en pti *canopy roof* pour ki bann *unit* anba *as well* zot ganny ase proteksyon avek divan ek lapli.

Epi sa bann *support services*, sa i bann konversasyon ki nou'n komanse avek *PMC as well*. Nou pe pran en pe zot bann *feedback* akoz zot ganny en kantite konplent ek bann dimoun. Nou pe pran *feedback* avek bann dimoun pou gete ki mannyer nou kapab amelyor sa bann *estates moving forward*, pou nou pa repet menm fot ki nou'n fer dan lepase. Mersi.

MR SPEAKER

Mersi PS. Onorab Porice.

HON DOYACE PORICE

Mersi Mr Speaker. Bonn apre midi Vis Prezidan avek ou lekip. Bonn apre midi a tous. Mon premye al lo *landbank Salazie*, mon vvar i annan en alokasyon R4.3, 52milyon. Kan eski zot pe, mon konnen i novo. Me selman kan eski zot pe mazin pou *allocate* sa? E nou annan Fon Azore ki pa ankor *allocate*. Mon ti a kontan konnen kwa ki pe arive avek bann lenfrastriktir laba ?

Apre, eski zot annan en plan pou Marie-Jeanne Estate kot i konsern bann *flooding*. Akoz i annan en en kantite lakaz ki ganny bann problem drenaz *and* mon vvar poudir letan lapli i vin en kantite delo devan laport sa bann dimoun.

Eski zot annan en plan pou revwar en pti pe dan Marie-Jeanne Estate? Mersi.

MR SPEAKER

Mersi Onorab. PS.

AG PS JITESH SHAH

Ok. Mersi Onorab. Mersi Mr Chair. Mersi Onorab. Pou sa enn premye, Salazie *landbank*. Ankor tou dokimantasyon i annord. Nou'n servi sa lannen pou nou kapab maksimiz zot ou bann *design* ki nou ti pou kapab fer. So, nou pare enn fwa ki finansman i *available*, nou pare pou nou enplimant li deswit.

Pou Fon Azore. Nou pli gran problem ki nou ti annan Fon Azore ti pou nou kapab anmenn provizyon elektrik ankoler Fon Azore. Parey ou konnen semen i en pti pe etrwat. I annan bann propriete prive tou otour sa semenn. So, pou nou kapab ganny ase bataz pou nou anmenn en tiyo.

Akoz PUC in fer kler ki i bezwen en keksoz ki anba semen. Bann lakaz i tro pros avek semen pou zot kapab bann *overhead high voltage* pou al anler kot *landbank*. So, nou'n fini fer sa legzersis kot *survey* ti al *pick up* antye sa semen pou nou vvar ki kantite

impeachment pou annan lo bann propriete.

Nou'n fini fer *design* konzwentman avek PUC kot nou'n kapab kit preski antyerman lalinyman sa nouvo kab dan rezerv semen, nou pa'n bezwen al lo propriyeter prive.

E i en keksoz ki nou pou bouz avek en *tender* boner lannen prosenn pou nou kapab enplimant sa bout lenfrastriktir elektrik, pou PUC kapab pas zot kab.

E finalman Marie-Jeanne Estate, pou dir ou laverite Onorab, sa zafer *flooding* pa en keksoz ki ti lo nou plan tou sa letan. Definitivman Marie-Jeanne Estate nou annan faz 3 ki nou sipoze pe fer ki pou vin anba *foreign funding* pou bann nouvo lakaz.

Kekfwa ki nou kapab fer, nou kapab ale pou fer sa legzersis pou nou gete ki problem i annan, e nou kapab *package* li anba sa kontra ki nou pou fer pou sa bann nouvo *unit*. Kot si i annan okenn louvraz pou ganny pou larestan bann vye blok ki la, nou kapab fer li ansanm.

MR SPEAKER

Mersi PS. Mon ti pe espere termin sa sesyon 1er. Me selman mon pa'n arive fer li. I reste mwan zis 5 Manm ki'n lev

lanmen pou demann kestyon, mon a ferm lalis la. Mon mazinen i pou li ekonomik pou nou terminen, plito ki repran apre midi. Onorab Adelaide.

HON FRANCOIS ADELAIDE

Mersi Mr Chair. *Acting PS* mon premye kestyon i baze lo nou rikord avan. Nou ti annan 54 *unit* Danm Lerwa e nou dezyenm proze 24/24 ki *status?* Eski i pou dan sa Bidze? Apre mon dezyenm se *in regards to* koneksyon lakaz ex Pool, bann dimoun Anse Gaulette avek *STP* ki en lannen in *drag*. Ler mon'n gete dan Bidze mon pa'n troub okenn par, petet mon pa konnen si avek *PMC*. So vi ki lenfrastriktir i tonm kot ou, eski ou kapab donn nou en pti *update* lo la *please?* Mersi.

MR SPEAKER

Mersi. *PS.*

AG PS JITESH SHAH

Ok, Mersi Mr Chair. Mersi Onorab. Pou sa proze lakaz Danm Lerwa i ankor lo plan pou nou fer sa bann *unit*. Selman nou'n ganny en pti pe difikilte lo kote pou nou kapab fini sa topo anler. Nou deza annan en konsep lo ki mannyer nou pou plas bann blok. Selman nou bezwen finaliz sa topo pou nou kapab finaliz *design*.

Nou ti pe ganny en pti e difikilte pou nou kapab fer *site clearing* laba avek Minister Lanvironnman e i en vizit ki *unfortunately* enn de fwa nou'n bezwen anvoye avek lanvironnman akoz letan pa ti tro bon.

Selman i lo nou programm pou nou kapab vizite avan lannen i fini pou nou kapab finaliz sa plan epi nou ava diskit avek distrik pou zot konnen ki plan stratezik pou lo kote lenplimantasyon.

Dezyenm, ou'n koz en pe lo koneksyon ex Pool. Onorab mon pou bezwen rod en pe lenformasyon avek *PMC* lo la epi mon a donn ou en *update* lo la apre si ou pa *mind*.

MR SPEAKER

Mersi *PS.* Ou annan en pti kalifikasyon ?

HON FRANCOIS ADELAIDE

Acting PS nou dezyenm proze 24/24 Anse Pool Bleues?

AG PS JITESH SHAH

Ok, mersi Onorab. Mon krwar, si mon'n byen konpran ou pe koz sa dezyenm faz anler ex Hunt? *Wi, ok.* sa osi nou'n fini fer *design*, nou'n fini fer *BQ*. Parey mon'n dir taler, sa lannen akoz sityasyon finansyel nou pa'n ganny en sans enpliment

bokou proze. So, nou'n servi sa lannen pou nou *design maximum* nou bann proze ki pe vini dan lefitir.

Sa enn ex Hunt, faz 2, nou'n nobou fini tou son *designed*, tou son keksoz e i pou tonn anba. *Anyway* i dan nou lalis ki nou pe diskit avek Lenn lo kote finansman sa 3mil lakaz. I annan serten proze ki ti dan lalis ki nou'n kapab anmennen dan Bidze sa lannen. Me selman *obviously* nou pa'n kapab anmenn tou. 3 mil lakaz i en kantite lakaz pou nou anmenn dan en sel Bidze, selman i la. Koman nou ganny en sans lo kote finansman, i parmi bann proze ki nou pare pou nou enplimante o pli vit posib.

MR SPEAKER

Mersi. Onorab Aglae.

HON EGBERT AGLAE

Mersi Mr Speaker. Mr Jitesh bonn apre midi. Sa ki mon anvi ganny en konpran *follow up* bann larepons lo size 24/24 la, eski ou pe dir nou poudir petet akoz par egzanp Port Glaud, premye faz in fini. E mon krwar ler ti *tender*, eksplik mwan, ler ti *tender* ti *tender the whole project* e savedir kontrakter pou ganny peye zis *first phases*.

Kan eski prezan nou pe mazinen, zis en *timeframe* petet si dan 2023, si dan 2024, mon pa konnen pou nou kapab vwar *the second phase* komanse ?

Akoz mon pe demann sa, se ki ler ou pou bouz sa bann ki ti anba dan premye faz, ou pou annan en pe lakaz vid ki pou reste, e mon pa oule ki prezan pou annan en lager lakaz kot dimoun pou re antre. Akoz nou oule tir- Lesansyel tir dimoun dan sa bann vye lakaz pou bouz dan sa ki nouvo. Sa i enn.

Dezyenm, pa bokou ki pe ganny koz lo la kot i konsern *PMC*, sirtou travay kolaborasyon zot Lazans, sa Lazans la. Petet ekliersi mwan petet ki mannyer fason travay pou deroule la, an vi ki *PMC* avek zeran son bann proze lakaz li menm li, parey Dan Limon i annan sa bann *tiles* ki pou sanze, ki'n fini *tender*.

Petet ki Minister Lenfrastriktir, li sa Lazans Lenfrastriktir, ki rol ki ou annan pou ou zwe. Si ou pe *oversight* ouswa *PMC* pe fer tousala lo li menm? Akoz mon pa pe vwar larzan dan Bidze pou sa.

E dernyerman i annan en larzan ki'n ganny mete dan *poverty elevation, housing* la. Apepre 4milyon in ganny mete la e nou konnen poudir sa

Lazans Lapovrete in ganny phase out li. Mon ti kontan konnen petet lekel ki babysit sa poverty elevation la, pou ou kapab enplimante ou osi? Mon krwar ou sezi mwan la. Lekel sa parent Ministry ki pe oversee sa. Mersi.

MR SPEAKER

Ok, mersi. Yes PS.

AG PS JITESH SHAH

Mersi Mr Chair. Mersi Onorab. Pou premye kestyon lo kote Port Glaud, faz 2. Parey ou'n dir ti en sel kontra ki nou'n award pou faz 1 ek faz 2. So, fason ki i pou marse. As soon ki alokasyon i fini dan faz 1, sanmenm sa kontrakter ki la pou ale, pou kraz sa bann existing block pou li kapab komans faz 2 deswit.

So, as soon ki nou kapab fer alokasyon, bouz bann dimoun, nou pe get en timeframe ankor 7 mwan pou nou kapab fini faz 2. So, nou pe espekte i pou fini byensir lannen prosen.

Lo kote nou relationship ki nou pou annan avek PMC moving forward. I annan serten proze ki PMC pou fer zot menm. Espesyalman ler nou pou get bann louvraz en pti pe plis kosmetik kot zot bezwen fer.

Kot zot pa bezwen sa *technical expertise* lo nou kote.

Zot ava planifye, zot ava enplimante zot menm. Selman, obviously tou bann proze kot kekfwa i annan en problem striktir oubyen en major renovation kot zot bezwen en pe plis resours kekfwa lo zot kote, kote kot zot bezwen en qualified QS oubyen en keksoz koumsa, sa pou vin kot nou.

Nou'n fini komans sa konversasyon avek PMC semenn pase, pou nou gete ki zot bann major projects zot pe anvizaze lannen prosenn. Nou'n fini ganny en lalis avek zot ki pour lemoman nou, nou pe etidye pou nou gete ki mannyer nou pou fer antre dan nou plan travay moving forward.

E sa i en keksoz ki parey nou ti dir ler nou ti vin pou the Seychelles Infrastructure Agency Bill. Nou pou bezwen travay vreman, vreman pros en PMC, nou bezwen donn zot tou siper teknik ki zot pou bezwen.

Selman definitivman pou annan serten proze ki zot pou fer, akoz napa naryen konplike ki zot kapab fer zot menm.

Epi finalman poverty alleviation. Lo kote sa bann proze poverty alleviation, lo kote Bidze, tou Bidze in ganny donneen avek nou pou bann

ongoing projects. Ti annan serten proze ki *Local Government* ti pe enplimante. Zot ankor pe enplimante, zot ankor pe *supervise*. Me selman la lo kote Lazans i pou vin en sel anba nou.

Menm *staff* ou kapab dir, ki pou supervise sa bann proze e Bidze in ganny donnen avek Lesanz pou nou kapab fini tou bann ki'n deza komanse.

Lo kote bann nouvo, sa pou bezwen en diskisyon ki ganny fer avek *ASP*. Gouvernman pou bezwen get e lekel ki pou pran responsabilite *any new projets*, si pou annan dan lefitir.

MR SPEAKER

Mersi. Onorab Arissol, Phillip?

HON PHILLIP ARISSOL

Mersi Mr Chair. Bonn apre midi tou dimoun. Mon kestyon mon ti demande bomaten, selman *PS* ti dir mwan demande avek lenfrastriktir.

PS i annan *subdivision* 11 kare later anler Montagne Posée kot semen, kot *subdivision* in fini ganny fer li. zis semen ki pa ankor ganny fer, alor si fer ki alokasyon pa ankor ganny fer.

Prezan, eski ou kapab dir nou si sa proze semen i reflekte dan Bidze 2022 a 2024? E osi si i annan okenn plan ki

Gouvernman i kapab propoze ki sa semen i kapab ganny fer pou ki sa bann later i kapab ganny *allocate*.

Apre, *PS* dan proze 24/24 Anse Boileau in ganny zis selman 18 lakaz li. Dan ki dele letan nou kapab ekspekte vwar konstriksyon sa lot 6? Mersi.

MR SPEAKER

Thank you. PS.

AG PS JITESH SHAH

Mersi Mr Chair. Mersi Onorab. Onorab pou ou premye kestyon, si zis ou ti kapab klarifye kote sa 11 *plot*, son lokasyon ?

HON PHILLIP ARISSOL

I Montagne Posée, Grand Bwa ouswa zot dir li Cap Ste Marie.

AG PS JITESH SHAH

Ok, Onorab pou sa proze Cap Ste Marie apre sa vizit ki nou ti fer, ki ou okouran. Ki nou ti'n negosye ek zot. Nou pe revwar en pti pe ki mannyer nou kapab fer son kou desann, akoz *it was quite a bit* ler nou pe get kantite *plot* ki nou pe gannyen.

So sa proze pa'n *feature* dan sa Bidze pou sa lannen akoz i reste ankor en bon pti pe louvraz pou nou kapab fer lo *designed*, pou nou kapab enplimant sa.

So instead nou'n pous en pe annan proze land bank ki nou'n fini pare avek. I en keksoz ki la lo nou plan, nou pe mazinen kekfwa lannen prosenn, kekfwa nou a kapab enplimant sa proze Cap Ste Marie.

Oubyen nou pe osi rod bann possibleman, si nou kapab fer li anba *foreign funding*, si nou kapab *package* li avek bann lezot proze ki nou annan, pou nou kapab gete si i posib.

Then in that case, kekfwa tar sa lannen nou a kapab komanse.

Epi dezyenm, lo kote sa 18 *unit*, sa balans 6. En sit ti'n deza ganny idantifye pou sa balans 6 *unit* par deryer. Nou pa ti ankor finaliz son desen. Enn fwa ki sa desen i finalize i a vin lo lalis ki nou annan *pending*, enn fwa ki finansman i *become available*, pou nou kapab enplimante. Mersi.

MR SPEAKER

Mersi PS. Onorab Roucou.

HON MICHEL ROUCOU

Mersi Mr Chair. Bonn apre midi a tous. PS, mwan mon kestyon ki mon pou demann ou se ki mon vvar i annan 10.6 milyon pou Corgat Estate, si ou kapab koz en pti pe lo la? Apre pou Bidze 2021 ti annan R800

mil ki ti ganny mete pou fer baraz, *retaining wall* otour Corgat Estate, si ou kapab koz ek nou lo la.

Apre dir mwan, nou lo kote Mont Fleuri nou pa ti benefisyé avek 24/24, nou ti ganny zis bann re devlopman, si nou tonm anba sa 3mil lakaz? Mersi.

MR SPEAKER

Mersi. PS wi.

AG PS JITESH SHAH

Mersi Mr Chair. Mersi Onorab. Onorab ti en pti pe vit. Fotespere mon'n ganny byen ou bann kestyon. Lo kote Corgat Estate, ou ti pe koz en pe lo sa *boundary wall* ki nou sipoze pe fer.

Sa boundary wall, actually nou ti'n fini tender. Nou dan prosedir pou nou kapab koman enplimantasyon in the coming weeks actually. So sa pou la.

Lo kote bann proze lakaz, nou ti fer sa 16 *unit* Kangard, nouvo. Mon konnen ti annan bann dimoun ki nou ti bezwen tire, selman ti annan 16 *unit* ki nou ti kapab fer.

I annan lezot proze lo kote Corgat ki nou pe gete anba sa 3mil *as wel*, bann lezot faz pou nou kapab enplimante. Selman parey ou konnen, Mont Fleuri nou annan pa mal problem

pou nou kapab idantifye bann later *suitable* pou nou fer lakaz.

So sa i en keksoz ki kontinyelman nou pe sey get pou nou kapab idantifye en landrwa pou nou kapab fer en pe plis lakaz.

MR SPEAKER

Wi Onorab Roucou.

HON MICHEL ROUCOU

PS annefe nou annan 2 zabitan ki'n apros nou kot Lotorite Distrik, ki zot pare pou zot tonm an negosyasyon avek Gouvernman lo sa kote lakaz li menm li. E si ou kapab, dan bann letan ki ler zot lib, si zot kapab zwenn avek nou? Mersi.

MR SPEAKER

Wi PS, ou *ok* ek sa? Ou a adrese. Tre byen. Bon, Onorab Loizeau.

HON NORBER LOIZEAU

Wi, mersi Mr Speaker. Bon apre midi VP. Mr Jitesh. Mr Speaker, mon annan en pti kestyon senp. Mr Speaker, an vi ki annan bokou dimoun ki'n aste zot later, swa dan *land bank* ouswa prive. Apre en pe letan ler zot deside vin konstri, *PUC* li in vini in pase, in pas bann gro, gro difil 11KV, in pas bann gro, gro rakor delo lo la. Pezan sa bann dimoun pa

kapab konstri, zis akoz *PUC* li i pa'n oule pas dan semen, in rod fason pli pres.

Alors mon anvi demande, eski sa novo Lazans la pou Lenfrastriktir eski zot la, zot annan sa *power* pou zot *deal* ek sa sityasyon pou ki *PUC*, li i pa pou kapab zis vini, pas son difil partou kot i ete. Akoz i annan en ka Sans Sousi kot Mr. I annan en msye i anvi pli zoli morso son later, *PUC* in pas son bann gro, gro kab e *PUC* i dir li peye pou li tire, kan *PUC* li ki'n mete. Selman i dir ou peye pou li tire. Mersi.

MR SPEAKER

Mersi. PS, PS ou annan *power*? VP.

THE VICE-PRESIDENT MR AHMED AFIF

Mersi Mr Chair. Mr Chair, si i annan bann lenstans kot i annan sa bann, sa ki paret en lenzistik, Mon krwar nou bezwen antre an kontak avek bann dimoun konsernen, tel ki *PUC* pou demande akoz en dimoun in ganny en later, apre zot vin lo la. Dan en fason ki paret mannyer ou'n eksplike mal apropos. E nou devret rod bann solisyon pou sa.

Minister Later ansanm avek *Infrastructure Agency* nou bezwen fer sir poudir dimoun,

nou respekte zot drwa sirtou keksoz ki zot in peye, ki zot byen e nou annan en fason travay ki amikal e ki nou kapab fer sir tou dimoun i kapab ganny son bann lobzektf, ganny fer. Me an menm tan *toute* an respektan drwa tou dimoun. Mersi Mr Chair.

MR SPEAKER

Mersi. Onorab Georges ou ti'n lev lanmen, ou ti'n endik en pti kestyon. Wi ale ou a terminen.

HON BERNARD GEORGES

Mersi Mr Chair. Mr Chair, mon retourn lo en keksoz ki *Acting PS* ti dir e sa i annan larzan, 22 ekek milyon pou fer *Government House* sa lannen ki pe vini. Eski mon'n konpran byen? 214milyon pou fer *Government House* sa lannen ki pe vini.

Eski nou, nou ti a kapab ganny en pe lenformasyon lo sa proze Mr Chair, akoz sa Lasanble li menm li in deza demann avek Gouvernman, pa mazin fer zis en *building*, me servi sa larzan dan en fason proaktive la ki nou pe ale. Konsidere, fer sa proze dan sa *area* kot Lasanble avek Lakour i ete.

E osi fer li dan en fason ki i pa pou zis en *building* ki pou annan *aircon*, ki pou annan

bann vye fason sevir bann *building* avek *sliding windows*, *sliding door* eksatera.

Me fer en keksoz ki pou ouver, ki pou pli *green*, ki pou annan *recycling*, ki pou annan sinerzi ant bann diferan landrwa ki pou vin dan sa batiman. Nou konpran tre byen e mon toutafe dakor ki fodre Gouvernman i komans konstri batiman pou son bann Minister e nou pa fye zis lo lwe, lwe, lwe ki kout Gouvernman en kantite larzan e kout Bidze en kantite larzan.

Me servi sa loportinite ki nou annan pou nou fer en keksoz ki *ecologically sensible*, ki zoli, ki regard le fitir e non pa en *building* parey par egzanp *Independence House Annex or whatever* ki bann vye *style* avek bann vye pratik. Mersi.

MR SPEAKER

Mersi, *PS* ou a kapab donn en pti leklersisman lo la.

AG PS JITESH SHAH

Mersi Mr Chair. Mersi Onorab. Lo kote en *overview on Government House itself. Anyway design* lo li menm in fini pare for the *Government House*. i annan en kantite *input*. Parey zot kapab konnen, *design* pa'n ganny fer lokalman. *Design* pa'n ganny fer isi Sesel,

me selman in annan en kantite konversasyon avek nou, pou fer sir poudir i pe *meet* bann standar, i pe *meet* bann kriter ki nou, nou ti annan.

In pran en kantite letan pou nou pran sa *back and forth* avek sa dimoun ki pe *design*, pou nou kapab tonm lo en keksoz ki nou ti satisfer avek. Kekfwa en keksoz ki mon ti ava sizere, is nou kapab kekfwa *share* sa *design* avek bann Manm Lasanble, kot nou kapab ganny en pe komanter *from your side as well*, nou ganny *the input from everyone*.

Swa atraver nou *share* avek zot, swa nou fer en pti sesyon kot nou kapab eksplik zot tou keksoz ki dan sa *building and* ki mannyer i pou marse. *And then we can take it from there. Si sa i ok?*

MR SPEAKER

Mersi. Wi, nou a *follow up* lo sa promes *PS*. Bon, nou'n termin kestyon lo sa laliny. Nou a kapab pran vot.

Nou pe vot lo Bidze pou *Seychelles Infrastructure Agency* lo paz 346 ziska 355 pou en total R480milyon 178 mil. Manm ki an faver lev lanmen silvouple? Bon, mersi. Manm ki vot kont.

Vot lo Bidze pou *Seychelles Infrastructure*

Agency lo paz 346 ziska 355 pou R480milyon 178mil. 23 Manm in vot pour, 0 kont e 7 in *abstain*. Vot in aprouve par Lasanble.

I a reste mwan pou remersye *VP*, *PS*, Madanm *Comptroller* e osi staff Minister Finans ki mon krwar pe kit nou pou se moman. Zot pou ganny ranplase apre midi. Mersi pou zot partisipasyon e bonn kontinyasyon. Bon kouraz dan zot travay.

Nou *schedule* in gat en pe, nou a re pran travay 3er apre midi. Madanm Clerk mon sipoze ou a re organiz nou *schedule* mannyer ou vvar i byen silvouple. Mersi, nou a pran *pause* e nou a re zwenn 3er.

(BREAK)

SEYCHELLES INTELLIGENCE SERVICE

MR SPEAKER

Bonn apre midi tou dimoun dan lasal e an deor. Nou'n arriv lo Bidze *Seychelles Intelligence Service*. Madanm Raporter ou ava apel delegasyon. Bonn apre midi Vis-Prezidan Ahmed Afif ki avek delegasyon *Seychelles Intelligence Agency*. E nou annan Mr Benediste Hoareau

son Direkter Zeneral. Ms Jerina Naiken, *accountant*.

E lo kote Minister Finans nou annan nouvo zofisyè osi. Ms Astride Tamatave, *Deputy Comptroller General* e Ms Noella Vinda, *Acting Director Public Budget Management*.

Bidze Seychelles. Now, let's get this right. Madanm Clerk please clarify, lekel ki pou klarifye petet Madanm sa. Is the correct name *Seychelles Intelligence Services* or *Seychelles Intelligence Agency? Service?* Byen.

Mon a pas lo sa enn alors. *Seychelles Intelligence Service* lo paz 38 ziska 41 pou en total R13milyon 594mil. Vis-Prezidan lントrodiksyon lo sa Bidze silvouple.

THE VICE-PRESIDENT MR AHMED AFIF

Mersi bokou Mr Chairman. Bonn apre midi Mr Chairman, tou bann Manm Lasanble, tou dimoun a lekout. Sa Bidze pou 2022 pour *Seychelles Intelligence Service* i R13milyon 594mil ki ler ou konpar li avek 2021, sa lannen i R12milyon 759, ki en diferans R835mil selman koman en logmantasyon pou lannen 2022.

Sa logmantasyon i prensipalman anba *goods and*

services ki li in mont par R1 milyon. *Wages and salaries* aktyelman in desann par R176 mil. In desann akoz sa Direkter administrasyon ki ti'n fer provizyon pou li, aprezan i pou ganny pran an Oktob 2022. Alors laplipar sa saler pa'n neseser an Bidze 2022.

Goods and services, son rezon prensipal ki in ogmante i annan 3 *heading* prensipal ki montre logmantasyon, *office expenses* ki li in mont par 396mil. Laplipar ladan sete pou bann kou ki relye avek biro, elektrisite avek telefonn.

Elektrisite li in mont par R80mil par an e telefonn R128 mil. Answit transportasyon in mont par R211mil. Sa i pou transportasyon.

Transportasyon i annan *fuel* pou bann transpor, *car hire* ki zot servi dan loperasyon e answit i annan en konponan pou bann *ferry* si zot monte Praslin. Praslin e La Digue.

Maintenance in mont par en pti sonm, R11mil 720 ki apepre R1000 par mwan, ekstra. *Other uses of goods and services*, sa se i annan en konponan 392mil logmantasyon. Rezon pou sa se sa ki zot apel dan term lentelizans, *information award*. R600mil ki zot in mete.

Me an menm tan ki sa in ogmante, *rent* pour zot batiman in redwir par R244mil, pou la senp rezon ki ti annan en biro dan Victoria ki zot pe nepli lwe aprezan.

Alors vwala Mr Chairman, *overall*, an tou logmantasyon i zis R835mil pou *Seychelles Intelligence Service*. Gouvernman i santi poudir sa i en sonm rezonnab konpare avek zot bann sonm ki zot in gannyen dan bann lannen presedan. Zot pe fer en travay ki ase byen. I pe mars tre byen e nou santi poudir sa sonm ki nou'n met devan i rezonnab e nou'n eksplik li ase kler.

Si i annan okenn kestyon, lekip i la pare pou eksplike. Mersi bokou Mr Chair.

MR SPEAKER

Mersi. Nou a pran kestyon bann Manm. Onorab Pillay, wi i a komanse.

HON SEBASTIEN PILLAY

Mersi Mr Chairman. Bonn apre midi. Bonn apre midi Vis-Prezidan avek Direkter Zeneral, Servis Lentelizans Sesel. E ou delegasyon, bonn apre midi. E bonn apre midi tou dimoun ki a lekout.

Mon ti a kontan demann Direkter Servis Lentelizans, tout an prenon an kont sa natir

sansib zot travay, pou donn mwan serten leklersisman lo serten *heads* dan Bidze ki devan nou. Lo serten provizyon bidzeter ki devan nou, pou ki nou kapab ganny serten klarifikasyon.

Premyerman mon ti a kontan ou klarifye an relasyon avek sa logmantasyon, dan *hired vehicles*, mon prezimen Lazans i en Lazans *delegated* avek Gouvernman e osi resevwar en provizyon pou veikil avek Gouvernman. Pou ki rezon in annan sa logmantasyon dan ou *hired charges* pou *vehicle* e ki mannyer zot pe *account for* sa bann logmantasyon ?

Akoz in annan dan lepase kot koman en Manm FPAC e koman *Chairman FPAC*, kot nou'n rankontre serten sirkonstans kot servi *car hire* in *rise* plizyer konsern an relasyon avek depans piblik?

Mon dezyenm kestyon, e la mon oule ki ou konpran mon kestyon byen, pou ki ou pa al dan bann detay, akoz mon prezimen ou'n bezwen zwenn avek Komite Ladefans ki'n diskrit ou Bidze avek ou e ou'n annan Manm lo nou ote latab osi ki form par Komite Ladefans.

I annan sa size *information awards*. E dan zot term sekirite

pa zis ou ki resevwar en Bidze koumsa, me Departman ki *deal* avek Lapolis osi i resevwar en Bidze parey. So, nou annan diferan *information awards* ki pe ganny donnent.

Premyerman en kestyon mon ti a kontan konnen. Ki mannyer ou *account* pou bann depans anba sa *information awards*. Eski i annan en sistenm ki *monitor*, ki zot odit pou asire ki sa bann *information award* i ganny donnent dan fason ki pou anmenn en rezulta? E an relasyon avek sa, ki mannyer ou konekte ek Lapolis, kot si en dimoun pe pran, pe donn lenformasyon. Pa pe donn *information awards* atraver Lapolis e osi atraver SIS an relasyon avek lenformasyon, eski i annan serten paralel ki zot etabli dan bann diferan Lazans pou fer sir ki bann larzan ki nou met pou sa bann dispozisyon koumsa i ganny servi dan sa fason?

Mon trwazyenm pwen i an relasyon avek dan sirkonstans kot zot pe fre bann lanket. Ou Lalwa i fer serten provizyon pou proteksyon bann dimoun ki bann *whistleblowers* oubyen bann dimoun ki donn bann lenformasyon. E i annan bann lezot Lalwa aki pran li, me selman a la lezer.

Ou annan provizyon dan Bidze pou osi *provide* sekirite oubyen dan sirkonstans kot ou bezwen en endividu pou ed ou avek serten lenvestigasyon, kot ou kapab protez sa endividu, eski i annan provizyon dan sa Bidze pou fer li, e la nou pe koz lo *protection of witnesses and whistleblowers*.

Mon dernyen kestyon i en pti pe zeneral. In annan serten konsern resaman lo *whether* si bann lafors sekirite pe ekout telephon dimoun. Mon ti a kontan ou reasir nou ozordi Direkter Zeneral pou SIS ki dan zot kapasite koman SIS ki zot pe fer zot louvraz an tout enparsyalite, e ki napa okenn *attempt* pou ekout telephon personn dan Sesel ? Mersi Mr Chair, Mr Chairman.

MR SPEAKER

Mersi. Yes, Vis-Prezidan. *DG*.

THE VICE-PRESIDENT MR AHMED AFIF

Mersi Mr Chairman. Avek ou permisyon mon a les sa bann kestyon ganny reponn par *DG*.

MR SPEAKER

Yes *DG*.

DIRECTOR GENERAL BENEDISTE HOAREAU

Mersi Mr Chairman. Bonn apre midi Mr Chair. Bonn apre midi bann Onorab, bonn apre midi tou dimoun a lekout. Onorab mersi pou ou bann kestyon tre pertinan, tre enteresan.

Hired vehicle i tre senp. Nou pa kapab servi nou transpor pou fer loperasyon ladan akoz in ganny marke. So, nou bezwen sanz transpor detanzaot. Sa i en *practice* ki *time immemorial* in ganny fer e i pou ganny fer a lavenir e tou lezot, i en *practice* partou. So, unless ki nou annan en resours masiv kot nou annan en gro *fleet* transpor byen kasyet partou kot nou kapab sanze enn a lot, nou pou bezwen kontinyelman servi *car hire* letan i neseser pou fer nou bann travay.

Lo kote ki mannyer nou lwe nou *car hire*. Otan ki posib nou fer li anliny avek *procurement* e nou sistem i kler, i la. Nou napa okenn fason kas kontour. E i annan 2 sa *car hire* ki nou'n fini etabli, mon krwar nou'n ekrir *procurement* pou dir poudir sa bann nou pe travay avek, nou'n VET zot.

Apre i annan bann letan ki nou fer bann *impromptu to rent*. So, sa osi. Tou sa bann depans i ganny kouver, i la, i kler. So, lo sa kote wi nou pou

kontinyelman servi *car hire* e ou pou vvar a la mezir ki nou bann loperasyon i ogmante dan le fitir, mwayen i permet, petet i pou annan en logmantasyon dan *car hire*, depandan lo kantite ki nou pe fer an menm tan.

Lo kote *car hire* avek depans piblik, mon krwar mon'n reponn.

Information awards. Sa *information awards* ti en *loose term* ki nou pe revwar avek finans. Actually i kouver bann kou loperasyon. Now, the bulk of any enforcement oubyen lentelizans se son loperasyon normalman. E nou, nou ankor ptipti. So, i pe balans ant nou ladministrasyon, *programme one* avek loperasyon. So, sa larzan i ganny servi pou kouver tou nou bann loperasyon e sa larzan nou *account for it*, nou annan nou fason internally ki nou met, ki nou *keep rikord of* ki mannyer i ganny depanse.

E of course nou pa kapab devwal avek tou dimoun e dan gran lamizer nou pa merit devwal avek tou dimoun.

Akoz menm dan tou bann pei ki'n etabli, bann servis ki'n etabli. Sa bann larzan ou pa kapab devwal li avek tou dimoun, for the simple reason i pou annan letan kot ou pou met lavi, oubyen ou pou met serten

loperasyon. Ou pou met serten keksoz a risk.

So, wi nou annan en sistenm, i annord. Nou bann larzan i ganny *accounted for* e nou fer li ladrwatir. E mon konpran Onorab. Pa zis Onorab dan Lasanble me piblik osi, ler nou ekout *TRNUC*, nou ekout sa ki'n arrive dan lepase, mon kapab konpran akoz i annan sa konsern koumsa e mon asir zot poudir non. Nou pa'n met lanmen dan en tirwar pou tir en ponnyen larzan pou desann avek. I pa mars koumsa, i annan en prosedir an plas.

Travay avek Lapolis. Nou travay avek Lapolis, wi. Me dan konteks koumsa non. Nou pa travay avek Lapolis akoz Lapolis ek lezot, *there are separate entities* anba zot Lalwa e nou pa oblize *share* sa lenformasyon.

Par kont nou annan serten prosedir an plas, ki nou kapab *single out* oubyen *without* bann dimoun ki pe zis vin fer en *shopping* pou en pti larzan. So sa osi i pa mars koumsa. Nou annan nou. Konmsi la mon a dir tre kler, si ou krwar ou pe vin rod en pti larzan kot nou, blyie, pa vini. Akoz i pou annan serten kondisyon ki ou pou bezwen,

kriter, ki ou pou bezwen *meet* avan ler ki nou aksepte sa.

So Lapolis ek lentelizans i de keksoz konpletman diferan. Nou *share* lenformasyon, nou travay ansanm wi. Me nou pa get dan kanmarad si sa pe travay ek ou, si sa pe travay ek ou. Nou, nou annan nou fason konnen si en dimoun pe kas anba.

Whistleblower. Wi e non. I depan lo ki groser sa lanpler i ete e ki kantite sa dimoun i pare pou travay ek nou. Akoz Onorab, Mr Speaker atraver ou. En kantite fwa sekirite en dimoun se i dan son lanmen laplipar ditan, i pa dan en lot *entity*. I annan en kantite fakter. Nou, nou travay ek nou bann dimoun *step by step*, nou eksplik zot.

Menm i annan letap kot si zot pou vin donn en lenformasyon son risk i o, nou asize nou montre zot poudir *this is the risk*. Ler ou komanse ou pou bezwen fini *at one point* i pou annan sa kalite danze, sa kalite danze. Sa dimoun i fer son nide si i anvi vini.

Nou, nou dir ou ki nou kapab fer e nou apres Lotorite e la nou travay ek bann lezot Lotorite ki mannyer nou kapab ed sa dimoun an term sekirite. So, mon pa konnen si in reponn.

Bugging telefonn. Onorab SIS normalman si mon ti pe asiz devan en kongre SENA Lanmerik mon ti reponn sa kestyon koumsa, “*I cannot confirmed nor deny this information.*” Be selman nou Sesel. Normalman *this is* ki mannyer nou reponn sa kestyon an term lentelizans.

Me selman nou Sesel, mon kapab kategorikman dir ou non, nou pa pe *bug* okenn telefonn. Personn. Selman atraver Lalwa, *bugging* i en keksoz ki ganny fer oubyen *interception* i en keksoz ki ganny fer dan tou pei dimoun. Atraver Lalwa si en zour i annan nesesite e i annan kapasite, koman en Gouvernman responsab, mon krwar nou pou bezwen fer li.

Akoz ler nou pe koz teroris, nou pe koz *organised crime*. Nou pe koz drog, nou pe koz *extortion*, nou pe koz bann *high profile crime* ki tre, tre sofistike, nou pa pou kapab fer li zis an term *text book method*.

So, this is one bridge. When we reach it, we'll cross it. Me for the time being Onorab, parey mon ti dir lannen pase, non nou pa pe *bug* okenn telefonn. Mon pa konnen si mon'n reponn ou kestyon. Mersi Mr Speaker.

MR SPEAKER

Wi, si ou le *follow-up* en pti git Onorab.

HON SEBASTIEN PILLAY

Mersi Mr Chairman e mersi Direkter Zeneral pou ou larepons, mon apresye ou dernyen larepons *and I will hold you to that*. Parey ou konn tre byen, mon konn ou Lalwa tre byen. Mon ti la ler ou Lalwa pe ganny drafte e mon ti la ler ou Lalwa pe ganny pase.

Premyerman i annan en klarifikasiyon mon oule demann ou. Enn bann konsern ki mon'n annan, e ki mon annan toulstan an relasyon avek okenn larzan ki nou mete pou ganny depanse anver bann lopresyon sekirite pei, se ki i annan en lot morso sa depans ki vin in *the interest of national security*.

E parfwa sa palto, mon dir sa palto oubyen mon dir sa patant i kapab ganny servi *either* dan en fason pozitiv oubyen dan en fason negativ e ou ava aksepte sa.

So, me dan lentere piblik, mon pa ti ava kontan ki mwan mon jeopardise okenn fason oubyen en keksoz ki ou dir mwan i *jeopardise* okenn fason ki ou Lazans i fer son louvraz, akoz ou form parti en mayon dan sa lasenn pou protez pei kont kriminalite, terorizm e tou

bann lezot aksyon ki kont Lalwa.

So, ceci dit enternelman i bezwen annan en sistenm kontrol ki ganny etabli e ki apre i bezwen kapab ganny pran. Mon krwar ou Lalwa i fer provizyon pou ki menm Oditer Zeneral, i kapab get serten konponan pou serten depans.

Eski ou kapab reasir Lasanble ki koman en Lanz Sekirite ki nou donn ou en Bidze pou fer serten travay, ki ou annan bann kontrol entern pou asire ki bann depans ki vin dan bann eleman ki al tonm dan lentere sekirite nasyonal, par egzanp bann *information awards* ki parey ou'n dir, mon kontan ou'n koz laverite. Kot ou'n dir i pou annan larzan ki pou ganny servi pou loperasyon.

Ki sa bann kou i ganny byen odite *internally* pou asire ki dan lafason ki nou Lasanble Nasyonal e lepep Seselwa pe met sa larzan dan lanmen bann Lazans sekirite ki pe ganny servi dan en fason ki i pe ganny servi.

So, eski ou kapab donn nou sa lasirans ki ou annan bann kontrol entern byen etabli, atraver ou sistenm pou monitor ki mannyer sa bann larzan i ganny depanse? Mersi Mr Chairman.

MR SPEAKER

Mersi Onorab. DG.

DIRECTOR GENERAL BENEDISTE HOAREAU

Mersi Mr Chair, mersi Onorab. Nou annan en sistenm an plas, akoz mazinen nou ti komans *from scratch*, zero. Nou annan en sistenm an plas, si i *super* byen mon pa konnen. Me selman nou annan en sistenm an plas kot i annan rikord, nou kapab ganny odit. E odit fek fini fer en odit kot nou la e mon sipoze zot a ganny rapor soon.

E nou ti montre zot de lwen *how it works*, nou pa'n al dan bann detay. E pou li vin byen *audited*, aktyelman nou pe travay avek bann profesyonnel ki annan ekspertiz dan *management of financial intelligence* e zot pe ede pou set up nou sistenm.

So, whatever lackin ki nou annan la i pou ganny kick out, i pou ganny montre e probableman mon kapab dir ou dan lefitir sometimes, poudir la nou sistenm, wi i fullproof 100 poursan.

Me selman *right now* i annan en sistenm, i *according to accounting* mon krwar byen. Ou annan tou nou bann sa e mon krwar i pe marse *so far*. Mon kapab dir ou konbyen nou

depanse apepre, kot i ete, tou bann zafer koumsa. Mersi Mr Chair.

MR SPEAKER

Thank you DG. Kestyon Onorab Cosgrow.

HON WALLACE COSGROW

Mersi Mr Chair. Mr Chair, mon annan zis en pti kestyon. Mazorite Bidze ki'n ganny *allocate avek Seychelles Intelligence Service i al dan wages and salaries.*

E malgre mon asire zot annan en loperasyon ase *extensive*, mon pa vwar en kantite larzan dan loperasyon. Mon vwar mazorite dan *wages and salaries*.

So, mon pe prezimen petet zot annan *very labour intensive*. Zot annan bokou dimoun. Mon pa konnen si i posib, me mon ti a kontan konnen konbyen *staffing* nou pe koz lo la pou sa kantite larzan silvouple? Mersi.

MR SPEAKER

Mersi Onorab. *DG.*

DIRECTOR GENERAL

BENEDISTE HOAREAU

Mersi Mr Chair. Mersi Onorab pou ou kestyon. Onorab pou rezon sekirite mon pa pou kapab devwal piblikman konbyen *staff* nou annan e ki

zot pe fer. Selman ou kapab kontakte Chairman Komite Defans avek bann Manm, zot a donn ou tou sa bann detay. E tou sa bann detay zot annan, nou'n pas lo la, nou'n diskit lo la. Mersi.

MR SPEAKER

Mersi *DG.* Onorab Henrie.

HON GERVAIS HENRIE

Mersi Mr chair. Bonn apre midi tou dimoun. Mr Chair, mon krwar en mo ki Mr Hoareau in manke dan son lapriyer, dan son leksplikasyon pou kestyon Onorab *Leader Lopozisyon*, zis pou pa senm lafreyer, entersepsyon bann telekomunikasyon anba Lartik 18 (1) zot *Act*, i presize ki en Ziz ki pou otoriz zot Lazans fer sa, donk zot bezwen zistifye devan en Lakour akoz zot bezwen entersepte.

Alors pou satisfer nou piblik ki telefon pa pe zis ganny, pou pa senm lafreyer, i pa pe ganny ekoute an bonn a vini.

Mr Chair, mon annan de pti kestyon. Mon'n note labsans bann target dan zot dokiman Bidze. Zot pa le sel antite ki mon'n vwar napa target. *SDF*, Larne osi napa target. So mon kestyon Mr Chair, petet pou Minister

Finans, ki mannyer zot aksepte sa ? Akoz *at the end of the day* nou pe donn zot sa bann antite en Bidze, pou kwa vreman si zot napa en target? E poursantaz lakonplisman. Sa i mon premye.

Dezyenm, en pe dan menm laliny, mon'n not zot *Act* i pa fer provizyon pou zot donn en rapor anyel, me i annan bann Lazans Sekirite, lentelizans atraver lemonn, Letaz Ini par egzanp, kot i annan. Zot bezwen anba Lalwa fer en rapor anyel e anba sa bann rapor zot annan sa ki zot apel *classified annex* ki annan bann lenformasyon, i pa met *public*. Me selman lot.

Donk, par lefe ki zot napa sa, ki mannyer vreman nou koman en Lasamble nou pou kapab satisfer nou lekor, ki vreman zot pe fer en diferans dan lavi, dan devlopman nou Nasyon? Eski par egzanp en lamannman kot ti ava obliz zot Lazans annan en rapor anyel i ava en keksoz ki zot Lazans pou *welcome?* Mersi Mr Chair.

MR SPEAKER

Mersi, kekfwa nou a les VP adrese si i oule komant lo sa kestyon. Si i oule i a pas kot Minister Finans apre.

THE VICE-PRESIDENT MR AHMED AFIF

Mersi Mr Chair. Mr Chairman e Onorab. Travay e natir travay lentelizans, souvandfwa, mwan mon pa eksper ladan, me selman souvandfwa son rezulta i pa manifeste atraver sa Lorganizasyon. Zot form parti enn bann lebra Gouvernman ki *involve* dan lalit kont plizyer keksoz ilegal. Par egzanp drog, krim, blansisaz. Zot enn dan bann lebra.

E souvandfwa zot travay ki zot fer i pa manifeste direkteman. Par egzanp si ou 'n atrap en dimoun ki ti dan trafik drog par egzanp. Ler i pou ariv Ankour, ler pou al zize. I pou demande be, tou bann levidans ki'n ganny anmase.

Tou sa bann levidans i pou levidans Lapolis, i pa pou zanmen lentelizans. Me se lentelizans ki gid bann Lotorite Sekirite, tel ki Lapolis, tel ki *Cost Guard*, tel ki *Air Wing* lo bann keksoz ki pe arive pou zot fer sa swivi.

Alors souvandfwa, si ou pou demann son target pou li, li, li menm i pa pou montre ou target parske rezulta i vin dan bout en lasenn loperasyon e rezulta i vin atraver en aktivite par en lot Lorganizasyon, tel ki Lapolis ler i atrape. Tel ki

Coast Guard ler i atrap en Dav *Iranian*. Se la rezulta.

Me selman li i pa kapab dir, me sa ti mon travay, i pa zis pou li. Alors souvandfwa dan bann tel loperasyon, zot, zot en dimoun ki kontribye en bout ladan.

Prezan pou ou kapab pibliye sa bann target i pou osi dan en fason endik petet a en nivo ki tro ekspoz zot avek zot nivo loperasyon, e alors i vin en pe difisil. Mon pa kapab donn ou standar ki'n ganny etabli par egzanz dan bann pei pli devlope. Tel ki Lanmerik, lo ki fason zot fer li.

Selman mon tant pou dakor avek ou ki i bezwen annan en fason ki ou fer en *reporting*, menm ki i konfidansyel. Me selman ki bann Lotorite avek en nivo sekirite ki normal, i kapab ganny akse avek.

So i en pe nouveau pou nou, dan lafason ki nou pe travay. E mon krwar sa *Act* i nouveau pou zot osi, me selman mon kapab dir avek ou ki zeneralman Gouvernman i satisfe lafason ki zot pe travay, rezulta endirekteman ki zot pe anmennen. Sa i evidan ozordi dan zis enn bann konponan lalit ki zot anmennen sirtou kont drog.

Sa lannen i bezwen annan omwen 4, 5 Dav Iranyen ki'n ganny entersepte. Mon krwar i en rikord, dan en sel lannen. E dan preski dan tou sa bann entersepsyon, tou drog in ganny detri oubyen in ganny anmase.

E sa i reflekte ozordi lo marse ki ou vvar, rezulta ki ou vvar lo marse. Pri drog e ki lefe i montre ki i napa sa kantite ki pe sirkile e sa i endirekteman en gro zefor lo zot lapar.

An menm tan zot pe osi travay ek Lapolis pou ed Lapolis pou detekte krim dan lezot fason. Parski zot osi zot annan dimoun ki pe *monitor*, ki pe asiste Lapolis pou konnen lekel bann kriminel. Kote zot *operate*, ki zot bann *network* ki zot servi.

E tou sa bann lenformasyon i ganny pase avek bann Lotorite pou zot konnen.

Parey mon'n dir. Mon pa konnen ki mannyer nou kapab etabli sa bann target, selman mon dakor avek ou ki i bezwen annan en fason mezire. I bezwen annan en fason kot ou rapporte osi e petet nou ava etabli bann *best practice* e nou a swiv ou sizesyon pou gete ki mannyer ou kapab fer sa arive a lavenir. Mersi Mr Chair.

MR SPEAKER

Mersi VP. Mon napa okenn lot kestyon lo sa Bidze. Alors mon ava apel bann Manm pou vote lo Bidze *Seychelles Intelligence Service* ki lo pa 38 ziska 41, pou en total R13milyon 594mil. Manm ki an faver lev lanmen silvouple? Mersi, okenn Manm ki kont? Fini vote.

Byen, vot lo Bidze *Seychelles Intelligence Service* lo paz 38 ziska 41 pou R13milyon 594mil, 31 Manm in vot pour, 0 kont, 0 abstansyon. Bidze in aprouve par Lasanble.

Mon a dir mersi *DG Hoareau* e son *accountant* e mon a swet zot bonn apre midi, bonn kontinyasyon. E bon depar. Mersi.

VP mon pe swet ou orevwar osi la? Be bon, VP mersi pou ou partisipasyon avek nou. E *à la prochaine*.

Nou a pran en pti *break teknik* pou *sanitize*.

(technical break)

PUBLIC SERVICE APPEALS BOARD**MR SPEAKER**

Bon, mon swet la byenveni bann zofisyen *Public Service Appeals Board*. Mr Bryan Julie son *Chairman*. Mr Gerald Julie,

Member e Ms. Louisette Belle, Member.

Nou pran Bidze *Public Service Appeals Board* lo paz 114 ziska 116 pou en total R1milyon 127mil. Pa en gran Bidze. Tre byen. *Chairman* i a fer lentrodiksyon lo son Bidze silvouple.

CHAIRMAN PSAB**BRYAN JULIE**

Mersi Mr Chairman. Bonn apre midi tou Manm Onorab. Mr Chairman, mon krwar Lasanble i okouran ki nou'n fek ganny apwente mwens ki 3 semenn pase, e *by then* letan nou ti ganny apwente Bidze ti'n deza fini *submit* avek Lasanble.

E ti annan en nesesite pou nou fer kontak avek Minister Finans pou kapab ed nou pou dir nou detay sa Bidze. *In view of the fact* ki avek sa novo PSAB ki nou, nou pe anvizaze pou annan serten sanzman.

Par egzanp lo kote lokasyon nou pou bezwen move. Akoz nou ti deza dan biro sa *Chairman* e dezyenmman serten lekipman ki nou ti vvar ki i manke e osi nou ti dir avek Minister Finans, nou pa pe demann en ogmantasyon sa Bidze ki'n ganny prezante, me nou oule travay *within the budget* pou fer serten sanzman.

E sa nou ti ganny sans fer e zot a konpran ki ozordi i en pti pe difisil pou nou eksplik sa Bidze an detay. Me nou a kapab reponn kestyon lo okenn sanzman ki nou'n bezwen fer.

Me selman i pou tou dan lanmen Minister Finans pou dir nou ki mannyer nou Bidze pou ganny *allocate*, akoz serten *Heads* in disparet e ki nou, nou bezwen fer serten amelyorasyon an se ki konsern sa bann *heads*.

Mon pa konnen si i annan okenn kestyon lo mon lentrodiksyon.

MR SPEAKER

Nou a demann kestyon ansanm Chairman. Si ou'n pare nou a pran kestyon. Ou'n pare ? Byen, mon a pran kestyon bann Manm. Onorab, *un instant*. Espere mon a mark sa de. Ou'n lev lanmen Onorab Pillay.

Ok, Onorab Henrie i kapab komanse.

HON GERVAIS HENRIE

Mersi Mr Speaker. Mon'n not komanter *off--mic* *Leader Lopozisyon*. Mr Speaker, mon kestyon i swiv sa ki Chairman *PSAB* in dir nou. Akoz letan nou ti vot Bidze pou *Curator*, mon ti pe fer konparezon avek lakantite larzan ki sa lofis ti'n gannyen, R6 milyon *plus*. E

mon ti pe dir akoz li in ganny sa kalite Bidze, konpare avek bann lezot *constitutional body*, parey *Ombudsman* e mon ti nonm *PSAB*.

E ti annan en komanter ki *AG* ti fer, be zisteman eski *PSAB* dan bann lannen ki'n pase, efektivman in kapab fer son travay avek sa kalite Bidze ? E mon konnen en pe mannyer in marse. Par egzanz son biro ti dan biro *Chairman PSAB*.

Donk la zot in vini, konpletman novo tou le 3 dimoun. Zisteman ki zot pe anvizaz fer dan la mezir an term sa Bidze pou zot kapab ganny biro pou asire, akoz sa biro i telman enportan pou bann travay servis piblik.

Pou zot kapab, lokasyon, bann lekipman parey *computer, staff* si i ok. Dan *short term* ki pou ganny fer pou asire fonksyon sa lofis, sa *Board* i marse e reponn a bezwen, servis ki i sipoze pe donn bann travayer. Mersi.

MR SPEAKER

Mersi. *Chairman* ou a adrese.

CHAIRMAN PSAB

BRYAN JULIE

Mersi Onorab. Aktyelman letan nou *Board in meet*. Nou'n pran en desizyon ki nou pa pou reste dan sa biro ansyen *Chairman*.

So, nou'n fer en demars pou ganny en lot landrwa e osi DPA in promet nou ki i a rod en *conference room* parla pou nou kapab ekout nou bann *case*. Me selman an se ki konsern biro, nou'n fini annan en biro dan *Premier Building*. Nou'n konstate ki sa landrwa kot i ete i pa konvenab e osi nou bezwen bouz nou bann *staff*. Sa 3, 4 *staff*.

Akoz aparaman sa 4 *staff* ti ganny peye par *PSAB*. Me selman zot tipe reste dan biro ansyen *Chairman*.

An se ki konsern si nou pou kapab delivre ? Mon pe donn Lasamble lasirans ki nou'n deza mazin en plan *training*. Mazin ki mannyer nou pou re organize, akoz nou krwar ki petet lafason ki *PSAB* ti pe fonksyonnen avan i pa ti konvenab, i pa ti zis.

Apre osi, *PSAB* dan son manda i annan 5 keksoz ki bezwen fer. nou bezwen fer sir ki nou pa ganny bann ka kot nou ganny *appeal* pou al Lakour Siprenm e dan Konstitisyon i spesifye kan ki nou devret fer.

I annan de ka kot serten dimoun ti fer konplent ki an deor sa manda, apre in ariv serten konplikasyon. So, nou bezwen fer ki nou 3 manm la, nou *train* nou lekor, nou

kennen ki bann konplent ki nou devre *entertain* e fer sir ki nou donn en larepons, en zizman *in the shortest delay*.

Akoz sa bann problem ki Konstitisyon, manda ki i donn nou, i pa bann keksoz ki sitan difisil, ki bezwen pran en ta letan. I vre ki i annan dimoun ki'n konsilte nou. Zot dir nou koumsa zot *case* in la pou en bon pe letan. Be nou, nou pou fer sir ki nou *treat* sa *back log* vitman e an menm tan nou *entertain* tou bann konplent ki bann *public officers* i anmenn devan nou. Mersi.

MR SPEAKER

Mersi Chairman. Onorab Cosgrow.

HON WALLACE COSGROW

Mersi Mr Speaker. Mr Speaker, en parti mon kestyon in preski dir ganny reponn dan en larepons ki Mr Julie in dir. Mon ti pe get sa diferans ant lapey avek *allowance Board*. So, si zis i kapab konfirm ek mwan poudir *Board members* zot pa neseserman travayer *PSAB*, me i annan en sekretarya *PSAB* ki sa *wages and salaries* pe kouver zot saler. Mersi bokou.

MR SPEAKER

Mersi. Chairman ou a adres sa silvouple.

CHAIRMAN PSAB
BRYAN JULIE

Mersi Onorab. Aktyelman Onorab, les mon a dir ou fransman, ziska aprezan mon pa konnen ki mon saler. Mon aprann ki nou saler oubyen *allowance*, ki mannyer i ganny apele. I pa sorti dan Bidze *PSAB* e ki ganny peye direkteman swa par Minister Finans or par *DPA*. Se bann *staff*, sa 4 *staff* osi ki la zot lapey pa sorti dan Bidze *PSAB*. Selman zot pa ganny pey *from* biro, me zot saler i sorti direkteman kot mon prezimen Minister Finans.

An se ki konsern saler, fransman nou en pti pe *in the dark* pour lemoman. Me selman i pa en keksoz ki nou pe taye pou rode. Mon krwar nou tou le 3 nou anvi delivre sa servis, apre saler i a vin pli tar. Mersi.

MR SPEAKER

Wi Onorab, ou kapab *follow-up*.

HON WALLACE COSGROW

Non, mon ti e pe zis dir i parent Minister Finans i annan en pti ...

MR SPEAKER

Minister Finans kekfwa i kapab azout ki mannyer sa i kapab marse. Wi. Ms Tamatave.

**DEPUTY COMPTROLLER
GENERAL ASTRIDE
TAMATAVE**

Bonn apre midi Mr Chair. Bonn are midi tou Manm. Mr Chair, saler bann Manm i anba *Constitutional Appointees* e i ganny peye par *President's Office*. Savedir letan nou ti pran en vot anba *other wages*, nou ti pran vot osi pou saler bann manm *PSAB*. Anba zot *basic salary* anba zot *wages in cash* i pou sa 4 travayer ki sa lofis i annan e sa i lo zot *payroll* e sa i ganny peye direkteman par Trezor. Mersi.

MR SPEAKER

Mersi. Wi Onorab ou le *follow-up* -wi?

HON WALLACE COSGROW

Wi, *follow-up*. Me *sorry*. Konmsi an respons ki Ms Tamatave in dir, mon vwar dan *other uses and services* i annan *Board members allowance* ankor. So, konmsi ou'n dir i dan *Constitutional Appointees*, la mon vwar anba zot Bidze. Zis klarifye.

MR SPEAKER

Ms Tamatave ou kapab fer komanter lo la.

**DEPUTY COMPTROLLER
GENERAL ASTRIDE
TAMATAVE**

Mersi Mr Chair. Mr Chair, sa provizyon ki la li osi i en keksoz ki nou'n *pick up* akoz aparaman bann *Members PSAB*, malgre zot ti pe ganny peye anba *President's Office* ki saler i ganny preskri anba en Lalwa, zot ti pe osi ganny pey en sonm dapre *Remuneration Policy* ki i pa ti sipoze le ka, me selman nou pe regard sa provizyon.

E parey Mr Chair in dir dan son lenthodiksyon. Sa detay Bidze ki nou pe regarde ozordi, i pa sa vreman ki *PSAB* pou egzekit lo la an 2022. Akoz i annan serten laliny ki pou tonbe e i annan serten laliny ki pou ganny ogmante.

E sa nou pou fer li letan nou pe anvoy *cash flow*. E naturelman Bidze *PSAB* pou 2022 i annan posibilité ki pou plis ki sa ki nou pe regarde ozordi, me selman nou pou anmenn sa adisyonnal si i neseser as part of nou *Mid-year Review exercise*. Mersi.

MR SPEAKER

Mersi Ms Tamatave. Onorab Georges ou ti annan kestyion?

HON BERNARD GEORGES

Non Mr Chair, mon ti anvi zis profit sa lokazyon pou mwan, akoz sa 3 manm fek ganny apwente, pou felisit zot lo zot lapwentman. Sa Chair, Mr Julie e son 2 lot Manm, Mr Julie ankor e Ms Belle. E swet zot en ekselan *tenure in office*.

MR SPEAKER

Mersi. Onorab Pillay ou kestyion.

HON SEBASTIEN PILLAY

Mersi, hold on Mr Chairman, i paret i annan en Manm in lev lanmen.

MR SPEAKER

Wi, be ou ti'n lev lanmen? Ou kapab demann ou kestyion, mon a pas lo li apre.

HON SEBASTIEN PILLAY

Mon ti krwar ou'n mank li. Mersi Mr Chairman.

Mon'n swiv premye kestyion ki'n ganny demande, mon krwar kestyion i enteresan sa kestyion.

Wi, mon krwar sa kestyion i enteresan Mr Chairman akoz i fer referans avek en pwen ki ti souleve, letan nou ti pe diskit *Curatelle Act* e *Office of the Curator*. E lefe ki ler nou pe regard Konstitisyon,

Konstitisyon i *devote at least 4 paz pou PSAB.*

E si Konstitisyon i *devote 4 paz pou PSAB, then Konstitisyon i recognise ki PSAB i enportan.* E si Konstitisyon i *recognize ki PSAB i enportan,* parey entervenan in koz lo la avan, mon pa'n dir nou'n al demande, mon'n dir i kestyon enteresan ki'n demande, i fer en sans alors pou nou ekspekte ki Minister Finans i konsider revwar sa Bidze dan lanpler ki *PSAB i bezwen fer, e dan lespri ki sa bann nouvo manm Board in vin devan.*

So, mon kestyon petet i pa al pou *Chairman* vreman Mr Chairman i al plito pou Minister Finans. E ler nou regard sa Bidze, si nou ti pou pran li parey i ete i ti pou annan zis en logmantasyon R1. *From one year to the next.* E ler nou regard rol *PSAB* e lefe ki son rol ki i annan pou bann travayer ki dan servis piblik i pou vreman enportan, e ki mon krwar ki sa nouvo *Board* i determinen pou zot fer zot travay.

Mon krwar i neseser dan sa revizyon ki nou sey ganny en pe plis avek Minister Finans. Eski zot annan lentansyon met plis resours a dispozisyon? Akoz mon bezwen demann sa kestyon dan sa fason Mr

Chairman, akoz mannyer nou'n ganny eksplike i paret poudir sa Bidze pou *sort of ganny share letan nou pe koz lo Mid-year Review.*

So eski zot annan lentansyon Minister Finans pou met plis resours a dispozisyon *PSAB*, pou zot kapab fer sa travay ki zot pe fer? E eski i annan konsiderasyon prenon an kont volim travay *as you go down the year*, pou konsider osi provizyon ki ou annan anba *Constitutional Appointees Emoluments*, pou bann dimoun ki lo *PSAB*, an relasyon ek fonksyon ki zot bezwen fer e travay ki zot bezwen fer pou bann travayer servis piblik? Akoz i pou annan plizyer konplent ki pou vini. Swa travayer servis piblik, swa travay an zeneral e *PSAB* pou annan en rol konstitisyonnel pou zwe.

So eski Minister Finans dan son reprezantan *Deputy Comptroller General* ki la i kapab reponn sa kestyon? E pou *Chairman PSAB*, eski ou'n ganny sans asize ek Minister Finans pou diskrit lo sa ki ou santi lo *the way forward* avek ou komite, e resours ki ou pou bezwen adisyonnel pou ou kapab delivre lo sa manda ki zot annan? Mersi Mr Speaker.

MR SPEAKER

Mersi. Ms Tamatave ou a adres kestyon Onorab Pillay premye, apre Chairman a adrese.

<u>DEPUTY GENERAL</u>	<u>COMPTROLLER ASTRIDE</u>
<u>TAMATAVE</u>	

Mersi Mr Chair. Onorab nou ti fer en premye *meeting* avek *Chairman PSAB* avek *member* Mr Juile, *last week* e an prensip nou ti *go over the current budget*. E i annan en legzersis ki *PSAB* pou bezwen fer in *terms of* kwa ki zot pou bezwen pou zot delivre lo zot manda e pou fer sir zot pe delivre dapre kwa ki Konstitisyon i espekte de zot.

Parey mon'n dir pli boner, nou konstate ki letan nou pou fer *cash flow* pou 2022 i petet ki sa Bidze i pa pou ale ziska Desanm. I pou al baze lo sa diskisyon ki nou pou fer avek *PSAP*. Par egzant en legzant pour lemoman anba zot *rent* i R4,300 par mwan, me sa landrwa ki zot in ganny pour lemoman i R10mil par mwan.

So naturelman sa alokasyon *rent* i pou bezwen an plis pou nou permet zot kapab pey zot *rent at least for the first 6 months*, avan ki nou kapab vin devan Lasanble avek en Bidze siplemanter.

So Minister Finans pou rezewenn avek *PSAB*, letan *PSAB*

in fini fer zot legzersis entern lo kwa ki resours zot pou bezwen pou zot kapab delivre zot manda pou lannen 2022. Mersi.

MR SPEAKER

Mersi. *Chairman* ou kapab konfirmen si ou'n kapab prezant ou ka avek Finans?

<u>CHAIRMAN PSAB</u>	<u>BRYAN JULIE</u>
-----------------------------	---------------------------

Mersi Mr Chairman. Antouka sa ki Madanm Minister Finans in mansyonnen i vre. Nou'n annan 2 antretien, mon krwar ti annan ankor bomaten. Me selman nou ankor pe diskite antre nou, pou gete ki nou pou bezwen e nou pou retourn kot Minister Finans pli tar avek nou rekomandasyon. Mersi.

MR SPEAKER

Mersi Chairman. Onorab Aglae wi, ou kapab poz ou kestyon.

HON EGBERT AGLAE

Mersi Mr Speaker. Bonn apre midi lekip *PSAB* e ankor dan zot nouvo travay ek parkour ki zot annan pou fer mon swet zot tou de bon. Premye mon ti a kontan en leklersisman. An vi ki *PSAB*, mon pe get sa pti Bidze ki zot annan e i annan bann case dan lepase kot *PSAB* in deza defann Ankour, ok?

Mon ti a kontan petet, Finans i la, eski i annan en *legal retainer* akoz mon pa vwar okenn larzan dan sa Bidze, si pou pey en reprezantasyon *legal* si an ka i annan *case*? Ouswa lekel ki reprezant zot, si i annan *case* ki pou bezwen al Ankour?

Dezyenm, se sa laspe mon krwar ki enportan pou piblik an zeneral konpran. Petet ki zot pe mazin fer an term sa ledikasyon pou piblik konpran en pe zot rol, kot zot pa zis reste an konfinman dan en lofis, me selman zot sorti en pe deor pou fer piblik konnen en pe rol ki zot annan pou zwe, sirtou dan sa letan aktyel la kot zentere servis piblik i bezwen ganny gete.

So, ki zot pe mazinen fer en pti pe an plis, pou kapab anmenn sa lapros lokasyon anver sa servis piblik li menm? Mersi.

MR SPEAKER

Mersi. *Chairman* ou a kapab adrese.

CHAIRMAN PSAB

BRYAN JULIE

Mersi Mr Chairman. Mersi Onorab. Onorab i kler ki premyerman nou menm nou, nou pou bezwen klarifye ki aktyelman nou pou bezwen fer.

Parey mon'n dir i annan de ka, parey ou'n dir i annan de ka kot *PSAB* in ganny mete Ankour. Me ti napa, lefe ki dan lepase sa msye ki ti la pandan 28an i ti en Avoka, i ti al Ankour, defann *PSAB* li menm.

Erezman oubyen malerezman mwan osi mon en Avoka, mon pa ankor vreman deside oubyen definir si mon pou al mwan menm. Me selman nou pou fer sir ki nou pa pe pran bann desizyon i demen nou pou bezwen al reponn kestyon Ankour.

E parey mon'n dir pli boner, sa louvraz ki *PSAB* i pe fer, i en louvraz enportan e nou bezwen fer sir ki desizyon i korek e i zis. I pa pou zoli ki ou'n pran en desizyon, apre demen ou pou bezwen al Ankour, al defann ou prop desizyon.

So, pou reponn premye kestyon, si napa naryen legal ki anpes mwan al defann *PSAB* Ankour, *then* nou pou fer li e osi si nou pou rod en *legal advisor*, sa osi i pou demann serten resours.

So pour lemoman sa *issue* nou pa ankor definir. Parey mon'n dir nou annan zis forse 18 zour depi ler nou'n ganny elekte.

An se ki konsern *training*. Premyerman *training* i pou

intern. Nou pou annan *training* pou nou 2 koleg e osi nou'n annan en diskisyon kot nou bezwen kree en *website*. Ti napa en *website* pou dimoun konnen kwa egzakteman ki nou pe fer, ki bann kalite problem nou kapab *entertain*.

E osi avek osi, akoz Konstitisyon pa anpes nou al dan bann landrwa travay sey fer en pe *training*, en pe piblisite. E sa osi nou bezwen fer li ansanm avek lezot antite. Parey Minister Lanplwa, zot osi zot annan sa responsabilite pou fer sir ki zot bann travayer i o fe avek Lalwa Lanplwa e osi avek *Public Service Orders*. Sa 2 keksoz i annan de fwa ki i mars ansanm.

So nou anvizaze annan en programm training. Me selman nou napa vreman detay, sa parey mon'n dir nou annan sa *website*, nou annan bann programm, apre nou annan vizit landrwa travay.

E mon krwar i ti pou osi pli byen si nou ti kapab tanzantan fer en programm lo televizyon, pou eksplik dimoun en pti pe ki nou fer e envit zot pou demann nou serten kestyon si i neseser. Mersi Mr Speaker.

MR SPEAKER

Mersi Chairman. Byen mon a pran kestyon Onorab Woodcock.

HON WAVEL WOODCOCK

Mersi Mr Speaker. Zis en pti klarifikasiyon ki mon pe rode baze lo *statement* ki Ms Croisee kot Minis Finans in fer resorti. Kot i konsern *allowances* pou *Board PSAB*. Annefe pou 28an avan, *the previous Board* ki ti la avan, i annan ki'n servi pou apepre 28an dan servis anba *PSAB*, e eski -? Zis mon pou ou e sa konfirmasyon, klarifikasiyon lo sa ki Minister Finans in dir, eski ou pe dir nou poudir ki sa *Board members* avan kot *PSAB*, ti pe ganny reminerasyon dan de diferan fason?

Enn, atraver ganny peye direkteman koman bann travayer konstitisyonnel avek Minis Finans? An menm tan zot ti pe ganny en lot reminerasyon atraver Bidze *PSAB*? Eski sa ti en keksoz ki ti legal? Ki kondisyon ki ti an plas pou zot kapab ganny 2 sours reveni, *allowance or reminerasyon*?

Epi mon annan en lot konsern ankor. Mon konnen zot novo, i en novo *Board*. Parey ou'n dir ou'n la detrwa semenn. *But* konsern ki mon annan, se ki ou konnen en gran

poursantaz bann *public servant* pa konnen *PSAB*.

Menm nou koman bann Manm Onorab, ler plizyer bann travayer dan Gouvernman i vin kot nou, zot annan serten *grievances*, nou les zot avek *PSAB*, zot pa konnen ki si sa *PSAB*.

E i annan bokou ki'n pran kontak avek *PSAB* e ki zot pa'n neseserman ganny sa servis. E mwan mon konn en kantite dimoun ki konplent ki dir menm si zot in sey pran kontak avek *PSAB* dan lepase, zot pa'n neseserman ganny sa sipor, sa rekour. *Or zot menm zot, they have no idea* vreman ki sa antite i fer. E mon konnen poudir zot annan en gran *task* devan zot pou enform piblik, sirtou bann travayer dan sekter piblik ki zot rol, ki louvraz zot fer e mon santi poudir sa i en antite ki vreman enportan.

Alors en pe parey dan menm laliny ki Onorab Aglae in demande, mon konnen zot annan en gro travay devan zot. En pti pe kekfwa zot nide, ki zot anvizaze fer pou vreman donn sa lenportans sa *Public Service Appeals Board*. Mersi bokou.

MR SPEAKER

Mersi Onorab. Ms Tamatave ou a eklersi sa pwen lo *allowance* premye.

<u>DEPUTY GENERAL</u>	<u>COMPTROLLER ASTRIDE TAMATAVE</u>
----------------------------------	--

Mr Chair, mersi. Mr Chair, lo kote kan ki sa *allowance* anba Bidze dapre *Remuneration Policy* ti pe ganny peye, mon pou napa en larepons ozordi pou donnen. Me selman sa i en legzersis ki nou menm nou Minister Finans, nou pe regarde.

Konversasyon ki nou'n fer avek *Cabinet Office*, sel saler ki bann Manm *PSAB* ti merit gannyen, akoz *President's Office* ki donn zot, zot let lo zot saler *once they are appointed*.

E sa *allowance* i pa preskrir dan sa let ki *President's Office* i donn sa bann Manm. Savedir sa 3 novo Manm, *the Chair and the 2 Member*, zot pou ganny en let sorti kot *President's Office* e sa pou konpri zot saler ki *President's Office* pou peye.

Me selman nou pou bezwen *go back*, nou Minister Finans pou regarde kan ki *the previous members* ti pe ganny sa, i R2100 par mwan. Kan ki zot ti pe komans gannyen e lo ki baz sa ti ganny aprouve.

S, nou pou bezwen *go back*. Mon napa en larepons ozordi pou mon donn Lasanble.

Me selman nou ava *provide* en *feedback* lo la. Mersi.

MR SPEAKER

Mersi. *Chairman* i annan kestyon, mon krwar ou'n deza dir poudir ou pou rod en pe programm televizyon. Petet Onorab Woodcock pe demande si ou annan lot mwayen ki ou pe mazinen.

CHAIRMAN PSAB

BRYAN JULIE

Mersi Mr Chairman. Onorab parey ou'n mansyonn avan ki aparaman i annan bokou dimoun pa konnen, pa konn *PSAB* e menm ou'n mansyonnen petet serten Onorab osi ler bann dimoun i vin apros zot, petet zot osi zot napa en repons adekwat pou dir zot.

Me selman *PSAB* son manda i ganny trove dan Sapit 11 Konstitisyon, mon krwar i komans aparti 145. So, i kler ladan tou sa ki *PSAB* i devret fer. E mwan parey nou'n dir, nou bezwen edik dimoun pou fer sir ki nou pa ale an deor nou manda.

So, parey mon'n dir nou pou inisyé serten programm televizyon pou anmenn enn de dimoun. Nou osi nou'n gannyen sa bann konsern ki dimoun in apros nou. I dir "be

la zot in *take over from the old Board*, ki pe arive avek mon case? Akoz i tarde?" En bann kestyon ki nou krwar i annan serten ledikasyon ki in annan serten inyorans lo lapar travayer.

I annan travayer ki vin devan *PSAB*. Apre selman zot pa konnen akoz zot in vini. Zis akoz zot annan en pti konplent dan landrwa travay, zot taye zot vini. Be *PSAB* i annan sa manda, pou deside si sa konplent parey nou dir *frivolous or vexatious*. E li i kapab swazir poudir sa *issue* pa tonm anba nou e nou pa pare pou *entertain*.

So i tou en lespri *training*, parey ki mon fer. Nou pa ankor vreman finaliz nou programm *training*, me selman en keksoz ki nou'n inisyé e nou pou kontinyen dan landrwa travay. Byensir nou pou fer en fason ki bann travayer zot okouran ki sa *PSAB*, ki zot pou al fer devan *PSAB* e ki kalite desizyon ki zot, zot pou espekte. Mersi.

MR SPEAKER

Mersi Chairman. Onorab Esparon.

HON REGINA ESPARON

Mersi Mr Speaker. Bonn apre midi Mr Chairman avek ou 2 manm e felisitasyon ankor pou

zot apwentman. Mr Speaker, letan mon ti pe ekout lentrodiksyon *Chairperson*, i dir dan *handing over* i annan bann lekipman ki zot ankor pe espere pou gannyen.

E la letan mon pe regard anba zot Bidze dan detay, mon vwar poudir i annan *fuel* pou *vehicle, maintenance and repair* zot annan en larzan, 18mil e zot annan osi lasirans pou *motor vehicle*.

Eski i annan en loto ki'n ganny transfer avek zot letan zot in pran lofis? Premye kestyon. E dezyenmman, Mr Chairman, ou'n dir poudir ou pa ti a kontan vwar bann *case* al *Supreme Court*, letan mon pe get dan bann *current challenges*, mon vwar i deza annan 4 case, 5 case devan Lakour Siprenm. Eski i annan larzan dan sa Bidze pou konteste sa bann case Ankour ?

E dernyerman, par lefe ki *PSAB* ti pe *share* lofis avek en antite prive, eski sa dan li menm pa ti pe anmenn sa konfli lentere dan bann demars? Mersi.

MR SPEAKER

Mersi. Chairman, ou repons.

CHAIRMAN PSAB **BRYAN JULIE**

Mersi Mr Chairman. Chairman, mon ti a kontan mon koleg i pran sa kestyon.

MR SPEAKER

Wi.

MEMBER OF PSAB GERALD JULIE

Bonn apre midi bann Manm Chairman. Bonn apre midi bann Manm Onorab. Pou kestyon veikil, nou'n dekouver ki nou napa en veikil. Me selman mon'n ganny sans mwan menm mwan pas dan bann dokiman, e letan mon'n remarke ki i annan sa, nou pe demann avek Finans pou zot fer en *internal audit*, *PSAB*, pou gete si napa okenn *anomaly* ki'n arive dan bann moman ki nou pa ti la. Mersi.

MR SPEAKER

Mersi, *Chairman* a kontinyen.

CHAIRMAN PSAB **BRYAN JULIE**

Mersi Mr Chairman. An sa ki konsern bann *case* Ankour, ti napa en alokasyon pou pey Avoka. Parey mon dir, letan mon'n *take over* la, i annan 3 case ki'n vin lo mon latab, ki mon pou bezwen al Ankour pou gete ki zistans in arive.

E an sa ki konsern *sharing of the office*, i vre ki

Headquarters PSAB ti dan biro *ex Chairman*. An se ki konsern lekip, parey mon'n dir pour lemoman nou pa vreman konnen kwa ki pou sa msye e kwa ki pou *PSAB*.

So apre ki nou'n fer sa legzersis, apre kont, atraver depans, bann resi nou a konnen kwa ki'n ganny aste e la nou a kapab dir vwala, serten lekipman i pou nou, serten lekipman i pou *ex Chairman*. Akoz i vre nou ti pe *share* son biro. E bann keksoz koman delo, elektrik, *computer*, tousala ti pas ansanm dan sa Bidze.

E parey mon koleg in dir, i annan en lokasyon pou *insurance, maintenance*. Me selman nou napa en veikil.

E dan nou nouvo Bidze, nou pa pe demande en veikil, akoz nou krwar i annan lezot fason pou nou koup nou Bidze par servi lezot mwayen pou nou komunik avek swa sa Minister oubyen sa travayer ki vin fer konplent devan nou. Mersi.

MR SPEAKER

Mersi *Chairman*. Bon mon ava apel bann Manm pou vot pour Bidze, *Office of the Public Service Appeals Board* lo paz 114 ziska 116, pou en total R1 milyon 127mil. Manm ki an faver lev lanmen silvouple?

Bon, mon krwar tou manm in vote. Mersi.

Lo vot ou Bidze pou *Office of the Public Service Appeals Board* lo paz 114 ziska 116, pou R1 milyon 127mil, 32 Manm in vot pour, 0 kont 0 abstansyon. Alors *Public Service Appeals Board* zot Bidze in aprouve, e mon swete ki zot kapab *sort out* tou sa bann *issues* e komans travay byento. E ki lannen prosenn nou a pli ofe avek sa ki *Public Service Appeals Board* i fer. Mersi.

Mon a swet zot orevwar, bon depar. Bon mon krwar nou a kapab kontinyen avek lot antite si zot la. Nou a pran *pause sanitizing*.

(technical break)

SEYCHELLES HUMAN RIGHTS COMMISSION

MR SPEAKER

Bon mon annan plezir swet la byenveni bann zofisyen *Seychelles Human Rights Commission*. Ziz Bernadin Renaud, son *Chairman*. Mr Elvis Julie son *Chief Executive Officer* e Ms Beth Gertrude, *Senior Finance & Admin Officer*. Bidze pou *Seychelles Human Rights Commission* i lo paz 131 ziska 134, pou en total R8milyon 26 mil. Ziz Renaud ou

a eksplik Bidze *Commission silvouple.*

CHAIRPERSON
JUSTICE BERNARDIN
RENAUD (RETD)

Mersi Mr Chairman. Bonn apre midi Mr Chairman e tou Manm Onorab Lasanble Nasyonal. Mon ava bref pou prezante. Dan zot dokimantasyon paz 131 konmsi, nou'n eksplik en pti git nou *strategic overview*, ki mon pa konnen si i pou annan nesesite pou nou re lir, parske i avek zot. Si bezwen nou a pas lo la. Bann *achievement* 20, 21. Bann *challenges* ek bann risk ki nou annan, ki nou fer fas avek e nou bann *strategic priorities* pou 22 ziska lannen 24.

E *Budget overview* koman ou pou vwar, reveni kantmenm i montre i pa neseserman ki nou fer okenn reveni. Me zot in *forecast* R8milyon. *Sorry, budget allocation, sorry* i R8milyon 36. E *expenditure*. Me selman pou mwan mon vwar reveni.

E nou *expenditure* parey ou vwar in detaye ladan. Mon a enform Manm Onorab ki nou Bidze sa lannen, menm Bidze ki lannen pase. Menm ou pou vwar en pti logmantasyon, i pa reel sa, set en azisteman ki'n fer akoz lannen pase, zafer *rent* ti dir nou sey negosye pou ganny

75poursan *rent.* Sorry, 25 percent, wi.

Nou pa'n ganny 25, nou'n ganny 15. Me son met ti dir nou poudir sa ziska Desanm, apre i pou retourn normal. Alors Departman Finans in aziste sa.

Vwar la an bref sityasyon nou Bidze, me selman si i annan kestyon oubyen leklersisman mon a prepare pou asiste Lasanble.

MR SPEAKER

Mersi Ziz. Nou a pran kestyon bann Manm. Wi, Onorab Vidot i kapab komanse.

HON AUDREY VIDOT

Mersi Mr Chair. Kestyon ki mon annan pou Komisyen se, avek sa Bidze menm si ou'n dir napa gran sanzman, eski ou kapab dir nou ki poursantaz zot Bidze apart ki *deal* avek okenn *reports* ki vin devan zot, an term pou *raise awareness* avek piblik, kwa ki zot kapab vini pou zot kapab vini, oubyen pou zot rod rekour, oubyen ganny lenformasyon? An term lenformasyon, ki poursantaz ki zot pe fer an term pou servi medya? Zot Bidze pou zot servi medya, konmsi pou kree plis *awareness* avek piblik?

E osi petet, kwa ki ou santi napa sa rezon? Petet kanmenm si i annan keksoz an

plis zot anvi fer, ki zot vwar resours pa pe donn zot, *is it* akoz an term zot bann lakonplisman oubyen zot vwar li, zot kapab mannye avek sa sonm ki zot gannyen? *Thank you.*

MR SPEAKER

Mersi Onorab. Chairman Renaud.

CHAIRPERSON

JUSTICE BERNARDIN RENAUD (RETD)

Mersi Mr Chairman. Mersi Madanm Onorab. E ki mon ti ava voudre petet sa ki ou'n eksplik mwan la. Si mon met li dan konteks petet i ava ede pou diminyen kantite kestyon.

Premyerman se ki mon ti oule par egzanp partaz avek Lasanble pou nou ganny li fondamantal, se ki Leta in etabli, *Human Rights Commission*. Pezan nou pou nou sey fer marse sa, mon'n ensiste se ki menm i pran en pe letan ;- Pa koman ou dir *Human Rights Commission* nek nou fer nenport kwa.

Mwan mon'n ensiste ki nou travay lo bann prosedir. Nou bann sistenm. E tou sa bann keksoz ki pou fer en vre *Commission* marse. Me selman nou'n ganny tape wi, ek

resours. Akoz nou pa'n ganny ase mendev kalifye.

Me sa mendev ki nou annan, nou'n dakor avek letan poudir sa larzan ki ou pou donn nou, nou pou fer sa bann keksoz. Selman i pa pou sitan vit parey si nou ti annan plis staff.

Prezan pou devlop en prosedir 80 ekek paz i pran letan. E tou sa bann keksoz la i pran letan. Selman mon asir zot, ou pou vwar byento bann prosedir nou pou komans bliye akoz nou Lalwa i dir nou fodre nou pibliye nou bann prosedir kler avan.

Pou mwan sey eksplik sa, i parey konmsi ou pe *set up* en Zidisyer ki pa ti egziste. Zidisyer i annan son *Civil Procedure Code*, *Criminal Procedure Code*. Whatever lezot prosedir ki i annan. Be sa kan in donn nou en Lalwa ti napa sa. Nou ki bezwen al ekrir.

Aprezan an menm tan ki nou pe ekrir sa bann prosedir, konplent osi pe vini, nou bezwen manivre sa bann konplent. Me malerezman koman ou konnen osi, *COVID* pa'n ed nou ditou.

Vwala ki mon pou dir, si Mr Chairman ou le en pe plis detay lo bann prosedir ki nou'n devlope, ki nou pe devlope, bann *report* ki nou pe fer.

An menm tan ki nou pe ekrir, petet pou Manm konpran ki mannyer nou pe travay, en *Commission*. Eskiz mwan pou dir sa term, i pa fasil pou nou sey fer konpran *what is a Human Rights Commission*, ziska ler nou pou konmans antre dan sistenm ledikasyon, medya, ensidswit ki nou pou pou al komanse dan ankor – i bezwen fer dapre en programm, pa zis nou sey fer koumsanmenm.

Bon, mon pa konnen si mon'n reponn sa kestyon. Nou an preparasyon pou nou antreprann sa ki ou'n demann nou la.

MR SPEAKER

Wi, Onorab ou kapab klarifye?

HON AUDREY VIDOT

Savedir ou pe dir nou menm si ou pa'n konfirmen ki kantite poursantaz, i annan en konponan la dan sa Bidze ki zot pe anvizaze pou zot kapab annan plis sa ledikasyon avek piblik, atraver medya pou zot pas sa lenformasyon?

Akoz parey ou'n dir, dan letan COVID i enportan, akoz ou pa konnen ki- La nou bann dimoun i pli a risk an term pou zot mank lenformasyon, i enportan ki zot gannyen.

MR SPEAKER

Mersi. Wi Ziz.

CHAIRPERSON

JUSTICE BERNARDIN RENAUD (RETD)

Zis mon a re met tou sa ki mon'n dir dan en *frame*. Bann dimoun prezan nou al kot medya -. En fwa nou ti fer en *press conference*. Son, lannmen dimoun i vini kot nou. Me nou annan zis 5 dimoun, nou kapab tenir 20 dimoun. Prezan ler ou pe travay sa 20 *case*, be 20 *case* ou pou al vizavi en lenstitisyon Leta, ou pa zis ale ou antre dan son biro ou dir li. Nou bezwen fer li konpran, la prosedir, la ki mannyer ou fer, la ki mannyer ou fer. Prezan sa in donn nou retar.

Alors, nou, nou krwar nou. Nou *still* krwar poudir nou bezwen fer prosedir an menm tan ki nou pe fer sa bann *case* ki pe fer.

Aprezan mon ava dir ki nou'n sey fer. An menm tan ki nou pe *deal* ek sa bann konplent, an menm tan nou pe devlop nou prosedir, an menm tan nou pe met sistenm an plas. An menm tan nou pe prepar bann rapor.

Bann rapor ki nou'n fer. Detrwa rapor nou'n soumet avek Gouvernman. Petet nou pa al an piblik pou al dir isi,

pou al akont isi laba. Be selman nou bezwen fer.

Dan nou Lalwa i annan bann *report*. I annan *report* ki nou'n fer 3 deza. *Special report*. I annan 4, 5 *special report* ankor ki pe vini. E sa bann *special report* nou pe fer li anmezir. Si en Departman i demann ou, ou'n fer *report* ou'n anvoye. Anba ki ou prosedir ki ou'n swiv, oubyen ki mannyer ou'n fer sa?

Be ou bezwen monte nou annan en sistem. Nou annan en sistem sansan nou pou dan vid.

Me selman la pou ledikasyon, nou'n tonm dan en malez. Mon a eksplik en pti keksoz. Nou'n devlop nou program ledikasyon 80 percent dizon. In ariv en senp ti keksoz finans, nou perdi nou *educational officer*. Prezan nou bezwen komansman ankor, re *advertise*. Ou a trouve *advertisement*. *Recruit* e pou komanse.

E sa petet dan konversasyon ki nou pou fer la, nou ava get akoz nou ganny sa problem staffing. Mersi.

MR SPEAKER

Mersi. Onorab Aglae.

HON EGBERT AGLAE

Mersi Mr Speaker. Bonn apre

midi Mr Renaud avek ou *panel*. Mr Renaud, mon ti a petet demann ou. Ou konnen poudir sa Komisyon i en Komisyon ki enportan e i annan bokou pei demokratik e *Commonwealth* osi, i annan bann Komisyon ki'n ganny etabli, sirtou anba Nasyon Ini, anba *UNHCR*.

Mon ti a kontan petet demann ou, vi ki nou, nou en pei ki mon kapab dir stab politikman dan en fason, nou pa *en geurre*. So ki fer ki travay *Human Rights Commission* ki en pei ki an konfli, ki annan bann diferan tour politik ki pli aktiv dan en fason.

Petet, eski baze lo zot bann lenflasyon enternasyonal ki nou annan Sesel. Zot in ganny okenn bann demann, ouswa bann krentif par serten lorganizasyon pou kapab petet prodwi en rapor lo serten, okenn lensidan ki'n pase? Ouswa ki zot sispekte pe pase. Sirtou ler ou vwar lo medya. Sa i enn.

Dezyenmman, mon ti a kontan petet demann ou, lo lavenir sa Komisyon li menm. Mon krwar i enportan, lafason ki zot anvizaze sirtou dan zot manda petet. Petet ki keksoz an plis ou pe mazinen Komisyon i kapab anmennen sirtou kot i konsern sa lazernes, zenerasyon ki pe monte? Akoz

zot ki pou *take the lead* dan lefitir. Pou zot osi petet konpran. Akoz en pei i annan en lepase, i annan en prezan, i annan en lavenir.

So, petet ki zot kapab antre en pti git. Donn sa ledikasyon neseser? Mersi.

MR SPEAKER

Mersi Onorab. *Chairman Renaud silvouple.*

CHAIRPERSON

JUSTICE BERNARDIN RENAUD (RETD)

Byen, mon fer konversasyon pli kourt ki posib, pangar nou al dan bokou detay, nou reste lanmenm.

Mon re eksplik sa ankor. En *Human Rights Commission*, prezan mon a dir en pti pe pli kler. Mon pa tro sir si tou dimoun i konpran what is *Human Rights Commission*. Nou ganny trete koman *MDA*. Nou tonm dan sa kategori *MDA. Ministry, Department and Agency*. Me nou pa ni *Ministry*, ni *Department*, ni *Agency* nou. *NGO*, nou pa *NGO*.

En *Human Rights Commission* ki zot in etabli dan sa Lalwa, i en Komisyon ki sipoze totalman endepandan. I emanate from *United Nation, office of Human Rights Commissioner*. I desann i vin

kot nou. Nou en *Human Rights Commission*, nou pa ni en zentere ni enn, ni lot.

Nou, nou la pou vwar poudir Leta anba *Charter*, anba Konstitisyon, sirtou anba *Charter Rights* i fer sa bann keksoz.

Par egzant nou koz *rule of law*. *Rule of law*. Nou, nou bezwen vwar poudir nou mentenir. Akoz en *Commission* i bon pou en pti pei parey nou ? Dimoun ava i vin dan en pei, i vin *invest*, i vin pronmnen, i vin sepa kwa la, i gete li. Ki ou nivo laliberte lekspresyon, ki ou nivo mouvman, tou sa bann keksoz avan i vini.

E nou *Human Rights Commission*, nou etabli nou koman sa lenstitisyon endepandan avek nenport kwa. Ki pou donn ou faktyelman bann sityasyon dan pei.

Par egzant la nou annan sa *peer review*. I fer tou la an, nou'n kontribye ladan nou. Nou'n dir e nou donn nou lopinyon lo la.

Si en landrwa pou vin demann ou en sertern keksoz isi, lenformasyon. Mon ava dir zot, i pa zis ou vini ou demann nou lenformasyon, nou donn ou lenformasyon. I bezwen annan en sistèm ki nou swiv. En Departman nou pou *deal* ek li poudir sa keksoz ki i pe fer i

mal, nou pa zis ler i mal nou ale nou dir li i mal. Pa kapab koumsa sa.

Nou bezwen fer bann resers, montre li ki *United Nation* i dir, ki bann Konvansyon in dir. Ki nou Konstitisyon i dir, ki Lalwa i dir. *What are the facts.* La nou vin lo sa konklizyon e nou donn li preski 60 zour pou li analize, pou i konsilte avek nou.

Sa Departman Gouvernman oubyen sa lenstitisyon Leta. E sa bout ki nou pe ganny en pti pe difikilte pou konpran nou poudir nou pa ni reprezant en Lazans oubyen *advocate* pou tel *right of this, that and the other.* Non, i en lenstitisyon totalman endepandan ki pran bann *rights* sitwayen.

Mon a donn ou en legzanp ki nou pe fer. Ki nou'n fer. Nou'n ekrir *report* par egzanp lo konsernan konze la. Ler ti dir konze pou *forfeit* akoz *COVID.* Nou'n ekrir en *report* lo la akoz. Pa zis ekrir en *report*, nou'n met tou son rezonnman akoz sa pa neseserman lyen avek *Human Right Charter* ki nou annan e Minis Lanlwa in konpran nou poudir wi e zot in sanz sa desizyon.

I annan lezot ki nou pou dir, nou pou fer sorti byento ki mon krwar i pa anliny avek

Konstitisyon e i pa anliny avek drwa imen Sesel dan nou *Charter*, rezyonalman oubyen enternasyonalman.

Me pou nou ekrir sa parey mon pe dir, nou bezwen etabli bann norm *profesyonnel, highly professional.* Sa le pwen ki mon pe sey dir, olye par *NGO* pou al fer en pti zafer. Ou pa kapab *challenge* en Departman Gouvernman ki sa ki i pe fer. Zis ou ale ou dir li sa i mal. Non, non, non.

Nou bezwen etabli solidman kot nou kapab koz avek sa Departman *professionally*, pou montre si i annan en defayans, pou li konpran nou.

Konmsi mon'n fer en tour dorizon, zeneral kot i konsern *what is a Human Rights Commission.*

MR SPEAKER

Byen. Mersi. Mersi Ziz. Kestyon Onorab Cosgrow.

HON WALLACE COSGROW

Mersi Mr Chair. Bonn apre midi *panel.* Zis en kestyon premye, petet pou Finans. Ki egzakteman Bidze *Human Commission* Akoz dan *budget line details* nou vvar R4 milyon. Dan *Budget Book main, proper* nou vvar R8milyon. So, si i

kapab ekliersi nou *what is the budget of the Commission?*

Dezyenm kestyon pou *panel i konsernan zot rent* dan zot Bidze. I en *rent* R1. ekek milyon. Zis si zot kapab dir mwan kote zot pe *operate* an se moman la e ki kantite, petet piblik;- Eski zot vwar piblik ki vin kot zot. Oubyen eski zot angaze avek piblik, zot vwar piblik ki vin kot zot e eski landrwa i konvenab pou sa.

Trwazyenm kestyon i konsernan, i annan rapor enternasyonalman ki mon'n lir. Pa rapor, me selman bann *news item* ki mon'n lir an relasyon avek drwa imen avek restriksyon mouvman enplimante par *COVID*. So, eski *Human Rights Commission* Sesel, mon pa pe dir sa konmsi pou bouy labou *or anything*.

Me selman, eski *Human Rights Commission* Sesel zot pe get en pti pe dan sa laliny? Akoz ou'n koz en pti pe lo sa *charter of Human Rights* ki dan nou Konstitisyon. Ki annan *freedom of movement* osi avek lezot *freedom*. So, eski sa i en keksoz ki zot osi zot pe get kot *Human Rights Commission*. Mersi?

MR SPEAKER

Mersi *Chairman*. Les nou a permet Ms Tamatave ekliersi

sonm total Bidze, apre ou a kapab adres sa 2 lezot kestyon. Ms Tamatave.

DEPUTY COMPTROLLER GENERAL ASTRIDE TAMATAVE

Mersi Mr Chair. Onorab Bidze *Seychelles Human Rights Commission* i R8milyon 26mil. Dan detay i en fot dan sa total anler ki pa'n *pick up 2 heading. Other uses of goods and services* avek *minor capital outlays* pa'n ganny *pick up* dan detay. Me selman son Bidze i R8milyon 26 mil. Mersi.

MR SPEAKER

Tre byen. Mersi. Chairman Renaud, aprezan ou a kapab adres lo kote ou biro i ete, ki soz. E lo *restriction of movement*.

CHAIRPERSON JUSTICE BERNARDIN RENAUD (RETD)

Mersi Mr Chairman. Mon krwar mon bezwen en pti pe donn zot davans bann keksoz ki pe vini. Bon *Commission, Commission* i show bann *thematic report*. Bann rapor lo *specific area*. Ziska aprezan nou'n prodwi aprezan rapor tematik lo laliberte, dinyite, liberte mouvman e drwa travay.

E osi la nou oule fer resorti ki nou'n ganny en *positive response* parey nou'n dir konsernan lanplwa, konsernan konze e osi ki'n agree avek nou bann rekomandasyon, nou'n met en *report*.

E la nou pe pibliye li lo ou *website* sa *report* la. Me selman i reste ankor bann *report* ki nou'n adrese. Nou pa ankor ganny repons e dan letan lavenir nou pou bezwen, i annan sistem ki nou pou mete ki repons pou bezwen vini.

Lo sa proze ki ou pe dir nou, nou pe ekrir lo la e byento nou pou bezwen met devan ankor 4 oubyen 5 *thematic report* lo bann *issue* spesifikman. Mon konpran ki ou pe sey dir. Prensipalman kot dimoun i konplent poudir sa sistem kot ou bezwen ranpli *form* avan en Seselwa i antre dan pei. Sa mon konnen ou pe dir. Ou pey \$5.

Wi, wi, wi. E tousala nou pou adrese. Prensipalman sanmenm nou pou adrese. Me Sesel osi si i annan *issue* nou pou adres li. E la ou pe koz lo *curfew*, lo sa bann keksoz koumsa. Wi, si i annan konplent nou pou adres li, me nou pa pou adres li zis parey nou dir i bon oubyen pa bon.

Nou bezwen ganny *what is international norms, what is the*

practice, what is the Constitution. What is the Law. Nou rapor i ekrir koumsa. E preznan la nou ariv lo son konklizyon pou nou dir akfer i koumsa.

E mon krwar ou lot kestyon ki ou ti le ekliersi, mon pa pe- Lo kestyon *rent*. Ki nou'n fer la, mon a zis tous lo la. Ou konnen *Human Rights Commission* Sesel i pa zis mars lo sa ki li i fer. Par egzanp i annan sa *Paris Principles*. Mon krwar Sesel i parmi bann premye ki ti souskri *Paris Principles*. Sa i nou gidans ki nou fer.

Par egzanp nou ti ganny en plas, nou anler Bel Air. Ti napa lot plas, nou'n bezwen pran plas Bel Air kot nou ti ete. Me nou bezwen kontinyen revize, eski sa i *accessible*? Esaki sa i annan lespas pou tou dimoun? Esaki i annan konfidansyalite pou entervi? Tousala bann norm ki'n ekrir dan *what is a Human Rights Commission*.

Be preznan ler sa pa'n tro byen, nou'n bezwen bouze al dan enn ki'n byen. Prezan depi Septanm nou'n ganny en lot plas, i pli bonmarse son *rent per square meter*. Bokou pli bonmarse e nou ganny plis lespas, nou pe etabli

lenstitisyon dan sa diferan lokasyon.

Dimoun i vin kot nou lofis. Dan nou report ki pou sorti, nou pou *upload* petet sa semenn la, ou pou vvar bann statistik. Dan ki domenn e ki *areas* ki bann dimoun in vini. Bann keksoz ki nou'n fer. Selman mon pa tro al dan bann detay. Akoz i deza dan *report*.

Mon'n adres tou bann pwen ki ou'n leve? Mersi.

MR SPEAKER

Thank you. Onorab Gill.

HON CHURCHILL GILL

Mersi Mr Chair. Bonn apre midi. Mon premye kestyon, anba ou stratezik, bann priyorite ou stratezi. Premye boulet i dir ki ou *monitor compliance* lo nivo nasyonal apre enternasyonal. Ki mannyer ou pou dekrir nou nivo *compliance*, nou Sesel baze lo sa *monitoring* ki *Human Rights Commission* in fer?

Mon dezyenm kestyon, ou'n osi fer nou konpran ki ou'n ekrir, ou'n fer rekomandasyon avek bann brans Gouvernman. Apart ki Lanplwa ki ou'n dir nou i ti *respond positively*. Eski bann lezot *report* ki ou'n fer ki ou'n avoye. Eski ou santi ki ou'n ganny bann *response* ki ou

krwar ti devret gannyen parey ou'n gannyen avek Lanplwa ?

Apre mon dernyen. Dan bann lenstans kot ler ou'n ekrir ou *report*, ou'n avoye. Ou pa ganny *response* oubyen sa bann landrwa kot ou'n avoye, *basically* pa get sa *report* oubyen zot pa enterakte ek ou lo la. *What is the next step*, ki arive la? Mersi.

MR SPEAKER

Thank you Onorab. *Chairman Renaud.*

CHAIRPERSON

JUSTICE BERNARDIN RENAUD (RETD)

Mersi Mr Chairman. Lo sa *strategic priorities* ki nou'n mete, i byen ou pe lev li la. Se ki nou, prezan ek *Foreign Affairs* i annan tou sa Konvansyon, tou sa Trete ki nou'n sinyen la. E peryodikman nou bezwen *review* sa. E *Foreign Affairs* i fer en pe e nou'n fer en kantite kontribisyon dan sa dernyen *review* ki nou'n fer.

E sa bann *review* ki nou kontribisyon i ede pou aranz sa bann *report* pou dir ki sa ki ladan. Par egzanp ler en lot pei pou demande sa ki'n ekrir, sa ki'n dir? Nou dir be sa en Komisyon *Human Rights*,

independent Commission ki'n fer son komanter ladan.

La mon pou eksplik ou akoz nou pe dir sa Komisyon i bezwen lo en nivo kot i pa kapab konmsi *challenge* li dir sa i en *puppet Gouvernman*, oubyen si ganny peye ek Gouvernman pou fer sa. Mwan sa Komisyon koumsa, non. Nou le en *Commission* ki en *Commission*.

Akoz dezyenm pwen ki ou'n leve. Be *Human Rights Commission* pa zis fer sorti bann febles. Ou annan 6, 7, 8 febles. Me dan nou *report* nou bezwen fer sorti poudir Sesel kot i konsern drwa imen nou *charter*, nou *achievement*. Tou sa bann keksoz. I bezwen fer sorti.

Mwan personnelman mon santi, mon pa konnen lekel sa pei Lafrik ki konpar son rikord *human rights* avek nou. Akoz ler ou pou analiz li, preski dan tou domenn. Annandler nou fer en pe keksoz akoz en lot pei pe fer. Mwan sa ki mwan mon'n konnen, ler nou'n fini *set up Human Rights Commission* Sesel, petet en laboratwar pou bann lezot pei Lafrik i vin aprann avek nou, ki mannyer *Human Rights Commission* i fer.

Par egzanp bann gran pei i vin aprann ek nou ki mannyer tourism i administre. Ki mannyer nou resours pwason,

lamarin, ki mannyer nou konservasyon i fer. Sa *Human Rights Commission* i pou en legzanp poudir i *peint portrait* Sesel. Sorti kot i for son *human rights issues*. Kot i for, i solid. Apre kot i annan febles nou, nou a pe ed Gouvernman. Ed Leta plito, pou adres bann febles.

Me nou, nou oule fer sorti tou lede akoz nou pa enferyer kot *Human Rights Commission* in sorti. Alors *peer review* nou'n ede pou fer. Nou kontribye dan nou bann *report*. Par egzanp sa ki nou pe al pibliye. E osi nou bezwen fer sorti *the strong point of the State of Seychelles* kot *human rights* i konsernen. Mon krwar mon'n kouver ou bann pwen la? Yes.

MR SPEAKER

Mersi.

HON CHURCHILL GILL

Dernyen pwen, kot ler *report* in ganny fer. in al kot i devret ale, apre pa ganny reponn oubyen pa ganny aksyon lo la. Ki arive. What's next. Mersi.

MR SPEAKER

Yes Judge.

CHAIRPERSON

JUSTICE

RENAUD (RETD)

BERNARDIN

Yes, Mr Chairman. La mou pou anmenn dan en domenn ki mon ava envit zot *maintenant*, ki mon ti pe sey eparnye.

You know, mon'n dir taler poudir nou annan en Lalwa. Be mon pa tro konnen si tou dimoun i regarde ki annan ladan. Nou anvoy bann report. Akoz pa Ombudsman anvoy bann report, lot i anvoy report. I met laba. Be sa Lalwa i pa'n dir nou, pa pou mete laba. I annan 60 zour pou ou met laba.

E si dan 60 zour ou pa met laba i vedir ou aksepte nou *report*. Ou pa dir nou naryen, savedir ou'n aksepte sa ki nou'n mete dan *report*. E nou pibliye li.

Vwar la ki nou *findings*. E prezan si ou annan keksoz ki ou *challenge* ladan, i annan bann ladan sistem pou fer *investigations*. Parey *Truth, Reconciliation, National Unity Commission* i fer. Nou annan menm *power*, menm egzakteman. Menm lenstitisyon *Human Rights*. To *summon*, pou fer ou vini, vin donn levidans, and so on and so forth. Konmsi bann keksoz parey.

E ki *Human Rights Commission* Sesel i kapab anmenn ziska Ankour. Ok? E ou vwar i fer nou ganny en pti larzan, R100mil mon krwar

nou 'n gannyen sa lannen. Pou *judicial review of administrative decision*, nou pou pran.

I annan bann ka kot nou, nou sipoze regard *constitutionality of the law*. Si i ariv en ka, nou bezwen anmenn devan *Constitutional Court*. I pa pou reste lanmenm. Akoz dan Lalwa, *Commission* i pa reste lanmenm, konmsi ou anvoy en *report* i reste la. Tronpe si nou fer sa.

E enn bann pwen letan ou pe lev sa Mr Chairman e Manm, pour sa rezon nou ti pe demann en *meeting* avek Manm Lasanble, avek Lasanble pou nou koz, *at least pou brief what is a Human Rights Commission*, ki zot, zot in donn nou pou fer. I bokou plis ki sa ki nou krwar. I pa en *NGO*, mon repeete i pa en *Agency* en ? Mersi.

MR SPEAKER

Mersi. Onorab Pillay.

HON SEBASTIEN PILLAY

Mersi Mr Chairman. Bonn apre midi. Bonn apre midi tou dimoun e bonn apre midi Mr Renaud ek ou delegasyon. Mon ti a kontan klarifye serten pwen. Ou'n koz lo *the aftermath of* pou fer en rapor ek kot ou ale avek.

So, obviously sa i require en Bidze pou kapab fer li, pou

ou met ansanm sipor legal, bann Avoka.

Eksplik mwan kote i ete, well si pa ou, petet Minister Finans i kapab dir nou kote sa provizyon i ete dan Bidze, pou ki *Human Rights Commission* i kapab fulfil enn bann lobligasyon ki i annan anba son Lalwa e sa a fer se fer sa reprezantasyon vizavi bann lenstitisyon Zidisyer an se ki konsern son rapor?

Kote i sitye sa? Eski ler nou pe prepar Bidze pou *Human Rights Commission*, sa i vin en konsiderasyon enportan pou Minister Finans oubyen pou *Human Rights Commission* li menm? Sa i mon premye kestyon.

Mon dezyenm kestyon. Si nou lir dan sa Bidze, e mon konpran ki Ziz Renaud pe dir nou. Akoz nou annan en Lalwa ki al dan bokou detay, ki anmenn nou en zistans tre lwen ver en serten lorizon. Me alafendefen pou nou kapab arriv kot sa lorizon nou bezwen en bato e nou pa kapab donn ou en saloup pou arriv laba. Zanmen ou pou arrive. Nou bezwen donn ou en bato ki *proper* pou ou kapab arrive pou al laba.

Be ler mon pe get dan Bidze mon pa pe vvar. Mon pa pe vvar sa resours ki nou pe met dan en *Human Rights*

Commission, parey ozordi nou pe donn latansyon en *TRNUC*, parey nou pou donn latansyon.

So, petet atraver ou Mr Chairman, mon ava demann sa kestyon pou reprezantan Minister Finans, pou eksplik nou ki mannyer sa Bidze pou permet *Human Rights Commission* pou fer sa manda. Ki ceiling ki *Human Rights Commissions* in gannyen avek Minister Finans, ler in prezant son Bidze?

Sa dezyenm kestyon i enportan Mr Chairman. Ki ceiling ki *Human Rights Commission* in gannyen ler in prezant son legzersis Bidze. Mersi Mr Chairman.

MR SPEAKER

Mersi. *Chairman* ou ti a kontan Minister Finans i adrese?

CHAIRPERSON

JUSTICE BERNARDIN RENAUD (RETD)

Wi Mr Chairman. Petet i ava fer en pe plis ... sorti kot Minister Finans.

MR SPEAKER

Ms Tamatave ou kapab pran.

DEPUTY COMPTROLLER GENERAL ASTRIDE TAMATAVE

Mersi Mr Chair. Mr Chair, pou Bidze 2022 keksoz ki *Human Right Commission* ti demande, an plis ki par rapor avek son Bidze 2021 sete 4 post, ki anliny avek *freeze* lo *requirement*, e anliny sityasyon ekonomik ki nou pei i ladan, nou pa'n finanse sa 4 pozisyon.

Apre zot ti demann en provizyon pou *overseas training* ki osi nou pa'n finanse, an vi kontrent resours finansyel ki pei i ladan. Mersi.

MR SPEAKER

Kekfwa Chairman ou le azout keksoz.

CHAIRPERSON

JUSTICE BERNARDIN RENAUD (RETD)

Wi Mr Chairman. Baze lo sa ki i pe mete. Mon'n dir sa dan pti git mo poudir i pa fasil si nou pa konnen *what is a Human Rights Commission* e ki i sipoze fer.

Ou konnen mon a re dir Mr Chairman, si ou donn mwan de minit mon a pas lo son istorik.

Ler mon ti pran responsabilite pou vin *Chair* sa *Commission*, nou pran premye *background*, depi 2013 ziska 2018, *Commonwealth Secretariat, UN* tou sa bann, zot in monte desann isi pou ekrir, pou dir *Human Rights*

Commission i endepandan, detas li avek *Ombudsman Office*.

Ler zot in fini prodwi bann gro, gro rapor, lo sa rapor Gouvernman Sesel ek sa bann dimoun, *expert* ki ti vin isi. Zot ekrir en *Human Rights Act*, zot *embody* tou sa *latest provision*. Mon krwar tou bann Manm Lasanble bann ki ti *involve* pou met li dan en *human right*.

Prezan, ler nou nou'n vini an 2019, nou'n re pran sa Lalwa, nou'n bezwen analize anba Seksyon 14 par egzanp, Lalwa. Ki nou sipoze fer koman en *Commission*. Nou'n kas li byen, apre nou'n mete dan fonksyon, sistenm. *Staffing requirement and all, everything*.

La ki mon vin lo problem ki fondamantal. 2019 ler nou soumet, *this is the Commission according to the law* i pou kout nou R14milyon pou *set up*. La kot son problem i vini. Nou etabli en lenstitisyon, me nou pa *set it up*. Zis nou apwent dimoun.

Ler nou pou *set up*, nou dir nou pou bezwen tousala ek lazan, *DPA* i dir non, nou bezwen zis 6 dimoun. En *Finance officer* ek en lot, avek 2 Clerk. Me mon demann mwan, be zot ti'n lir *Commission*, akoz Finans pa pou donn ou sa larzan si *DPA* pa'n aprouve.

I a pran 6 dimoun. Be 6 dimoun ni *lawyer*, ni naryen ki nou'n demande nou pa pe gannyen. Prezan nou bezwen re komanse. Nou bezwen re fer pou sey edike, edike, edike. Pou sa rezon ki ozordi mon pe sey dir, nou ganny difikilte pou fer en *Human Rights Commission*, akoz pa bokou dimoun ki konpran *what is Human Rights Commission*.

Premyerman nou sipoze totalman endepandan kot i konsern nou fonksyonnman. En Lenstitisyon totalman endepandan avek Leta. I ganny larzan avek Leta atraver en Bidze spesifik ou donn li, e li i *run* sa dapre sistenm kont. I ekrir ladan. E Loditer Zeneral ki dir ou i aprouv ou sistenm kont. *Report*, ki mannyer nou anvoy *report*. Ki mannyer nou sipoze fer.

Me ki mannyer i ete, mwan mon pe dir mwan, eski vre nou endepandan? Non, nou ganny controle totalman, nou pa kapab. Ni *staff* ki nou bezwen, ni kot nou ale, ki nou fer. Non! Ni en batiman, konmsi nou pou al pran *rent*. La mon pe eksplik, mon pou dir zot taler. Nou'n sorti dan landrwa sere, nou'n al dan en landrwa pli bonmarse, pli gran kot *Pension Fund*. Me sa osi

nou ganny controle, nou pe kapab fer en desizyon.

Nou *staff* nou pa kapab fer en desizyon. Be ladan dan sa Lalwa i dir ou nou *staff* nou ki fer desizyon.

Nou finans. Ou pou trouve Lartik 20 ki koz finans. Nou finans i sipoze endepandan. Nou ganny alokasyon Bidze parey en *agency*, parey en sa. E vwala kot mwan mon ti a voudre en zour zwenn avek, pa mwan, *Commission*, mon pa'n ekrir. Me selman dan letan *COVID* Mr Chairman pa'n kapab les nou, pou nou sey kapab eksplike *what's the Human Rights Commission*.

I pa anba kontrol okenn Lotorite li, en pti, 1 en lendepandans. I pa kapab dan en Gouvernman li pou li odit Gouvernman e pou donn kredi Gouvernman.

E si nou dir bann keksoz ki nou pe dir fran, me Gouvernman i kapab ferm ou, i pa sipoze pe kapab fer. Sa ki'n donn nou sa nou sipoze kapab fonksyonn *in..de..pen..dent..ly*.

Mon a demann zot pou regard son sistenm *accounts*, son lendepandans *account*, son *dependent operation*, i pa en *agency* Gouvernman. Mon bezwen repet sa 50 fwa. I pa en *agency* Gouvernman. Me pour

lemoman nou en *agency*
 Gouvernman. Mersi Mr
 Speaker.

MR SPEAKER

Wi, silvouple si ou kapab
 terminen Onorab.

HON SEBASTIEN PILLAY

Mersi Mr Chairman. Savedir Drwa Imen Komisyon Drwa Imen pe ganny vyole *at the same time as well*.

Mr Chairman, mon oule met lanfaz lo en keksoz pou mon kapab ganny en konpran. Bann *infringement* lo *Human Rights* en dimoun dan letan modern i vin dan en fason bokou pli *subtle*, bokou pli entelizan. I vin atraver bann sanzman senp dan en Lalwa, i vin atraver bann restriksyon ki ganny mete dan en fason pou mentenir en rezondet. Ki swa medikal, ki swa dan en fason. I vin dan fason *very subtle* e ou bezwen en sipor pou kapab fer li.

So, mwan mon ti ava fer en pledwari avek Minister Finans pou konsider sipor ki en Komisyon sitan enportan koumsa, i bezwen annan. Akoz enn bann leman enportan par egzanp Mr Chairman, ki petet ou a lefe ki sa Lasamble pa ankor pran li, se sa size

delimitasyon nou bann *Zone maritim*.

Kot ozordi par egzanp nou'n pran sa bann *Zone*, nou'n met li koman bann *Zone* proteze zis pou nou satisfer sertern kriter enternasyonal. I byen, me nou konnen, nou realize poudir Seselwa pa kapab al laba ni pou al lapes, nou pou tir pwason, ni pou ganny son lavi?

Sa osi i annan en eleman *human rights* avek. Me i konplike, i konpleks akoz ou bezwen *deal* avek bokou bann size ki bokou pli, ki dan lepase ou pa ti pe *deal* avek.

So, petet mon dernyen kestyon Mr Chairman i al pou Minister Finans. So kwa ki zot annan lentansyon dan sa *midyear review* pou donn *Human Right Commission* pou li kapab *fulfil* manda ki'n ganny *set out* anba sa Lalwa. Si ou pou permet sa kestyon Mr Chairman. Mersi.

MR SPEAKER

Well, kekfwa kontroler pa pou kapab reponn sa. Petet i a kapab note e anmenn dan diskisyon kot Minister Finans. Ms Tamatave ou kapab zis adres sa pwen epi nou kapab *move on*?

**DEPUTY
GENERAL
TAMATAVE** **COMPTROLLER
ASTRIDE**

Mr Chair, mersi. *Human Rights Commission* i parey tou antite. Letan nou fer *Mid-year Review exercise*, si zot santi resours ki nou'n donn zot i pa ase, zot toultan annan sa loportinite ou zot soumet zot *request adisyonnel*, e Minister Finans avek en diskisyon avek zot nou fer en desizyon lo la. Mersi Mr Chair.

MR SPEAKER

Mersi, nou a pran kestyon Onorab Henrie silvouple.

HON GERVAIS HENRIE

Mersi Mr Chair. Bonn lapremidi tou dimoun. Mon annan 2 pti pwen. Premyerman mon ti byen satisfe vwar ki an Zen 2019 - non, plito Zen 2020, Komisyon ti prezant son premye rapor ki ti kouver Mars 2019 ziska 2020. I mean Desanm 2019.

Me mon'n rode partou, mon pa'n vwar en rapor pou 2020 akoz Lartik 22 zot Act i rekomande ki zot fer en rapor anyel. Donk mon anvi konnen ki'n arive avek sa.

E dezyenmman Mr Chair, mon pou fer ankor en pledwari ki mon ti fer koman enn bann

rekomandasyon ki mon ti fer dan Bidze.

Letan mon ti pe dir ki i a ti a byen par egzanp si FPAC i elarzi son manda ki i get Bidze. Akoz sa ki *Human Rights Commission* pe dir nou ozordi i enportan sa. Me ki mannyer nou konman en Lasanble nou ed, non selman sa Komisyon me lezot Komisyon enkli sa Lasanble li menm pou ed Gouvernman vwar fason ki i pe *deal* ek Bidze.

Zot rapor, bann rekomandasyon 11.2 ki koz lo obligasyon pei nasyonalman, enternasyonalman ;- 11.7 ki koz lo plan komunikasyon;- 11.8 ki koz lo afilyasyon enternasyonal. E la nou tande ki Gouvernman i oule koup bann afilyasyon enternasyonal. 11.9 ki koz lo bann zofisyé ki zot bezwen, par egzanp en *Senior Education and Training Officer*.

Menm si pa ti pou arriv 2022, me lefet ki Bidze i en sirplis ziska 2024, ti kapab etale. Me i bezwen annan en antite. Zisteman mon pe propoze ki Lasanble i pran en lentere ladan.

E mon ti pe propoze li FPAC, san ki nou al kree en lot *budget Committee* pou kapab ede dan sa progresyon nasyonal. Nou bezwen regarde sa zafer la e nou bezwen. Mon

zis kontinyen propoze. Mon tousel mon pa kapab fors personn pran sa bann desizyon si zot pa enterese. Me mon krwar en sizesyon Mr Chair e mon krwar en kestyon lo mon *annual report*. Mersi.

MR SPEAKER

Mersi. *Chairman* i annan en kestyon omwen, apre ou kapab pran son sizesyon.

CHAIRPERSON

JUSTICE BERNARDIN RENAUD (RETD)

Mersi Mr Chairman. E ankor lo *report*, nou annan 3 kalite *report*. Nou sipoze fer report tou le 6 mwan apre enn tou le an ki enkli finans.

Wi, nou'n ganny difikilte avek sa problem report. Me selman *report* nou'n pare. *Report 2020* in pre pou en pe letan. Me kourtwazi se ki nou submit *report* kot Prezidan avan, apre la annou partaz ek piblik. Me selman *report 2020* nou pou upload li tanto - demen.

Vwala nou *report 2020* ek difikilte pou kapab ganny sa bann keksoz pou ganny fer dan sa *COVID*. Me selman nou'n fer nou rapor 2020, i pou swiv lo sa rapor sa. E ti a bon zot lir li tou ansanm. Nou'n ekrir en pti pe keksoz ladan ki bon pou

konpran en pe *Paris Principles* ek bann lezot.

Par egzanp la ki nou pe ale i annan en lot zafer ki nou bezwen konnen dan *Human Rights*, i annan en lot *Belgrade Principles* ki nou bezwen devlope e aplik li.

Akoz nou Sesel, kantmenm bann bout i fannen partou, nou'n fini *achieve* sa bann keksoz, me selman i fanm fannen. Nou *Commission* nou pou anmase pou met ansanm e ler nou pou rapport lo la ou pou vvar, be Sesel in fini fer tou sa bann keksoz kot i konsern *gender*, i konsern sepa ledikasyon zanfan. En kantite, kantite nou'n fer kot *Human Rights* i konsernen. Me selman i fannen.

Nou Commission si nou ti *properly equipped* nou ti pou anmas tou sa lenformasyon e ler nou pibliy *report*, nou *report* ti pou montre en kantite keksoz pozitiv kot i konsern drwa imen Sesel. Mersi.

MR SPEAKER

Mersi ***Chairman***. Nou a pran kestyon. Kote isi, ti Onorab Adelaide ki ti'n lev lanmen?

HON FRANCOIS ADELIDE

Mersi Mr Chair. Bonswar Judge Renaud avek ou lekip. Pti kestyon. Eski apart sa *local*

financing, eski zot pe ganny, ouswa zot in ganny okenn *Grant from bann lezot letablisman ouswa groupman?* E si wi, ki mannyer zot fer avek? Mersi.

MR SPEAKER

Mersi. Chairman ou annan sa repons.

CHAIRPERSON

JUSTICE BERNARDIN RENAUD (RETD)

Mr Chairman e Lasanble, wi i nou annan lezot *funding*. Mon a bezwen eksplike ki mannyer sa in vini. I ti en proze fer par en Departman Gouvernman avek *EU*. E *EU* i dir i pa *fund* okenn proze Departman Gouvernman. Alors Departman Gouvernman, *Family* in demann nou pou *take over* sa.

E naturelman sa ki Departman Gouvernman in negosye, nou bezwen met lo latab *Commission*. Mon pou donn ou en pti *background* e mwan personnelman avek *Commission*, pou fer sir poudir ou pa donn nou larzan, *Grant*, ladan apre 3 kar ou pey konsiltan, ou pey pasaz monte desann, ou pey sa. Non!

Alors nou ti re ekrir, si zot oule finans nou, zot finans nou e nou isi Sesel, *Human Rights Commission* Sesel i annan son

programm kot i konsern sa bann keksoz ki *EU* i demann nou pou fer isi. E *Commission* i re ekrir son proze, *EU* si ou e, ou *fund*.

Mon krwar in pran preski lan pou negosye, akoz nou pa neseserman sa ki ou dir nou, nou fer. Nou bezwen nou larzan pou fer. Finalman wi nou'n gannyen e \$220 mil.

E ki enteresan ou vvar sa bann larzan *EU* ki vini, sa kantite lakord ki atase avek, nou'n tir sa, nou'n *appoint* en dimoun, en *project manager*, i oule son *accountant*, i oule son *Project Manager*, son lofis, i annan tou son bann keksoz. Alors nou'n pran son larzan, nou'n fer sa. Wi, nou pe vini ek *project*, e nou'n preski devlop li ankor. 80 percent finalize e *project* pou komans met an plas.

Par egzanp le10 Desanm la, sa *project EU* pe donn nou, nou pou fer en pti proze lo la le 10 Desanm, apre nou pou kontinyen dan ledikasyon e dan bann lezot domenn.

Ankor sa ki mon ava dir, ler larzan i vini i pa vin kot nou. Akoz *Central Bank* i dir nou sa larzan i bezwen vin kot zot. E i annan en prosesis pou nou kapab ganny sa larzan. Ok? Avek oditer, *all these things that goes with it* e pou mwan i en

latet fermal. Mersi Mr
Chairman.

MR SPEAKER

Good. Onorab Adelaide, ou pe rod klarifikasyon?

HON FRANCOIS ADELAIDE

Wi. Petet en pti klarifikasyon Mr Chair. Mon pa vwar okenn prozeksyon pou sa. Eski i pou bezwen annan prozeksyon ouswa ler i pou vini zot pou- ? Mersi.

MR SPEAKER

Mersi nou a kontinyen. Pardon Onorab ?

HON FRANCOIS ADELAIDE

Le problem se mon pa vwar si petet, si pou ganny en *Grant OUSWA* dan Bidze ouswa- At least i bezwen annan en landrwa.

MR SPEAKER

Ou pa'n vwar sa *funding*? Yes.

Ziz Renaud i pe dir i pa vwar sa *funding* dan Bidze. Kekfwa Minister Finans i kapab klarifye. Mon a les Minister Finans klarifye.

CHAIRPERSON

JUSTICE BERNARDIN RENAUD (RETD)

Si i kapab fer. Si non mon kapab eksplike.

MR SPEAKER

Ms Tamatave.

<u>DEPUTY GENERAL</u>	<u>COMPTROLLER ASTRIDE TAMATAVE</u>
------------------------------	--

Mr Chair, mersi. Onorab i vre sa *grant* i pa'n ganny *capture* dan Bidze, me i pa zis sa *grant*. I annan plizyer bann pti *cash grant* ki nou rapport li *post* letan zot in fini ganny depanse. Rezon prensipal akoz, se ki bann antite pa kapab prevwar kan sa larzan pou antre e kantite larzan zot pou depanse anba sa bann *Grant*.

Nou pou ganny preski menm problem ki nou pe rankontre avek bann gro proze *Grant*. Me pou bann *cash Grant*, nou rapport li *post*. Savedir sa bann *actual* i pou ganny rikord dan Trezor parey pou sa enn *Grant* spesifik, i annan en *special account* ki Minister Finans me non pa *Central Bank* parey Mr Renaud in mansyonnen.

Minister Finans ki met sa prosedir an plas, ki i bezwen i bezwen ouver en *special account* avek Labank Santral, ki pe ganny *manage* par Komisyon. Me selman depans i ganny pase anba en *Code Trezor*. Mersi.

MR SPEAKER

Mersi Ms Tamatave. Nou a pran kestyon Onorab Labonte.

HON ANDY LABONTE

Mersi Mr Chair. Bonn apre midi *Judge Renaud* avek ou panel. Bon annefe ler ki mon'n ekout Ziz Renaud donn son bann larepons, in tous mwan en bon pe akoz in dir en bon pe keksoz ki premyerman i vre, i mank en pe ledikasyon kekfwa ki vreman zot rol e ki zot responsab.

Me selman ler mon pe get zot manda i *straight forward* ki i dir ou koumsa zot "mandate i to promote, protect human rights" ki i kler. I *straight forward*. E i annan en group dimoun la deor ki zot santi zot bann minorite. Ou'n tous en pti git lo la a la lezer. Sirtou ler nou pe koz lo *gender issue*.

So, akoz parey ou'n dir i annan bann Lakor Enternasyonal ki zot menm sinyen, ki nou bezwen swiv?

Ler mon pe get ankor pli ba kot *challenges*. Kot ou'n koz lo "law and policy to be reviewed." So, *Human Rights Commission* li menm li, ki son rol, oubyen ki mannyer i petet pe zwe son rol pou kapab siport sa bann group minorite, la nou pe koz bann *LGBTIQ*, ki zot, zot pe santi poudir zot pa pe

vreman ganny zot drwa parey i merite isi dan Sesel.

S, si petet ou ti kapab elabor en pe lo la ki vreman zot pe fer. Si dan ou rapor oparavan ou'n touse lo la. Petet zis donn en pe plis klarifikasyon. Mersi.

MR SPEAKER

Mersi, Onorab. Yes, Chairman Renaud, ou kapab.

CHAIRPERSON

JUSTICE BERNARDIN RENAUD (RETD)

Mr Chair, mon ava dir 2 mo apre mon a pas avek *CEO* lo la. I zis sel mo ki nou pe sey dir. Fodre napa konfizyon *Human Right Commission* avek bann Lorganizasyon ki *advocate for human rights*. Nou pa *advocate on behalf of any group, any authority or anything* nou. Nou, nou pran *human rights in the Charter* e nou regarde ki Leta i tenir li la.

Si Leta i siprim en group pou serten rezon, nou pou ekrir en *special report* lo la. Nenport ki group. Me fodre Leta i abrez, i vyol dwa en *particular group* oubyen *whatever*. E si sa pa arive, personn pa dir nou naryen e nou, nou pa vwar Leta pa'n vyol sa drwa, alors nou pa ekri en *report* oubyen nou pa

engage. E Mr CEO ava azout en pti keksoz.

MR SPEAKER

Yes, CEO i ava azoute.

CEO SEYCHELLES HUMAN RIGHTS COMMISSION ELVIS JULIE

Bonn apre midi tou Manm Onorab. Mersi Mr Chairman. Petet mon larepons i ava en pe *link* avek premye eksepsyon ki ti ganny demande par Onorab Vidot.

Bon, an term nou Bidze pou lannen 2022, bann aktivite ki nou pe komans vreman *come out*, nou pou komans nou premye aktivite aktyelman la, le 10 Desanm. Le 9 Desanm nou pou annan en *workshop* ki nou pe target bann *media houses as the fourth arm of Government*, pou medya konn son rol vizavi *human rights* e zot lobligasyon.

Me pour, si mon pou al en pti pe pli an detay, pou lannen 2022 nou pe anvizaze pou *conduct minimum 4 human rights training session conducted with all target groups of the community* e nou'n koman se fer sa. Nou'n ekrir bann diferan lorganizasyon. Nou'n *have meeting* avek bann PSs, bann CEOs of all different groups.

E nou osi nou pe, apre sa nou oule asiz ek zot pou nou konpran *what are their issues*. Se ki enportan se ki nou pa zis vini angran dir nenport kwa. Nou asize nou ganny en konpran ki bann lezot *issues* ki zot santi zot drwa pe ganny afekte, zot dinyite pe ganny afekte e la nou pou travay ek zot.

Par egzanp nou pou annan *training* pou *develop* sa bann diferan *target groups*. Nou pou annan environ minimonm 6 *key stakeholders engagement programme* ki nou pou fer avek bann diferan group. Savedir *national networking*.

E osi nou pou annan diferan travay anba sa *EU Project* e osi anba nou bann plan ki nou ti annan *originally*.

Nou pe osi travay ek media parey mon'n dir. Nou anvizaze annan apepre 4 gro levensman pou *media communication and activity*, akoz mon santi *medya* i kapab zwe en rol osi dan sa lalit ki bann diferan group i santi zot bezwen *lead*.

E nou osi pe go *out their* pou bann *public awareness* ; plizoumwen, lenformasyon, *awareness campaign* e nou pou bezwen osi eksplik la popilasyon en pe pli detaye lo bann *complaints procedures*,

nou bann *process for complains* e sa nou pe anvizaze target as *much of the population* ki nou kapab.

E nou deza annan bann lozistik ki nou'n deza met pare pou nou kapab bouze malgre nou *staff* i en pe limite. Nou pe met lanmen ansanm.

E osi dan nou nouveau lokasyon kot nou pe bouze, nou'n osi ganny en pe lespas kot nou pou kapab komans fer bann *alternative dispute resolution*, ki nou apel *EDR* pou bann *issues* ki nou pa ankor kapab ganny en solisyon. E osi nou pou kapab komans ekout bann *case hearing* parey *Chairman* in dir previously.

So, vreman nou pe *look forward for the year 2022*. Nou *hope* ki pou napa *unnecessary interruption such as COVID*, ki nou'n fer fas avek pandan sa 2 dernyen lannen. Me *rest assured* ki nou pou asiz ek tou bann *target groups* e nou pou sey konpran zot problem, konpran zot bann *issues* e travay ek zot pou nou kapab siport zot. Mersi.

MR SPEAKER

Mersi *CEO* pou sa rasirans.

Bon aprezan mon ava pran vot lo Bidze pou *Seychelles Human Rights Commission* ki li paz 131 ziska

134 pou en son R8milyon 26 mil. Manm ki an faver lev lanmen silvouple? Mersi tou Manm in vote.

Vot lo Bidze pou *Seychelles Human Rights Commission* lo paz 131 ziska 134 pou R8milyon 26mil, 32 Manm in vot pour, 0 kont e 0 abstansyon. Alors Bidze in aprouve par Lasanble. Mon a remersi i Ziz Renaud e Mr Julie e Mr Belle pou zot partisipasyon e osi Minister Finans. Mersi bann Manm.

Mon a demann Serzan pou nou pas dan Staz Komite pou nou *adjourn* pou ozordi e nou a re zwenn demen bomaten 9er. Mersi delegasyon e bon depar e bonn kontinyasyon. *Adjourn*.

(ADJOURNMENT)

Verbatim Report

NAS Sitting

Tuesday 30th November, 2021